

San Mateo

*Jesucristo Cohācjñ macñno tiquiro acaye panopñ
cjëna ijire
(Lc 3.23-38)*

¹ Jesucristo acayere panopñ cjënare yahutja yuhñ. Tiquiro ñecñno mñnano panopñ cjñno Davi wame tiriitorio ijie tiahye. Tiquiro ijato pano tiquina ñecñno mñnano iji turiariapiro Abrahã wame tiriitorio ijie tiahye.

² Abrahã Isaac pacuro ijiahye. Isaac Jacob pacuro ijiahye. Jacob Judá gähñ pacuro ijiahye.

³ Fare, Zara mehna tiquina pacuro Judá ijiahye. Tiquina pacoro Tamar wame tirioco ijiahye. Fare Esrom pacuro ijiahye. Esrom Aram pacuro ijiahye. ⁴ Aram Aminadab pacuro ijiahye. Aminadab Naasón pacuro ijiahye. Naasón Salmón pacuro ijiahye. ⁵ Salmón Booz pacuro ijiahye. Tiquiro pacoro Rahab ijiahye. Booz Obed pacuro ijiahye. Tiquiro pacoro Rut ijiahye. Obed Isaí pacuro ijiahye. ⁶ Isaí Davi pacuro ijiahye. Davi pehe Israe masa pahtoro ijiahye. Tiquiro Urias wame tiriitorio mñnano namonore tiquiro namo tiri bato Salomo wame tiriitorio pohna tiahye.

⁷ Salomo Roboam pacuro ijiahye. Roboam Abia pacuro ijiahye. Abia Asa pacuro ijiahye. ⁸ Asa Josafat pacuro ijiahye. Josafat Joram pacuro ijiahye. Joram Uzia pacuro ijiahye. ⁹ Uzia Jotam pacuro ijiahye. Jotam Acaz pacuro ijiahye. Acaz Ezequia pacuro ijiahye. ¹⁰ Ezequia Manase pacuro ijiahye. Manase Amón pacuro ijiahye. Amón

Josia pacuro ijiahye. ¹¹ Josia Jeconia gāhu pacuro ijiahye. Tiquina ijiri pjere Israe yehpa cjēnare Babilonia cjēna pehe ñehe cāhye tiquina ya yehpapu.

¹² Sa ye Babilonia yehpapu tiquina esari bato, Jeconia Salatiere pohna tiahye. Salatiel Zorobabel pacuro ijiahye. ¹³ Zorobabel Abiud pacuro ijiahye. Abiud Eliaquim pacuro ijiahye. Eliaquim Azor pacuro ijiahye. ¹⁴ Azor Zadoc pacuro ijiahye. Zadoc Aquim pacuro ijiahye. Aquim Eliud pacuro ijiahye. ¹⁵ Eliud Eleazar pacuro ijiahye. Eleazar Matán pacuro ijiahye. Matán Jacob pacuro ijiahye. ¹⁶ Jacob José pacuro ijiahye. José María manuno ijiahye. María pehe Jesu pacoro ijiri. Jesu pehe masare yuhduoatiquo ijiro, Cristo tiquina ni pisuriquiro ijiri.

¹⁷ Sa ye ye Abrahure mari queo muhtagu tee Davire mari queo bato tigu ahriquina ijipihtiyequina tiquina panamena mehna ijiye, catorce cururi waro ijiahye. Sa ye ye mari pari turi Davire mari queo muntagu tee Babiloniapu Israe masare tiquina neato pano mari queo bato tigu ijipihtiyequina tiquina panamena mehna ijiye, catorce cururi waro pari turi ijiahye. Sa ye tuhasa Babiloniapu tiquina esari bato mari queo muntagu tee Cristo tiquiro masa bajuagupu mari queo bato tigu ijipihtiyequina tiquina panamena mehna ijiye, catorce cururi waro ijiahye tja.

*Jesucristo tiquiro masa bajuari re yahuahye
(Lc 2.1-7)*

¹⁸ Sa ye ohu saha Jesucristo masa bajuari jiri. Tiquiro pacoro María pehe José mehna omoca duhteaticoro ijiahye. Sa yero ticoro omoca

dăhteato pano Espíritu Santo tutuaye mehna coã nijinogăre ne băcua căhtaro masiahye ticoro basi. ¹⁹ Sa yero José ticorore omoca dăhteatiquiro tire masino, poto ijiyere yeriquiro ijiro ticorore cohăno taro nimahye. Masa tiquina ihñono ticorore băoro ye dueraro, masa tiquina tăhoato pano yahuro marieno ticorore cohăno taro nimahye. ²⁰ Tire tiquiro tăhoturi watoa Cohăcjă yaquiro angel pehe quehĕnopă Josére bajuaro, ohō saha niahye:

—José, Davi mănano panami iji turiagă, María mehna băe tiro marieno omoca dăhteya. Ticoro Espíritu Santo yedohoro mehna coã nijinogăre ne băcua căhtaricoro ijire. Sa yegă băe tiro marieno omoca dăhteya ticorore. ²¹ Ticoro pohna tirota. Tiquirota ticoro macănota tiquiro ya maca cjĕnare pecapă wahaboriquinare yăhdăoatiquiro ijirota. Tiquiro sa yăhdăoatiquiro ijigă ihñagă Jesu wame yegăta măhă tiquirogăre, niahye angel Josére.

²² Ahri ijipihtiye sa wahahye panopă cjăno Cohăcjă yere yahu măhtariquiro tiquiro ni ojoariro sahata. Tire tiquirore Cohăcjă ojoa dutiahye. Ohō saha ni ojoahye Cohăcjă yere:

²³ Nuhmino, nijinogăre bocaro pohna tirota ticoro macănogăre. Sa yero Emanuel wame tirota tiquirogă, ni ojoahye Cohăcjă yere.

“Emanuel” nino “Cohăcjă mari mehnata ijire”, nino niaga.

²⁴ Cohăcjă yaquiro angel Josére tiquiro ni yahuri bato José pehe wahcă, angel dutiriro sahata María mehna omoca dăhteahye. ²⁵ Tiquiro macănogăre ticoro pohna tiato pano José pehe ticoro mehna

ijiera tiahye. Ticoro pehe pohna tia wahahye. Sa yero tiquiro pehe macunogāre Jesu wame yeahye.

2

Asū mūja taro cjēna Jesugāre ihñāñe esahye

¹ Herode Judea yehpa cjēna pūhtoro tiquiro ijiri pje ti yehpapu ijiri macapu Belēpu Jesu masa bajuahye. Tiquiro sa masa bajuari bato ñahpicohare buheyequina ñahpicohare quehnoano masiñequina asū mūja taro cjēna ahta, Jerusalēpu wihiyahye. ² Sa wihiye, masare to cjēnare sinituahye:

—¿Judio masa pūhtoro ijiatiquiro yojopare nohopu masa bajuagari tiquiro? Asū mūja taropu cjāna iijaaja. Sa yena ñahpicoha coā bajua wahā sagū ihñana “Pūhtoro masa bajuar niaga”, ni masii usā. Sa tia bajuagū ihñana, usā ihcāno mehna tiquirore ño peona ahta pu ohōpu, ni, yahuahye buheyequina masare.

³ Sa ye apequina Herodere tire yahuahye. Tiquina sa yahugū tuhoro Herode pehe būjua witi tuhotuahye. Sa yeye ijipihtiyequina Jerusalē cjēna gāhū tiquiro yero sahata būjua witi tuhotuahye tiquina gāhū. ⁴ Sa yero Herode pehe ijipihtiyequina pahia pūhtoare, mari judio masare buheyequina gāhūre tiquiro piji cahmecoa peho, tiquinare sinituahye tiquiro:

—¿Nohopu masa bajuaboagari Cristo pehe, mūsa tuhotugū? ni sinituahye tiquiro.

⁵ Ohō saha ni yahuahye tiquirore:

—Belēpu, Judea yehpapu ijiri macapu Cristo masa bajuarota. Ohō saha ni ojoahye Cohācjū yere yahu māhtariquiro:

6 Belēpu yeequinare Israe masare dutiatiquiro, tiquinare cohteatiquiro ahtarota. Sa yero apeye macari Judea yehpapu ijiye macari yahduoro ijire Belē pehe, ni ojoahye Cohācjū yere, ni yahuahye tiquina Herodere.

7 Tiquina sa ni yahuri bato Herode masa tahoeropu asa muja taropu ahtariquinare pijoahye. Tiquiro cahapu tiquina esagu ihñano, tiquinare sinituahye. Tiquiro sa sinitugu tahoye, tiquina ñahpicohare ihñari decore yahuahye tiquina. **8** Tiquina sa yahuri bato Herode pehe tiquinare Belēpu ohoro, ohō saha niahye tiquinare:

—Tiquirogāre quehnoano macaña. Tiquirogāre bocana yahure tojoana yahu tojoaya. Yuhu guhu tiquirogāre ño peou wahau tuu niaja, niahye tiquinare Herode.

9 Tiquiro sa nidi bato, tiquina wahahye. Tiquina sa wahagu asa muja taropu tiquina ihñaria ñahpicoha pehe tiquina pano uhmu tāducuahye. Sa yero nijinogā tiquiro ijiro bui waro tojoa wahā sahye tia ñahpicoha. **10** Sa yeje ñahpicohare ihñañe, tutuaro bucueahye tiquina. **11** Nijinogā tiquiro ijiri wuhepu esa, sajāa wahahye tiquina. Sa sajā saye, nijinogāre tiquiro pacoro mehna ijiri tiquirogāre ihñahye tiquina. Sa ihñañe tiquina dusepe curi mehna quehe sa, tiquirogāre ño peoahye. Ño peo tuhasa tiquina acarire pooahye. Urure, bueyere, mirra wame tiye ehme sitiye guhure ne wio, tire tiquirogāre wapa marieno ohoahye. **12** Tire oho tuhasa carīa wahahye tiquina. Tiquina sa carīgu quehēnopu

Cohācjū yahuahye tiquinare: “Herode cahapʉ tojoeracāhñā”, ni yahuahye Cohācjū tiquinare quehēnopʉre. Tiquiro sa ni yahuri bato, tiquina pehe wahcāhye. Tiquina sa wahcāri bato ape mahapʉ tiquina ya dihtapʉ tojoaa wahahye.

José gūhʉ Jesugāre Egiptopʉ ne duhti cāa wahahye

¹³ Tiquina sa wahari bato Cohācjū yaquiro angel quehēnopʉ Josére bajuaro, ohō saha niahye:

—Wahcāña. Herode pehe nijinogāre wejēno taro, macano nine yojopʉre. Sa ye nijinogāre tiquiro pacoro gūhʉre Egiptopʉ umuñano ne duhti cāa wahaya. Topʉre yuhʉ nidiro punota ijiya, tee yuhʉ yahugūpʉ, ni yahuahye angel Josére.

¹⁴ Tiquiro sa nigū təhoro, José pehe ñamita wahcā, nijinogāre, tiquiro pacoro gūhʉre Egiptopʉ ne duhti cāa wahahye. ¹⁵ Egiptopʉ esa, Herode catiro puno topʉre ijiahye tiquina. Sa yeahye panopʉ cjāno Cohācjū yere yahu muhtariquiro tiquiro ni ojoariro sahata. Tire tiquirore Cohācjū ojoa dutiahye. Ohō saha ni ojoahye Cohācjū yere: “Egiptopʉ ijiriquire yuhʉ macʉre pijiou”, ni ojoahye Cohācjū yere.

Herode macanagāre wejē dutiahye

¹⁶ Sa ye ñahpicohare buheyequina tiquina duhti yuhdʉ cāgū təhoro Herode pehe usua yuhdʉ wahahye. Sa usuaro, Belē cjēnare, ti maca dəhtʉ caha cjēna gūhʉre tiquina pohnene umuñagāre pua cahma cəoyequinagāre wejē bato ti dutiahye tiquiro. Coā warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigū təhoro

tiquiro wejē duariquirogā masa bajuari decore masino, “Ohōpe cahmari cahore” nino, pua cahma cahoyequinagāre wejē bato ti dutiahye. ¹⁷ Panopu cjanō Jeremia Cohācjū yere yahu māhtariquiro tiquiro ni ojoariro sahata wahahye. Ohō saha ni ojoahye tiquiro:

¹⁸ “Ramá wame tiropu bisirota. Tutuaro bujua witiye mehna utiye bisirota. Raquel pana-mena numia iji turiaye numiapu Israe masa namosānumia tiquina pohnene tutuaro utieta. Tiquina pohnene apequina wejēgū ihñāñe, ne bujua witi duhusi”, ni ojoahye panopu.

¹⁹ Sa ye Herode tiquiro yariari bato Egip-topu ijiriquire Josére Cohācjū yaquiro angel quehēnopu bajuahye. Sa bajuaro ohō saha niahye Josére:

²⁰ —Nijinogāre wejē duamediquina yariaa wahari. Sa yegu wahcāña. Tiquirogāre pacoro mehna Israe yehpapu ne tojoaa wahaya māhū, ni yahuahye angel Josére:

²¹ Tiquiro sa nidi bato José wahcā, nijinogāre pacoro mehnata Israe yehpapu ne tojoaa wahahye.

²² Sa yeperota Arquelao Herode macuno pehe tiquiro pacuro camesariquiro ijigū tāhoro José pehe Judea yehpapu tojoa duaro cueahye. Sa yero pari turi tja quehēnopu tiquirore yahu nemoahye. Tiquirore pari turi Judea yehpapu iji dutierahye. Tiquiro sa ni yahuri bato, tiquina Galilea yehpapu wahaa wahahye. ²³ Ti yehpapure Nazare wame tiri macapu ijiahye tiquina. Sa yeahye tiquina Cohācjū yere yahu māhtariquina tiquina ojoariro sahata. Ohō saha ni ojoahye: “ ‘Cristo Nazare

cjānota ijire', nieta masa", ni ojoahye Cohācjū yere yahu mahtariquina panopu cjēna.

3

*Ñu wame yeriquiro masare yahuahye
(Mr 1.1-8; Lc 3.1-9, 15-17; Jn 1.19-28)*

¹ Sa ye ti pjere Ñu Cohācjū yequinare wame yeriquiro ijiahye. Judea yehpapu masa marienopu tiquiro Cohācjū yere yahu ducahye masare. ² Ohō saha ni yahuahye tiquinare:

—Musa ñañe yerire bujua witiya. Tire duhuya. Uhmuse cjāno Cohācjū māsa pāhtoro tiquiro ijiato mehenogā dāhsare, ni yahuahye tiquiro.

³ Panopu cjāno Isaia Cohācjū yere yahu mahtariquo Ñu tiquiro buheatire ohō saha ni ojoahye:

Masa marienopu yahuducu sañuducuriquo ohō saha ni buherota tiquiro: "Mari pāhtoro ah-tato pano mahare mari quehnoyuro saha quehnoana ijiyuya māsa. Musa ñañe yerire bujua witiya", ni sañuducurota, ni ojoahye Isaia Ñure.

⁴ Sa yero Ñu camello poari suhtirore sañariquo, wahiquiro cahsero mehna tā dihoriquiro iji-ahye. Poreroare, nacu cjē umi gāhure ihyaetiahye.

⁵ Jerusalē cjēna, ijipihtiro Judea yehpapu ijiye-quina, Jordā wame tiri ma cahapu ijiyequina gāhū tiquirore tāhoye ahtahye. ⁶ Wihi, tiquirore tāho, tiquina ñañe yerire bujua witi, Cohācjūre tire yahu yuhduahye tiquina. Sa tiquina yahugū tāhoro Jordāpū Ñu tquinare wame yeahye.

⁷ Sa yero peyequina fariseo masa, saduceo masa gūhū Ņure tiquina wame ye dutiye ahtagū ihñano tiquiro yahuahye tiquinare:

—Añaa yero saha ña yuhduana ijire m̄usa. M̄usa ñañe yerire bujua witi duerana Cohācjū m̄usa ñañe yeri buhiri tiquiro buhiri dahreato pano duhti masiedare m̄usa. ⁸ Sa yena potota m̄usa ñañene bujua witiya. Quehnoañene camesaya. Sa yena quehnoañe pehere yeya m̄usa. ⁹ Ohō saha ni t̄ahotueracāhña: “Panopu cjāno Abrahā mari ñecu m̄anano ijie tiahye. Sa yena tiquiro panamena iji turiana ijina mari Cohācjū yequina ijiaja”, ni, t̄ahotueracāhña m̄usa. Musare niita niaja. Abrahā panamena iji turiana ijimene m̄usa. M̄usa sa ijiepegūta ti m̄usa sa ijije dūhseati ijierare. Cohācjū pehe ahri utā pacá mehna Abrahā panamenare dojogū ye masine. Sa yero Abrahā panamena iji turiana m̄usa ijije ihyo waro ijire utā pacá ti pacá ihyo waro ijiro sahata. ¹⁰ Ohō saha ijire: Masa yucuri yero saha ijire. Cohācjū pehe yucuire quēatiare comeare c̄oriquiro yero saha ijire. Sa yero ñañe dūca tiye cjare quē cohā, ti nāhcōri gāhure dūte surerota. Dūte sure tuhasa, pecapu ajāanota tiquiro ti cjare, nāhcōri gāhure. Sata yerota masa gāhure tiquirore cahmeeñequinare. ¹¹ Yuhū bato yuhū yuhduoro tutuariquiro ahtarota. Quehnoa yuhduariquiro ijire tiquiro. Tiquiro yero saha ijieraja yuhū pehe. Sa yegu tiquirore t̄ahotugu, “Ihyo ijigu ijiaja yuhū”, ni t̄ahotuaja yuhū. Yuhū pehe m̄usa ñañe yerire bujua witi duti, musare wame yegu aco mehna yemi. Tiquiro pehe yuhū yuhduoro yerota. Espíritu San-

tore masa mehna ijiducugă yerota tiquiro. Sa yero peca ñañene ujúa wero sahata tiquiro ahtariquiro pehe māsa ñañe yerire cose werota. ¹² Yuhu bato ahtariquiro cahseri cohāriquiro yero saha ijire. Cahseri cohāriquiro tiquiro batiro mehna ijipihiye trigo cahserire puti were. Tiquiro sa puti weri bato trigo pehere tiquiro ihbori wuhapu ihborota. Sata yerota tiquina ñañene bujua witiequinare yuhu bato ahtariquiro. Tiquiro puti weye cahseri pehere tiquiro ujúanota. Ti peca ujúari peca ne yatsi. Sata yerota tiquiro yuhu bato ahtariquiro tiquina ñañene bujua witiequinare, ni yahuahye Ñu.

*Ñu Jesure wame yeahye
(Mr 1.9-11; Lc 3.21-22)*

¹³ Came Jesu Galileapu ijiriquiro waha, Jordā wame tiri mapu buha sahye Ñure wame ye dutiro.

¹⁴ Coã warore Ñu wame ye dueramahye.

—Yohou, māhu pehe yuhu yuhdoro tutuagü yuhu pehere māhu wame yegü quehnoaboaga. Māhure wame yebogü ijieraja yuhu, ni yuhtimahye Ñu Jesure.

¹⁵ Jesu pehe yuhtiahye tiquirore:

—Yuhure wame yeya. Ohō saha yena, Cohācjü dutiro saha sohtoa tina niaja mari, niahye Jesu.

Tiquiro sa nigü tuhoro,

—Aü, ni yuhtiahye Ñu.

¹⁶ Sa ni tuhasa, Jesure wame yeahye. Tiquiro wame ye tuhasagü Jesu diapu ducuriquiro maja ducahye. Tiquiro maja ducagü, uhmanopu parí maahye. Cohācjü yaquiro Espíritu bujua yero saha

tiquiro bui dijia tagã ihñahye. ¹⁷ Sa dijia tagã uhmanopu yahuducuye bisiahye:

—Ahriquiro yahu macu yahu cahñiniquiro ijire. Tiquiro mehna tutuaro bucueja, niahye uhmanopu

4

Watño ñañene ye dutimahye Jesure (Mr 1.12-13; Lc 4.1-13)

¹ Sa ye Espíritu Santo pehe Jesure masa marienopu neahye, topu watño tiquirore ñañene ye dutiato saha.

² Topu esaro cuarenta decori waro ihyaro marieno ijiahye Jesu. Sa yero ujua ahbahye. ³ Ujua tiquirore ahbagu ihñano watño pehe tiquiro cahapu esaro, ohõ saha niahye:

—Muhu Cohäcju macu ijigu, ahria uttare ihyaye dojomehneña, nimahye tiquiro Jesure.

⁴ Jesu ohõ saha ni yuhtiahye:

—Yeraja. Cohäcju yere tiquina ojoari pupu ohõ saha nine: “Masare ihyaye mehna dihita catieraro cahmene. Ijipihtiye Cohäcju tiquiro ye yahuye mehna ijiro cahmene”, nine Cohäcju, ni yuhtiahye Jesu watñore.

⁵ Tiquiro sa ni yuhtiri bato watño pehe Jerusalepu “Cohäcju ya maca” tiquina nidi macapu Jesure neahye. Topu esa, Cohäcju ya wuhu bui Jesure ne sahye tiquiro. ⁶ Ne sa tuhasa, tiquirore ohõ saha nimahye:

—Cohäcju yere tiquina ojoari pu ohõ saha nine: “Cohäcju tiquiro yequina angelere mahare ihñña ihbo dutirota. Sa yeje tiquina pehe mahare

ihña ihboeta ‘Utāpu puha tu maari,’ niñe”, nine tiquiro ojoari pu.

Tiquiro sa nidi poto ijigu muhu Cohācju macu ijigu yehpapu uhpu dijia ihñona yuhure. Muhure tiquina yedohogu ihñona yuhure, nimahye watuno.

⁷ Jesu uhpu dijia ihño dueraro oho saha ni yuhtiahye:

—Cohācju yere tiquina ojoari pu oho saha nine: “Musa puhtoro Cohācju tiquiro nidire ‘¿Poto ijiajari?’ ni masi duana Cohācjure ye ihño duti tuhueracáhña”, nine Cohācju yere tiquina ojoari pu, niahye Jesu.

⁸ Tiquiro sa ni yuhtiri bato uhmua yuhdadu cunupu Jesure ne mujahye watuno tja. Tu buipu ne muja sa pje, ijipihtiye macarine ihñodoque dijioahye Jesure. Tiquina cuoye guhure ihñoahye.

⁹ Sa ihñono Jesure oho saha nimahye:

—Yuhure dusepe curi mehna quehe sa, ño peoya muhu. Muhu sa yegu ijipihtiye ahri macarine muhure ohoutja, ni yahumahye watuno.

¹⁰ Tiquiro sa nigu Jesu oho saha ni yuhtiahye:

—Satana, wahaya muhu. Oho saha nine Cohācju yere tiquina ojoari pu: “Muhu puhtoro Cohācju dihitare ño peoya. Tiquiro ye dutiye dihitare yeya”, nine Cohācju yere tiquina ojoari pu, niahye Jesu watunore.

¹¹ Tiquiro sa nigu tuhoro watuno wahaa wahahye. Tiquiro wahari bato angele pehe wihi, Jesure yedohoye ihyayere ohoahye angele.

*Galilea yehpapu Jesu buhe ducahye
(Mr 1.14-15; Lc 4.14-15)*

12 Sa ye Ņure peresupu tiquina yegã tahoro, wahaa wahahye Jesu. Waha, Galilea yehpapu esahye. **13** Topu ijiri macapu Nazarepu waha, yahdu cã, Capernau wame tiri macapu esahye. Galilea wame tiri ditara dahtu cahapu ijiri Capernau. Ti maca Zebulón yehpa cahapu, Neftalí yehpa cahapu ijiri Capernau. Topu esa, ijiahye Jesu. **14** Sata yeahye Jesu panopu cjãno Cohācjú yere yahu mahtariquiro Isaia tiquiro ni ojoariro sahata. Ohõ saha ni ojoahye:

15 Zebulón yehpa cahapu, Neftalí yehpa cahapu, ditarapu wahari mahapu, Jordá wame tiri ma ape sie pahrépu Galilea yehpa ijire. Ti yehpa judio masa ijieyequina ya yehpa ijire. **16** To cjãna Cohācjú yere quehnoano masiedare. Sa masiedapeta quehnoariquirore ihñañepu masieta. Tiquina pehe Cohācjúre ne masiedare. Sa ye ye pecapu wahaboriquina ijimahye. Sa yero ihçäquiro tquinare Cohācjú yere masigã yerota, ni ojoahye Isaia.

17 Topu ijiro, Cohācjú yere yahu dacahye Jesu: —Masa ñañe yerire bujua witiya. Sa yena quehnoañene comesaya. Uhmuse cjãno Cohācjú ijipihtiyequina puhtoro tiquiro ijiato mehenogã dahsare, ni yahu dacahye tiquiro.

*Pititiaro wahi wejẽñequinare tiquiro mehna cjãna
ijiatiquinare pijahye Jesu
(Mr 1.16-20; Lc 5.1-11)*

18 Sa ye Galilea wame tiri ditara dahtu cahapu esaro, Simore, tiquiro bahro Andre mehna boca sahye Jesu. Simo tquinna Pedro ni pisuriquiro

ijiahye. Tiquina pehe wahi wejēñequina ijiye, tiquina wēñecjure doque ñoñe niahye ditarapu.

¹⁹ —Yuhu mehna cjāna ijianaja ahtaya musa. Yuhu mehna musa ahtagu musa wahire ñehe cahmecoana musa ijiro saha, Cohācju yequina ijiatiquinare masare piji cahmecoana ijigu yeija musare. Yuhu mehna musa ahtagu sa yeanajare cūtja musare, niahye tiquiro tiquinare.

²⁰ Tiquiro sa nigu tuhoyeta tiquina wēñecjure cūcā, tiquiro mehna wahahye.

²¹ Sa ye Jesu tiquina mehna yuhucā, Santiagore tiquiro bahuro Nu gāhure boca sahye tja. Tiquina Zebedeo pohne ijiri. Tiquina yaria yucusapu tiquina pacuro mehna tiquina wēñecjure quehnoñe niahye. Tiquina puarore tiquiro pijioahye. ²² Tiquiro sa pijilogu tuhoye, tiquina pehe duita tiquina pacurore, yucusa gāhure cū, Jesu mehna wahahye.

*Peyequina masare buheahye Jesu
(Lc 6.17-19)*

²³ Sa ye ijipihtiropu Galilea yehpare Jesu buhe tinidi. Judio masa mari buheyeye wuhusepu quehnoñañe buheyere, uhmuse cjāno tiquiro puhtoro ijiye tiyere buheri. Tiquinare buhe, dohatiyequinare quehnoa wahagu yero, ijipihtiye dohatiyere yuhuori tiquiro. ²⁴ Tiquiro sa yegu tuhoye Siria yehpa cjēna ijipihtiropu ti yehpapu ijiyequina tiquirore masi ducari. Sa masiñe, sijoro saha ijiye dohatiye cuoyequinare, watuare cuoyequinare, ñama yariaye cuoyequinare, tini masieñequina gāhure ne sari. Sa yero ijipihtiyequina tiquinare yuhugu yeri Jesu.

25 Tiquiro sa yegă ihñaañe, Galilea yehpa cjëna, Decapoli cjëna, Jerusalë cjëna, Judea yehpa cjëna, Jordā ape sie pahrē cjëna peyequina masa tiquiro mehna wahari.

5

*Cunapu maja, topu buheahye Jesu masare
(Lc 6.20-23)*

1 Sa ye masa peyequina tiquiro cahapu tiquina esagă ihñano Jesu cunapu majaah wahahye. Maja sa, topu dujiahye. Topu dujigă tiquiro buheyequina tiquiro cahapu esahye. **2** Tiquina esagă ihñano ohō saha ni buhe däcahye.

3 —Tiquina ñañene bħajha witiyequina Cohācjūre cahmeñequina bucueyequina ijire. Uhmuse cjāno tiquiro pahtoro ijiropare wahaeta tiquina. Uhmuse cjē tiquina ye ijire.

4 'Utiyequina għħu bucueyequina ijire. Tiquinare bucuegħa yerota mari Pacu.

5 'Apequinare yħdudha dueyequina "Ihyo ijina ijjiaja u sā", ni tħotuyequina bucueyequina ijire. Cohācjū "Ohoutja", tiquinare tiquiro nidi yehpare cħoeta tiquina.

6 'Cohācjū dutiro saha ye duayequina, quehnoañene ye duayequina bucueyequina ijire. Cohācjū tiquiro yedohogħa tiquina quehnoañene yeduċueta.

7 'Apequinare paja ihñaañequina bucueyequina ijire. Tiquina sa paja ihñagħa Cohācjū tiquina għħare paja ihñanota.

8 'Tiquina ñañene cosenohriquina bucueyequina ijire. Cohācjūre ihñāeta tiquina.

9 'Apequinare cahmequedagă yeyequina bucueyequina ijire. Tiquinare "Yuhu pohna ijire", ninota Cohācjū.

10 'Cohācjū dutiyere tiquina yeri buhiri apequina ñano yere Cohācjū tiquiro dutiriquinare. Tiquina sa ñano yegă bucueyequina ijire tiquina pehe. Uhmuse cjāno tiquiro pāhtoro ijiropă tiquiro yere c̄oeta tiquina.

11 'Yeere m̄sa yeri buhiri apequina m̄sare tiquina tuhtiepegăta bucuena ijire m̄sa. M̄sare tiquina ñano yepegăta bucuena ijire m̄sa. Yeequina m̄sa ijiri buhiri m̄sare ijipihiye ñañe tiquina quiti dojomehnepégăta tiquina ni mehoepégăta bucuena ijire m̄sa. **12** Cohācjū yere yahu m̄htariquinare m̄sa pano ijiriquinare tiquinapăreta ñano ye m̄htahye. Tiquinare yeriro sahata m̄sa găhäre apequina sa yegă bucueya. Quehnoano jeripohna tiya. Sa yero uhm̄sepa m̄sa esagă pajiro quehnoano yerota m̄sare Cohācjū, ni yahuahye Jesu.

Moa yero saha, buhrioro yero saha ijire Jesu yequina

(Mr 9.50; Lc 14.34-35)

13 Sa ye Jesu buhe nemoahye:

—Moa mehna wahiquiro dihire ti ñano wahaeragă yero sahata m̄sa pehe yeequina pehe ijipihiyequina apequinare ñañene tiquina ye dueragă yere. Sa ijieperota moa pehe ti ñañe wahagă pari turi quehnoañe ye masiedare. Ti moa ne quehnoaedare. Ti sa wahagă ti moare cohāno cahmene. Ti moare cohāri bato ti bui masa c̄ahta c̄ure. Ne d̄uhseati ijierare ti moa tiquiro

cohāñe. (Ti dūhseati ijieraro saha ijieracāhñā mūsa. Cohācjā ye pehere cohāedacāhñā,) ni yahuahye Jesu.

14 Sa ye tiquiro buhe nemoahye:

—Buhrioro marine ihñagū yero sahata mūsa pehe yeequina pehe ahri yehpa cjēnare Cohācjūre masigū yere. Cūnū bui ijiri macare nūono basioerare. **15** Sa ye sihāriare masa sihāñe, sutu docapū moha dapo masiedare. Tiare sihāriare uhmūanopū duhu peore ti wāhū cjēna ijipihtiyequina tiquina ihñatiare. **16** Ohō sahata mūsa gāhū buhrioro yero saha ijina, quehnoañene yeya. Mūsa sa yegū ihñāñe masa mari Pacū uhmūse cjānore ño peo, “Tutuagū, quehnoagū ijire”, nieta, ni yahuahye Jesu.

Cohācjā tiquiro dutiyere tiquiro ojoari gāhūre yahuahye Jesu

17 Sa ni tuhasa, tiquinare yahu nemoahye:

—Ahrire mūsa masigū cahmeaja yāhū. Cohācjā dutiyere Moisere tiquiro cūrire, tiquiro yere yahu māhtañequina tiquina ojoari gāhūre cohāgū tagū niedū. Ti dutiyere māsare quehnoano yahu potou tāa nii. Ti dutiyere poto ijigū ihñou ahtaū. Ti dutiye nidiro sahata ye sohtori tii tāa nii. **18** Ijirota māsare niaja. Pihtiri deco pano ijinigū Cohācjā dutiye Moisere tiquiro cūrire ne mehenogā cohāsi mari. Ahri yehpa, uhmūse gāhū ti ijiro puno tiquiro dutiye gāhū ijirota. **19** Sa yeye ti dutiyere ihquēquina yāhdūdūcaye, apequinare sata ye dutiye, uhmūse cjāno tiquiro pāhtoro ijiropū cahacjēna yero saha ijieta. Ihcā dutirogā ijiepegūta tiquina yāhdūdūcaye, cahacjēna yero saha ijieta

tiquina. Apequina ti dutiyere quehnoano yeye, apequinare tiquina yero saha ye dutiye, uhmuse cjēno tiquiro puhtoro ijiropu puhtoa yero saha ijieta tiquina pehe. ²⁰ Musare niita niaja yahu. Judio masare buheyequina, fariseo masa gāhu Cohācju cahmeñene queoro yerare. Tiquina yahduoro Cohācju cahmeñene yeya musa. Musa sa yerana, tiquiro puhtoro ijiropure ne esasi musa, ni yahuahye Jesu.

*Usuayere yahuahye Jesu
(Lc 12.57-59)*

21 Sa ni tuhasa, tiquinare yahu nemoahye:

—Panopu cjēna ohō saha ni tiquina yahurire tuhorí jímedi musa: “Masare wejēdacāhu. Masare wejēdiquirore tiquina buhiri dahreatiquiro ijire”, tiquina nidire tuhorí jímedi musa. ²² Ahri tiquina yahuri yahduo cjūno musare ahri pehere yahu nemoutja. Tiquiro acayuro mehna usuariquiro pehe tiquina buhiri dahreatiquiro ijire masanore wejēdiquiro yero saha. Tiquiro acayurore tuhtiriquiro “Ne tuho masiñe mariegu ijire muhu”, nidiquiro buhiri dahre dutiyequina cahapu tiquina neatiquiro ijire. “Tuho masiegu ijire muhu”, tiquiro acayurore sa nidiquirore pecapu wahaboaga tiquiro.

23 ’Musa acayuro musare tiquiro ihña tuhtigu ohō saha yeya. Cohācju wuhupu Cohācjure musa ño peoato pano, tiquirore wahiquirore musa ohoato pano ohō saha yeya. ²⁴ Cohācjure musa ohoatire duhu cu, musa acayuro cahapu waha, “Pari turi cahmequedacāhna. To punota duhuuhna tire”,

niña tiquirore. Masa sa nidi bato Cohācjāre oho, ño peona wahaya tiquiro ya wāhāpu.

²⁵ 'Apequiro māhāre yahusā duaro, pāhtoro masare beseriquiro cahapā māhāre tiquiro nea duagā, tiquiro mehna usuarō marieno ijiya. Beseriquiro cahapā tiquiro neato pano tiquiro mehna quehnoano ijiya. Māhu sa yegā ihñano tiquiro māhāre yahusāedaboaga. Māhu sa quehnoano ijieragā ihñano topare masa esagā tiquiro pehe māhāre masare beseriquirore yahusānotā. Tiquiro sa yahusāgā, beseriquiro pehe peresu yeyequinapāre māhāre ohorota. Sa yeye tiquina māhāre peresu yeeta. ²⁶ Ijirota niaja māhāre. Topā ijiniita māhu. Tee tiquina wapa ye dutirire māhu wapa ye pehogāpā wijiagūta māhu, ni yahuahye Jesu.

Apequiro namono mehna ñano yeyere yahuahye Jesu

²⁷ Ohō saha ni yahu nemoahye Jesu:

—Panopā cjēnare ohō saha tiquina ni yahurire tāhori jīmedi masa: “Apequiro namono mehna ñano yeracāhñā”, tiquina nidire tāhori jīmedi masa. ²⁸ Ahri tiquina yahuri yāhdāo cjūno masare ahri pehere yahu nemoutja. Numinore ñehedaperota, ihcāquiro ticorore ñano tutuaro cahmeno, ñano wacū tāhoturo, ñano ye tuhasari ticoro mehna.

²⁹ Sa yegā māhu capea poto pehepā ijiria mehna ñano yegā, tiare ore we ne māhu cohāboriro sa-hata ti ñañene duhuya. Tire duhueragā pecapā wahagūta. Māhu capeare māhu cohāgā tia capea dihita butire. Māhu pehere pecapā māhu wahagā

ñā yahdare. Sa yegu ti ñañene duhuya. ³⁰ Sa yegu māhu omoca poto pehe ijiri omoca mehna ñano yegu, ti omocare māhu dāte cohāboriro sa-hata ti ñañene duhuya. Tire duhueragu pecapu wahagūta. Māhu omocare māhu cohāgū ti omoca dihita butire. Māhu pehe pecapu māhu wahagū ñā yahdare. Sa yegu ti ñañene duhuya, ni yahuahye Jesu.

*Tiquiro namonore cohāñene, wame peoye gāhure
yahuahye Jesu*

(Mt 19.9; Mr 10.11-12; Lc 16.18)

³¹ Ohō saha ni yahu nemoahye Jesu:

—Panopu ahri gāhure niahye: “Tiquiro namonore cohā duariquiro tiquiro cohātire yahuri pū mehna ticorore cohā masine”, nimahye panopu. ³² Ahri tiquina yahuri yahdāo cjūno māsare ahri pehere yahu nemoutja. Tiquiro namono apequiro mehna ñano yericoro ticoro ijierapegūta ticoro manāno ticorore cohāboaga. Ticoro sa cohānōricoro apequiro mehna omoca dāhtero, ñano yero niaga ticoro apequiro mehna ijiro. Ticoro manāno ticorore tiquiro cohāri bato ticorore apequiro mehna ñano yegū yere. Sa yero tiquiro bato namo tiriquiro gāhu ticoro mehna ñano yero nine, ni yahuahye Jesu.

³³ Ohō saha ni yahu nemoahye Jesu:

—Panopu cjēna ohō saha tiquina ni yahurire tāhori jemedi māsa: “Māsa nidiro sa-hata yeya. ‘Cohācjū mehna poto sa yeitja’ māsa nidiro sa-hata yeya”, tiquina ni yahurire tāhori jemedi māsa. ³⁴ Ahri tiquina yahuri yahdāo cjūno māsare ahri pehere yahu nemoutja. “Uhmāse mehna

poto nii niaja”, ni ʉhmʉse mehna wame peoeracāhñā. Ɂhmʉse pehe Cohācjū mari pʉhtoro tiquiro ijiro ijire. Ihyo ijiro ijierare. Sa ijigū ihñana sa niedacāhñā. ³⁵ Ahri yehpa mehna ne wame peoeracāhñā. Ahri yehpa Cohācjū ya yehpa ijire. Sa ijigū ihñana sa niedacāhñā. Jerusalē mehna ne wame peoeracāhñā. Tutuariquiro mari pʉhtoro ya maca ijire Jerusalē. Ihyo ijiri maca ijierare. Sa ijigū ihñana sa niedacāhñā ti wamene. ³⁶ “Yʉhʉ dapu mehna poto nii niaja”, ni wame peoeracāhñā. Mʉsa poari yehseye poari wahagū ye masiedare mʉsa. Ti poarire ñiñe wahagū gāhʉre ye masiedare mʉsa. Sa ye masiena “Yʉhʉ dapu mehna poto nii niaja”, ni wame peoeracāhñā. ³⁷ “Yenatja”, nina wame peoro marieno ohō saha dihita tire niducuya. “Yesi”, nina gāhʉ wame peoro marieno niducuya. Mʉsa wame peo nina, watñō ñariquiro dutiro saha yena niaga, ni yahuahye Jesu.

*Tiquina cahme ihñā tuhtiyere yahuahye Jesu
(Lc 6.29-30)*

³⁸ Ohō saha ni yahu nemoahye Jesu:
—Panopʉ ohō saha tiquina ni yahurire tʉhorí jimedi mʉsa. “Mʉhʉre apequiro mʉhʉ capeare tiquiro quē tihāriro sahata mʉhʉ gāhʉ tiquirore quē tihā cahmeña. Mʉhʉ upiriare tiquiro quē nuhariro saha mʉhʉ gāhʉ quē nuha cahmeña”, tiquina nidire tʉhorí ijimedi mʉsa. ³⁹ Tiquina yahuri yʉhdao cjūno ahri pehere yahu nemoutja mʉsare. Mʉhʉre ñano yeriquirore sa ihñā cāhñā. Ihcā pehe mʉhʉ wahsupure tiquiro quēgū, ape sie gāhʉre quē dutiya tiquirore. ⁴⁰ Apequiro

buhiri dahre dutiriquirore māhāre tiquiro yahusāgū, dutiriquiro pehe māhā camisare māhāre yahusāriquirore oho dutiboaga. Tiquiro oho dutigū, tiquirore ohoya. Māhā bui cjā suhtiro gāhāre oho nemoña tiquirore. ⁴¹ Apequiro surara apee borore ihcā kilómetro māhāre tiquiro nea basa dutigū, ape kilómetrore waha nemoña tja. ⁴² Māhāre sinidiquirore ohoya. Sa yegū apequiro māhāre waso dutigā wasoya tiquirore, ni yahuahye Jesu.

*Māsare ihñā tuhtiyequinare cahīñā
(Lc 6.27-28, 32-36)*

⁴³ Ohō saha ni yahu nemoahye Jesu:

—Masa ohō saha nine: “Māsa mehna cjēnare cahīñā. Sa yena māsare ihñā tuhtiyequinare ihñā tuhti cahmeña tja”, tiquina nidire tāhorí jímedi māsa. ⁴⁴ Tiquina yahuri yāhdāo cjūno ahri pehere yahu nemoutja māsare: Māsare ihñā tuhtiyequinare cahīñā. Māsare ñano yeyequinare tiquina ye ijiatire Cohācjāre sini basaya. ⁴⁵ Māsa sa yena mari Pacā uhmuse cjāno pohna ijire māsa. Cohācjā pehe ihcāno saha yere masare. Ñañequina gāhāre quehnoañequina gāhāre asā asigū yere tiquiro. Sa yero Cohācjā dutiyere yeyequina gāhāre, yeeyequina gāhāre acoro ahtagū yere tiquiro. Masare ihcāno saha tiquiro yeriro sa-hata māsa gāhā yeya. ⁴⁶ Māsare cahīñequina dihitare māsa cahīgū ti ne dāhseati ijierare. Wapa ne cohteyequina gāhā sata yere. Sa yena ijip-ihtiyequinare cahīñā. ⁴⁷ Māsa acaye dihitare māsa quehnoano piti cagū ti ne dāhseati ijierare. Cohācjāre masieñequina gāhā sata yere. Sa yena

ijipihtiyequinare quehnoano piti caya. ⁴⁸ Ñañe mariena ijiya m̄usa. Mari Pac̄a uhmuse cjāno tiquiro ñañe marieniquiro tiquiro ijiro sahata m̄usa ḡihu ñañe mariena ijiya, ni yahuahye Jesu.

6

Quehnoañe yeyere yahuahye Jesu

¹ Pari turi tiquiro yahu nemoahye:

—Cohācjū ye ijiatire quehnoañene yena, tire masare “Ohō saha ijiḡa ijiaja yuhu”, ni ye ihñoeedacāhña apequinare. M̄usa sa ni ye ihñori buhiri quehnoañene m̄usa yeri d̄uhseati ijierare. Sa yero Cohācjū uhmuse cjāno quehnoañene m̄usa yeri wapa m̄asare ohosi.

² Sa yena pejec̄oyequinare yedohona, tire masare ye ihñoeedacāhña. Masa tiquina ihñenop̄a yedohoya tiquinare. Sata ihquēquina ye ihñore mahap̄a ijiyequinare, judio masa mari buheye wuhusep̄a ijiyequina ḡuhare. Tiquina mari ihñono dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare ni ihña dutiye. Tiquina sa ni ihñaḡa sa ye ihñoñequina pehe bucue tuhasari. “Quehnoañequina ijire”, ni masa tiquina ño peoḡa bucue tuhasari tiquina. Sa yero Cohācjū pehe ne bucue nemoḡa yesi tiquinare. ³ Sa yena pejec̄oyequinare yedohona, masa tiquina ihñenop̄a yedohoya tiquinare. M̄usa mehna cjēna mehna ijina tiquina ihñeno pejec̄oyequinare yedohoya. ⁴ Masa tiquina ihñenop̄a m̄usa yedohoep̄eḡta Cohācjū pehe ihñare. Sa ihñano

masa sa yeri wapa ohorota masare, ni yahuahye Jesu.

*Cohācjāre siniñene yahuahye Jesu
(Lc 11.2-4)*

⁵ Pari turi tiquiro yahu nemoahye:

—Cohācjāre sinina, masa ihñono dihita quehnoano iji mehoñequina yero saha yeracāhña masa. Judio masa mari buheye wuhasepʉ ducu, mahapʉ gāhure ducu, Cohācjāre sini ihñore tiquina masare. Sa sini ihñōñe poto masa tiquina ño peoye mehna tiquina bucue tuhasari.

⁶ Cohācjāre sinigʉ tagʉ, muhʉ ya tucūpʉ biha sajāña. Biha sajā, mari Pacʉ ihñamehnenuquirore siniña. Masa sa yegʉ masa marienopʉ masa siniepegüta mari Pacʉ masare tāhorota. Sa tāhorotu masare quehnoano yerota tiquiro.

⁷ Sa yena Cohācjāre sinina, tāhoturo marieno masa sinidireta pari turi sini majare tojoeracāhña. Ohō sahata yere Cohācjāre masieñequina. “Peye tahari ihcāno saha usā sinigʉ Cohācjū usāre tāhorota”, ni tāhotumene tiquina. ⁸ Tiquina yero saha yeracāhña masa. Masa siniato pano mari Pacʉ masa cahmeñene masi tuhasare. ⁹ Sa yena ohō saha ni siniña masa Cohācjāre:

Usā Pacʉ, uhmuse cjā muhʉ quehnoagʉ sa ijiducure.

¹⁰ Yojopʉre ijipihtiyequina pāhto ijiya. Uhmusepʉ muhʉ dutiro sahata tiquina yeriro sahata ahri yehpa cjēna gāhʉ yeahro.

¹¹ Sa yegʉ decoripe usā ihyatire ohoducuya usāre.

¹² Apequina usāre tiquina ñano yerire usā boaja. Sa yegʉ muhʉ gāhʉ usā ñano yerire boyá.

13 Sa yegħu ħsā ħañene ye duagħu ħsā tutuaro cah-megħu ihñagħu tire ħsāre ye dutiegħu. Sa yegħu ħsāre ħsā ħañene yeragħu yeya.

Mahħu ħsā pħħto tutuagh sa ijiducugħu. Ijipihiye-quina mħħure sa ño peoducuahro, ni siniħa Cohāċjäre.

14 'Apequina mħsare tiquina ħano yerire mħsa bogħu ihñano, mari Pacu ħhmuse cjanno għiġi mħsa ħano yerire borota. **15** Sa booperota apequina mħsare tiquina ħano yerire mħsa boaeragħu mari Pacu għiġi mħsa ħano yerire bosi, ni yahuahye Jesu.

Sijiyere buheahye Jesu

16 Sa yero tiquiro tiquinare yahu nemoahye:
—Cohāċjäre ño peona tana sijina bħejha witiye-quina yero saha ye ihñoedacāħħna. Sata yere masa ihñono dihit queħnoano iji mehoñequina. Tiquina wħħdoa pacà bħejha witiyequina yero saha ijjire. Tiquina sa ijiyequina ijigħu tiquina sijigħu ihñi masine masa. Ijriota mħsare nii niaja. Masa tiquinare ño peogħu cahmene tiquina. Sa yeye tiquinare tiquina ño peogħu ihñān bucue tuħasari. Cohāċjä pehe tiquirore tiquina ño peori wapa tiquinare bucuegħu yesi. Sa yena tiquina yero saha ye ihñoedacāħħna mħsa. **17** Mħsa sijina, mħsa poarire aco mehna wa peo wħħodo pacare coseya. **18** Mħsa sa yegħu mħsa sijigħu ihñi masisi masa. Cohāċjä dihit mħsa sijiyere ihñi masinota. Mħsa sehsaro mħsa ijigħu tiquiro mħsa mehna sa ijiducure. Sa ihñano tiquiro mħsare queħnoano yerota tiquirore mħsa ño peori wapa, ni yahuahye Jesu.

*Uhmuse cjēne c̄ho dutiahye Jesu
(Lc 12.33-34)*

19 Sa yero tiquiro yahu nemoahye:

—Ahri yehpa cjēne ne cahmecoedacāhñā. Ohō cjē ahbaa wahaboaga. Ti ahbaeragū yaqueriquiro neboaga tire. Tiquiro yaqueragū mecasia tāaboaga. Sa yero ahri yehpa cjē butiaro cuarīne. Sa yena ahri yehpa cjēne tutuarō cahmedacāhñā.

20 Uhmuse cjē pehere cahmeña m̄usa. Uhmuse cjēne mecasia tāa masiedare. Topa m̄usa c̄oye ne ahbaerare. Topare yaqueriquiro ne masiedare. Sa yena uhmuse cjēne cahmeña m̄usa. **21** Topa m̄usa c̄oye ijigū, uhmuse cjēne Cohācjū yere tutuarō wacūre m̄usa, ni yahuahye Jesu.

*Masa tiquina t̄hoturo sahata yere
(Lc 11.34-36)*

22 Sa yero ohō saha ni yahu nemoahye tiquinare:

—Sihāria quehnoano buhriogū mari quehnoano ihñā masino sahata quehnoañene t̄hotuye mehna quehnoano ye masinata m̄usa. M̄usa t̄hoturo sahata yere m̄usa. Quehnoañene t̄hotuna quehnoano yere m̄usa. **23** Quehnoañene t̄hotuerana ñañene yere m̄usa. M̄usa ñañe dihitare m̄usa t̄hotuducugū ti ñañe pehe ña yuhdāye ijire, ni yahuahye Jesu.

*Niñerure cahīñequina, Cohācjū pehere cahīedare
(Lc 16.13)*

24 Sa yero tiquiro yahu nemoahye tiquinare:

—Ihcāquiro Cohācjū pehere wacūno, tutua yuhdāaro niñeru pehere wacūedare. Niñeru pehere tutua yuhdāaro wacūno Cohācjū pehere

wacüedare. Niñeru dihitare cahmediquiro ijiro Cohācjāre bucuegā yerare. Cohācjā gāhure, niñeru gāhure pħarore cahme yahduducaro basioerare mħasare.

*Cohācjā tiquiro pohnene ihñā ihbore
(Lc 12.22-31)*

²⁵ 'Sa yegħi ahrire mħasare nii niaja: Muşa ihyayere, sihniñene, suhti gāhure pajiro bħejha witi tħotueracāħħna. Mħasare bajumehneno ihyayere ihyatina dihitare suhti sañatina dihitare Cohācjā yerari mħasare. ²⁶ Minicjua parire Cohācjā tiquiro ihñā ihboyere masiña muşa. Tiquina weseri marieñequina ijire. Sa yeże ihyayere tiquina iħ-boye wħusse tiquinare mariedare. Mari Pacu pehe tiquinare tiquina ihyatire ohore. Minicjua yahdħoro muşa pehere cahñē Cohācjā. Sa yero muşa gāhure ihñā iħborota tiquiro. ²⁷ Pajiro muşa tħotuye mehna ti mħasare iħċā hora cati nemogħi yerare. Sa yero muşa pajiro tħotuye dħseati ijierare.

²⁸ 'Sa yena muşa suhti sañatire pajiro bħejha witi tħotueracāħħna. Nuċu cjē cohori ti cohoyere tħotuya. Ti cohori ti basi suhtire yerare. Sa yerapeta ti cohori quehnoaňe suhti yero saha quehnoaňe cohori bajure. ²⁹ Salomo mħanano quehnoaňe suhtire sañariquiro tiquiro ijjiepegħata ti cohori pehe tiquiro yahdħoro quehnoa yahdħaye cohori waro ijire. ³⁰ Cohorire quehnoaňe cohori yere Cohācjā pehe. Ti cohori pehe meheňe decorigā ijiducu ñai bora dijiaa wahare. Mehenogħi iji, ape decopu pecapu ujja wahare. Sa ijjiepegħata cohорire quehnoaňe cohori ijigħi yere Cohācjā. Sa yero Cohācjā

cohorire tiquiro quehnoañe cohori tiquiro yeriro yahdoro m̄sa ḡhure quehnoano yerota. Suhtire ohorota. Cohācjūre mehenogā wacū tutuare m̄sa. ³¹ Sa yena m̄sa ihyatire, m̄sa sihniatire, m̄sa suhti sañatire pajiro bujua witi t̄hotueracāhñā. ³² Cohācjūre cahmeeñequina pehe tire sa macaducuye nine. Mari Paca ahmuse cjēno ijipihiye m̄sa cahmeñene masine. Tiquiro sa masigū pajiro bujua witi t̄hotueracāhñā. ³³ Cohācjū m̄sa p̄ahtoro tiquiro ijiatore cahme mahtaña m̄sa. Ijipihiye apee boro yahdoro tiquirore cahmeña m̄sa. Quehnoañene tiquiro ye dutiye ḡhure cahmeña. M̄sa sa yeri bato Cohācjū pehe m̄sa cahmeñe d̄hsagū ohorota. ³⁴ Sa yena ñamiapure m̄sa d̄hse wahatore pajiro bujua witi t̄hotueracāhñā. Ñamiare m̄sa ñano yahdugū Cohācjū yedohorota m̄sare. Miare m̄sa ñano yahdato iji tuhasare. Sa yena mia cjē dihitare t̄hotuya. Ape deco cjēne pajiro bujua witi t̄hotu nemoedacāhñā. Cohācjū pehe m̄sare yedohorota, ni yahuahye Jesu.

7

*Apequinare “Ñañequina ijire”, niedacāhñā
(Lc 6.37-38, 41-42)*

¹ Sa yero tiquiro tiquinare yahu nemoahye:
—Apequinare “Ñañequina ijire”, niedacāhñā m̄sa. M̄sa sa niedagū Cohācjū m̄sare “Ñana ijire”, nisi. ² Apequinare “Quehnoano yerare”, m̄sa ni ihñano sahata Cohācjū pehe m̄sa ḡhure sata ni ihñanota. ³ Mari queoye mehna mari buhegū ohō saha yena ijire m̄sa. M̄sa acayuro

tiquiro capeap⁴ meheni pohcarogā sajāgū ti pohcarogāre quehnoano ihñare m^usa. M^usa ya capea pehere pajiri pjī ijiipegūta ti pjīne ne ihñedare m^usa. Meheni pohcarogāre m^usa ihñano saha m^usa acay^uro tiquiro ñano yeye pehere quehnoano ihñare m^usa. M^usa basi m^usa ñañene tutuaro yepenata tire masiedare m^usa, pajiri pjīne m^usa ihñeno saha. ¿Duhse ijiro boro sa ijjajari m^usa? ⁴ Ohō saha nibona ijire m^usa: “Yuhu acay^u, ñañene yei nine muhu. Sa yeg^u tire duhuya”, nibona ijire m^usa. Sa nibona ijiopenata pajiro ñañene yere m^usa. ¿Duhseña m^usa ñañene yepenata tire masiedajari m^usa? ⁵ Masa tiquina ihñono dihita quehnoano iji mehonā ijire m^usa sa yena. Pajiri pjīne m^usa capeap⁴ ijiri pjīne m^usa ne mahtaboriro sahata m^usa ñano yeye pehere duhu muhtaña. M^usa sa yeri bato m^usa acay^uro tiquiro ñano yeyere duhug^u ye masiboaga, meheni pohcarogāre m^usa neboriro sahata.

⁶ ’Diayea yero saha ijiyequina, yesea yero saha ijiyequina gāhu ñañequina Cohācjā yere quehnoa yuhd^uyere tiquina ño peoerare. Tiquina pehere yahueracāhña. “Tiquina bujupe, ñano niari”, nina, yahueracāhña tiquinare, ni yahuahye Jesu.

*Cohācjāre mari siniñene yahuahye Jesu
(Lc 11.9-13; 6.31)*

⁷ Sa yero tiquiro tiquinare yahu nemoahye:
—Cohācjāre siniña m^usa. Sinina m^usa nenata. M^usa sinidire bocanata. Tiquirore sa siniducuya m^usa. M^usa sa yeg^u tiquiro m^usare ohorota.
⁸ Ijipihtiyequina Cohācjāre siniñequina neeta. Sa

yeye tiquina sinidire bocaeta. Sa yero ijipihiye-quina Cohācjēre sa siniducuyequinare tiquiro tiquinare ohorota.

⁹ ¿Musa pohna pāgāre māsare tiquina sinigū utā pehere ohoboagari musa tiquinare? Ne ohosi.

¹⁰ ¿Musa pohna wahire māsare tiquina sinigū aña pehere ohoboagari musa tiquinare? Ne ohosi.

¹¹ Musa ñana ijiepenata musa pohnare quehnoañene ohoe tiri musa. Sa yero Cohācjā pehe musa yahduoro quehnoañene ohore māsare tiquiro pohnare tiquirore sininare. Musa pohnare musa ohoriro yahduoro Cohācjā pehe tiquiro pohnene ohore.

¹² 'Apequina māsare tiquina quehnoano yegū cahmene musa. Tiquinare musa quehnoano yegū cahmeno sahata quehnoano yeya tiquina gāhure. Tiquina quehnoano yerapegūta musa pehe tiquinare quehnoano yeya. Sata ye dutire Cohācjā dutiye Moisere tiquiro cūripu, Cohācjā yere yahu māhtariquina tiquina ojoari gāhū, ni yahuahye Jesu.

*Meheni sopecahagā quitire yahuahye Jesu
(Lc 13.24)*

¹³ Sa yero tiquiro yahu nemoahye tiquinare.

—Uhmusepu Cohācjā cahapu waha duana tiquiro yere yero cahmene māsare. Sa yena tiquiro yere sa ye macaedacāno cahmene. Meheni sopecahagāpu musa sajā duagū mijorīne. Sata mijorīne Cohācjā cahapu musa waha duagū. Pecapu masa tiquina wahagū mijoeclare. Pajiri sopecahapu mari sajāgū mijoeclare. Ti sopecahapu masa tiquina sajāboro saha

pecapu masa tiquina wahagü mijoedare. Sa ye ye peyequina masa topu wahaye nine. ¹⁴ Cohācjü cahapu musa waha duagü mijoríne. Meheñequinagä masa topu wahaeta. Topu wahayequina ijipihtiye decori Cohācjü mehna ijiducueta, ni yahuahye Jesu.

*Yucugü ducare masina, tu padu gühüre masine
musa*
(Lc 6.43-44)

¹⁵ Sa yero tiquiro yahu nemoahye tiquinare: —Quehnoano yeya. “Cohācjü yere yahu muhtana ijiaja”, ni mehoñequinare tuhoeracāhña musa. Tiquina oveja yero saha usueyequina saha bajumene. Tiquina tuhotuyepu ñañequina ijire tiquina. ¹⁶ Tiquina ñano yegü ihñana, ñañequina tiquina ijigü masinata musa. Tiquina quehnoano yegü ihñana quehnoañequina tiquina ijigü masinata musa. Pota bucugü uhse tóhorine duca tierare. Potagu higuera pacare duca tierare. ¹⁷ Quehnoadu yucugü quehnoañene duca tire. Ñadu pehe ñañene duca tire. ¹⁸ Quehnoadu yucugü ñañene ne duca tierare. Sa yero ñadu quehnoañene duca tierare. ¹⁹ Quehnoañene duca tieye cjure dute cohā cä, pecapu ujüanota. Sata yerota Cohācjü tiquiro cahmeñene yerariquinare. ²⁰ Sa yena “Cohācjü yere yahu muhtana ijiaja”, ni mehoñequinare ohö saha masinata. Tiquina yerire ihñana, tiquina ni mehoñequina ijigü masinata, ni yahuahye Jesu.

*“Musare ne masiedaja”, ninota Cohācjü peye-
quina masare*
(Lc 13.25-27)

21 Sa yero tiquiro yahu nemoahye tquinare:

—Peyequina yuhure “Puheto” niñequina ijepeta uhmuse cjano Cohacjü tiquiro puhoro ijiropure wahasi tiquina. Yuhu Pacu uhmuse cjano tiquiro cahmeñene yeyequina dihita tiquiro puhoro ijiropure wahaeta. **22** Decori pihtigapure peyequina masa ohõ saha nieta yuhure: “Puheto, muh u yere usã buhei. Muhu wame mehna wafiare cohau. Sa yena muhu tutuaye mehna peye bajumehneñene yei usã”, yuhure niñequina ijieta. **23** Ohõ saha yahitiitja tquinare: “Musare ne masiedaja. Ñañene yena ijire masa. Yuhu cahapu ahtaeracahn”, niitja yuhu tquinare, ni yahuahye Jesu.

*Pua wuhu yeyequina quitire yahuahye Jesu
(Mr 1.22; Lc 6.47-49)*

24 Sa yero tiquiro yahu nemoahye tquinare:

—Sa ye ijipihtiyequina ahri yuhu buherire tñoriquina yuhu dutiyere yeyequina, quehnoano tñho masiniquiro wuhu dahreriquiro yero saha ijire tiquina. Tiquiro pehe uhcañie coperi sehe, wuhure doco dñcahye. **25** Ti wuhure peho tuhasari bato acoro tutuaro ahta, dia mini yuhdua waha, tutuaro wihnono wñahye. Sa ti tutuaro wñpegata ti wuhu uhcaño tiquiro docori wuhu ijiro ne waha sa queherahye. **26** Sa yeye ijipihtiyequina yuhu buherire tñhoepeta yuhu dutiyere yerariquina, tñho masieniquiro wuhu dahreriquiro yero saha ijire. Tiquiro pehe ti wuhure paduro buigñ doco, quehnoano ye dñcaerahye. **27** Ti wuhure peho tuhasari bato, acoro tutuaro ahta, dia mini yuhdua waha, wihnono tutuaro wñahye. Sa tutuaro wñno

ti wāhā pehere wēdoque cū cāhye. Sa yero ti wāhā tutuaro bora sa quehea wahahye, ni yahuahye Jesu.

²⁸ Tiquiro sa ni buhegā tāhoye, tāho maria wahahye masa. ²⁹ “Tiquiro potota pāhtoro ijire. Sa yero quehnoano masi pehoriquiro ijiro marine buhere tiquiro. Mari judio masare buheyequina yero saha buherare”, ni tāhotuahye tiquina.

8

Jesu cami bācā māna wihirore yāhdā wahagā yeahye

(*Mr 1.40-45; Lc 5.12-16*)

¹ Jesu cānāpā buhe dujiriquiro dijiaa wahahye. Tiquiro dijiagā ihñāñe masa peyequina tiquiro bato wahahye. ² Tiquiro sa wahagā ihcāquiro cami bācā māna wihiro tiquirore piti ca, dāsepe curi mehna quehe sa, tiquirore siniahye.

—Pāhto, māhā yāhāre yāhdāo duagā yāhdāoya, niahye.

³ Tiquiro sa nigā tāhoro tiquiro omoca mehna Jesu tiquirore ña peoahye.

—Tire ye duaja. Māhāre yāhdāgā yeitja, niahye Jesu tiquirore.

Tiquiro sa nigāta cami bācā māna yatia wahahye. ⁴ Sa ni tuhasa Jesu tiquirore niahye tja:

—Yāhā māhāre ohō saha yerire ne apequinare yahueracāhñā. Māhā pagāre quehnoari pagā waharire pahire ihñogā wahaya. Moisere Cohācjā tiquiro cūriro sahata pahire minicjhāre ohoya māhā yāhdārire masa ijipihiyequina tiquina masino quehnoano, niahye Jesu.

*Surara pahtoro tiquiro cahacjāno dohatigā Jesu
yahdaohye tiquirore
(Lc 7.1-10)*

⁵ Sa ye Jesu Capernau wame tiri macapah tiquiro esagā cien surara pahtoro tiquiro cahapah esa, tiquirore tutuaro ohō saha ni sinidi:

⁶ —Pahto, yahah cahacjāno ne pagah tutueriquiro waha masiedaro tiquirore tutuaro purīgā ya wahapah cuñari tiquiro, nidi tiquiro Jesure.

⁷ Tiquiro sa nigā,
—Ah, tiquiro dohatiyere yahdaogah wahautja, nidi Jesu.

Tiquiro sa nigā ohō saha nidi surara pahtoro:
⁸⁻⁹ —Pahto, quehnoanota. Wahaegah. Yahah yahdaoro quehnoa yahdaagah ijire muhah. Ya wahapah mahure sajā ta dutibogah ijieraja yahah. Mahah masiñe mehna yahdaoya tiquirore. Mahah sa yegā yahah cahacjāno quehnoa waharota. Yahah yahah yahah bui ijiyequina apequina pahtoa dutire. Yahah gāhah surarare dutiaja. Ihcāquirore “Wahaya”, yahah nigā tiquiro wahare. Apequirore “Ahtaya”, yahah nigā tiquiro ahtare. Yahah cahacjānore “Ahrire yeya”, yahah nigā tire yere. Mahah gāhah dutigahta ijire. Sa yero mahah dutiro sahata tiquiro dohatiriquiro yahdarota, nidi tiquiro.

¹⁰ Tiquiro sa nigā taho maria waharo, peyequinna masa tiquiro mehna ijiyequinare ohō saha nidi Jesu:

—Ijirota masare niita niaja. Ahrikuoro surara pahtoro Israe masahno ijieriquiro Cohācjāre tutuaro wacū tutuare. Tiquiro cahacjānore yahah yahdagā yeatire masi tuhasare. Ne Israe masare ahrikuoro yero saha ijiyequinare ihñedaga yahah.

11 M̄asare niita niaja. Peyequina ahriquiro yero saha Cohācj̄re wacū tutuayequina ijipihtiro cjēna gūh̄ uhm̄use cjūno p̄ahtoro tiquiro ijirop̄ esa, top̄ ijiyequina mehna ihyaeta. Abrahā, Isaac, Jacob mehna ihyaeta tiquina. **12** Masa apequina pehe Cohācj̄ tiquiro p̄ahtoro ijirop̄ wahaboriquina tiquina ijiepeḡta ñanop̄ nahitianop̄ cohā cānota tiquinare. Top̄ tiquiro cohāriquina tutuaro uti, b̄uj̄ha witiye mehna bahque dihoeta, ni yahuri Jesu.

13 Tire sa ni tuhasa, surara p̄ahtorore nidi.

—Tojoahya m̄uh̄ ya w̄uh̄p̄. M̄uh̄ cahacj̄no yuhd̄rota. “Potota yuhd̄rota”, ni m̄uh̄ t̄hoturiro sahata yuhd̄rota, nidi Jesu.

Sa niḡta tiquiro cahacj̄no pehe quehnoa wahari.

*Pedro mareonore dohatiricorore yuhd̄aoahye
Jesu*

(*Mr 1.29-31; Lc 4.38-39*)

14 Sa ye Jesu Pedro ya w̄uh̄p̄ esa, Pedro mareon dohatiḡ ihñahye tiquiro. Ujuaye tiḡ cuñahye ticoro. **15** Ticoro sa ijiḡ ihñano ticoro omocare ña peoahye. Tiquiro sa ña peoḡta ujuaye surua wahahye. Suruḡ t̄hoturo ticoro pehe wahcād̄ca, tiquinare ihyayere peoahye.

*Jesu peyequina dohatiyequinare yuhd̄aoahye
(*Mr 1.32-34; Lc 4.40-41*)*

16 Sa ye ñamicahap̄ peyequina wat̄are cāoyequinare masa ne wihiyahye Jesu cahap̄. Tiquina sa ne wihib̄ ihñano ihcā tahata tiquiro waha dutiḡ wat̄ia wahaa wahahye. Sa yero ijipihtiyequina dohatiyequina tiquina ne

sariquinare yahd&o pehoahye Jesu. ¹⁷ Sata yeahye tiquiro panop& cj&no Coh&c;j& yere yahu mahtariquiro Isaia tiquiro nidiro sahata. Oh& saha ni ojoahye: “Mari dohatiyere yahd&o c¬ a tiquiro. Mari duti tiyere coh&a c¬ a”, ni ojoahye Isaia Jesure.

*Ihqu&equina Jesu mehna waha duamahye
(Lc 9.57-62)*

¹⁸ Ape taha Jesu peyequina masa tiquiro cahap& tiquina ijig& ih&nano, oh& saha nidi.

—Ape sie pahr&p& isa peh&uhna, nidi.

¹⁹ Sa us& peh&to pano mari judio masare buheriquiro Jesu cahap& esa, oh& saha nidi:

—Buheg&, m&uh& mehna waha duaja noho m&uh& waharop&, nidi.

²⁰ Jesu oh& saha ni yah&tiri:

—Ihqu&equina nac& cj&na wahiquina tiquina coperi chore. Minicj&a g&uh& tiquina suhti chore. Yuh& mas& Coh&c;j& ohorig& pehe yuh& car&ni wuh& chueraja, ni yah&tiri Jesu.

²¹ Sa ye apequiro Jesu buheriquiro oh& saha nidi:

—P&hto, yuh& pac& tiquiro yariag& yar&gutja. Sa ya tuhasag& p&urita m&uh& mehna wahag&utja, nidi tiquiro Jesure.

²² Jesu yah&tiri:

—Yuh&re cahmee&nequina yariariquina yero saha ijire. Tiquina pehe yariariquinare yaahro. Sa yeg& m&uh& pehe yuh& mehna cj& ijiacj& ahtaya, nidi tiquiro.

*Jesu wi&nonore yus& dutiahye
(Mr 4.35-41; Lc 8.22-25)*

23 Sa ni tuhasa yuc̄sap̄ sajāri. Sa yena usā tiquiro buhena gūhū tiquiro mehna waha, sajāu. **24** Ti ditarap̄ usā pehāgū waro wiñnono tutuaro wēdi. Sa yero pahcōri yuc̄sare quē mio cāmedi. Sa wiñnono wēpegūta Jesu pehe carīno nidi. **25** Sa wahagū ihñana usā tiquirore wahcōu. Wahcō ohō saha nii:

—Puheto, yuhduoya. Mari minina tana niajá, nii usā.

26 Usā sa nigū Jesu yuhrtiri:

—¿Duhseña cue maca cāri m̄usa? Yuhure wacū tutuerare m̄usa, nidi Jesu usāre.

Sa ninota wahcāduca sa, wiñnonore pahcōri gūhure “Yusahya”, nidi. Tiquiro sa nigū wiñnono yuhdua wahari. Sa ye pahcōri gūhū yusū dijiaa wahari. **27** Tiquiro sa yegū ihñana ac̄hana, ohō saha nii usā:

—¿Yohou, duhse ijiriquiro boro masuno ijjajari ahriquiro? Ahri wiñnono, pahcōri gūhū tiquiro dutigū yuhducaerare tiquirore, nii usā.

Watā c̄oyequinare watāre cohāhye Jesu (Mr 5.1-20; Lc 8.26-39)

28 To bato pehā sa, Gadara cjēna ya yehpap̄ esa. Top̄ usā esagū puaro um̄a masa coperi cahap̄ ijiyequina Jesure piti cari. Tiquina watāre c̄oyequina cuayequina ijiri. Sa yero top̄ masa tiquina wahamehneno ijiri. **29** Tiquirore piti ca, sañuducuri:

—¿Muhū Cohācjū mac̄a duhse yegū ahtajari mahū usā cahap̄re? ¿Usāre Cohācjū tiquiro buhiri dahreati pje ijierapegūta usāre buhiri dahrei ahta niajari mahū? ni sañuducuri tiquina.

³⁰ Tiquina cahapu peyequina yesea maca ihyaye nidi. ³¹ Tiquinare ihñañe, watia ohō saha nidi Jesure:

—Usāre cohāgu sisequina cahapu waha dutiya usāre. Tiquina mehna iji dutiya usāre, ni sinidi watia Jesure.

³² —Au, wahaya, nidi Jesu.

Tiquiro sa nigū watia puaro masa mehna ijiriquina waha, yesea cahapu esari. Tiquina mehna tiquina ijigāta yesea pari, pari cjūpu oma maa buha, ditarapu bora ñojoa, mini yaria pihtia wahari.

³³ Tiquina sa wahagū ihñañe yeseare ihña ih-boyequina pehe cuea waha, oma maa cāa wahari. Macapu esa, yesea tiquina minidire yahu site pehoahye. Watiare cuoriquinare Jesu watiare tiquinapure ijiriquinare cohā wiori gāhāre yahu pehoahye tiquina. ³⁴ Sa tiquina yahu siteri bato ti maca cjēna ijipihiyequina Jesure ihñañe ahtari. Sa ye tiquirore ihñañe, tutuaro mehna waha dutiri tiquirore.

9

Tini masieniquirore yuhduoahye Jesu

(*Mr 2.1-12; Lc 5.17-26*)

¹ Sa ye Jesu yucasapu sajā, ditarapu pehā, tiquiro masari macapu esahye. ² Topu apequina tini masieniquirore tiquiro cuñari cahsero mehna yo wāa wihiayhe Jesu cahapu. “Jesu ahriquirore dohatiyere yuhdugū yerota”, ni tuhotuahye tiquina. Tiquina sa ni tuhotugū masino dohatiriquirore ohō saha niahye Jesu:

—Bucueya muhu. Muhu ñañe ye^re cohā tuhasau yuhu, niahye tiquiro.

³ Tiquiro sa nigu tuhoye ihquēquina mari judio masare buheyequina ohō saha ni tuhotumahye. “Ahriquiro ihyo ijiri^uiro sa nino ‘Cohācju ijiaja’, nino nine. Sa nino Cohācjure ñano nino nine”, ni tuhotumahye tiquina. ⁴ Tiquina sa ni tuhotugu masino, ohō saha niahye Jesu:

—¿Duhsena sa ñano tuhotuajari musa? ⁵ “Muhu ñañe ye^re cohā tuhasaja”, yuhu nigu “Ni mehogu ijire”, nine musa quehnoano masiedapenata. “Wahcāduca, wahaya”, yuhu nigu tiquiro tinigu ihñana, yuhu nidi poto ijigu duita musa masinata. ⁶ Yuhu masu Cohācju ohorigu ahri yehpapu masa tiquina ñañe ye^re cohācjure cūri Cohācju yuhure. Yuhu sa cohārire musa masiato saha ohō sahata ye ihñoutja musa ihñatire, niahye Jesu.

Sa ni tuhasa tini masieniquirore ohō saha niahye:

—Wahcāducaya. Muhu cuñari cahserore ne cāñña muhu ya wuhupu, niahye tiquirore.

⁷ Tiquiro sa nigu tuhoro tini masieniquiro wahcāduca sa, tiquiro ya wuhupu tojoa wahahye.

⁸ Sa wahagu ihññañe masa cueahye. Sa ye Jesure Cohācju tiquiro tutuayere tiquiro ohogu ihññañe masa Cohācjure ño peo, quehnoano yahuducuahye.

*Jesu Mateore pijiahye
(Mr 2.13-17; Lc 5.27-32)*

⁹ Tiquina sa yeri bato Jesu topu ijiri^uiro ahta, yuhure Mateore boca sari. Puhtoa ye ijiatire

masare wapa ne cohtegu ijimi. Sa yegu ti pjere yuhu dahrari tucupu dujii. Topu yuhu dujigu ihñano ohõ saha nidi yuhre:

—Yuhu mehna cju ijiacju ahtaya, nidi Jesu yuhre.

Tiquiro sa nigu tuhogu wahcaduca tiquiro mehna wahauu.

10 Came ya wuhupu Jesu guhu ihyaye ahtari. Peyequina wapa ne cohteyequina, “Ñano yeyequina”, tiquina niñequina guhu usã mehna ihyari. **11** Tiquina mehna usã ihyagu ihñañe, fariseo masa usãre Jesu buhenare ohõ saha nidi:

—¿Duhse yero musare buheriquiro wapa ne cohteyequina mehna, ñano yeyequina mehna ihyajari? nidi tiquina usãre tiquiro buhenare.

12-13 Tiquina sa nigu tuhoro Jesu pehe queoye mehna buhero yuhtiri:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. Sa yegu ñañequina dihitare tiquina ñañene yerire bujua witi duti, quehnoañe pehere camesagu yei ahtau nii yuhu. Tiquina basi “Quehnoana ijiaja usã”, ni tuhotuyequinare yedohogu ahtaeru. Cohacju tiquiro nidire tiquina ojoarire masiña musa. “Wahiquinare musa weju, ujua muoñe mehna yuhre musa ño peogu cahmedaja. Apequinare musa paja ihñagu pehere cahmeaja”, ni ojoahye. Ahri tiquiro ojoari duhse nidire masiña musa. Tire quehnoano buhe nemona wahaya, nidi Jesu fariseo masare.

*Sijiyere sinituahye Ņu buheyequina Jesure
(Mr 2.18-22; Lc 5.33-39)*

14 Came Ņu wame yeriquiro buheyequina Jesu cahap& esa, sinituri:

—Usā Ņu buhena pehe peye tahari Cohācjūre ño peona tana, sijiaja. Fariseo masa gūh& sata sijire. ¿Duhse ye ye m&h& buheyequina pehe sijierajari? nidi tiquina Jesure.

15 Jesu tiquiro t&hotuye mehna queoye mehna buhero taro tiquinare ohō saha ni y&htiri:

—Ohō saha ijire ti: Omoca d&hterop& tiquina pijoriquina omoca d&hteriquiro mehna ijiye, siji masiedare. Sata y&h& buheyequina gāh& y&h& mehna ijiye, siji masiedare. Y&h& omoca d&hteriquiro yero saha ijiaja. Omoca d&hteriquiro bose deco tiquiro yeg& tiquiro mehna cjēna b&j&a witiye mehna ijierare. Sa ye ye ihyeyequina ijierare. Y&h& Pacu Cohācjū y&hure tiquiro nedī bato p&ritare y&h& buheyequina mehna ijisi y&h&. Sa ye ye ti pjep&ta y&h& buheyequina gāh& sijeta, ni y&htiri Jesu.

16 Panop& cjē buheye wahma buheye mehna tiquina buhe more duag& ihñano ohō saha ni nemori Jesu tiquinare queoye mehna buhero.

—Ne wahma cahsero suhtiro cahsero mehna m&nano suhtirore sere oh&no cahmedare. Sa yeg& wahma cahsero mari coseri bato m&nano suhtirore weje cahmecoa, paji y&hd&aro t&hn&g& yere. (Ahri yero saha m&na buheyere wahma buheye mehna piti dahre buheraro cahmene.)

17 Sa yena ne &hse co bisiye core wahiquiro cahsero ajurore m&na ajurore pose yeraro cahmene. Sa yeg& &hse co bisiye pahmuñep& m&na ajurore

təhrē cāhre. Sa təhnəgū uhse co gāh₄, ajuro gāh₄ cohāa wahare. Sa yena uhse co wahma core wahma ajurop₄ pose yero cahmene. Sa yegū uhse co cohāeda, ajuro gāh₄ cohāedare. (Sata wahma buheye māna buheye mehna buhe moredarō cahmene,) ni yahuri Jesu tiquinare.

*Jairo maconore maso, dii māna dohatiducuricoro gāh₄re yāhdāoahye Jesu
(Mr 5.21-43; Lc 8.40-56)*

¹⁸ Tiquiro sa ni yahuri watoa mari judio masa pāhtoa mehna cīno Jesu cahap₄ wihi. Wihi, dusepe curi mehna quehe sa, ohō saha nidi.

—Yāh₄ maco mianogā yariaa wahari. Ticorore māh₄ omocare duhu peog₄ ahtaya. Māh₄ sa yegū masanota, nidi tiquiro Jeshire.

¹⁹ Tiquiro sa nigū təhoro Jesu wahcādāca tiquiro mehna wahari. Usā tiquiro buhena gāh₄ wahau.

²⁰ Usā mahap₄ wahaducugū top₄ numino dii māna dohatiducuricoro Jesu batop₄ ahta, tiquiro suhtiro sohtoare dahra tuhuahye. Doce cāhmari waro decoripe dii māna dohatiro niahye. ²¹ Ohō saha ni təhotuahye ticoro sa yero: “Ti suhtirore dahra tuhugo, quehnoa wahagota”, ni təhotuahye ticoro. ²² Ticoro sa yegū masino Jesu majaredāca, ticorore nidi.

—Maco, bucueya māh₄. Māh₄ yāh₄re wacū tutuaye mehna quehnoago tojoare yojop₄re, nidi tiquiro.

Tiquiro sa nigūta yāhdāa wahari ticoro.

²³ Sa ye tuhasa Jesu pāhtoro ya wāhāp₄ esari. Top₄ esa, ñehe quea utiyequinare weōg₄ māte po-horo saha ijidāre putiyequinare ihñari. Peyequina

masa tiquina ñano bisigü gähare tähori tiquiro.

²⁴ Tiquina sa yegü ihñano masare ohō saha nidi:

—Wijiaya masa. Yarierare ticoro. Carño nine, nidi tquinare.

Tiquiro sa nigü tähoye “Sa ni maca cāno nine ahriquiro”, niñe, masa bujuri tiquirore. ²⁵ Sa yero wuhu puhiapure ijiyequina masare tiquiro wio pehori bato yariaricoro cahapü esa, ticoro omocare ñeheahye. Tiquiro sa ñehegü masa quehe sa, wahcāduca sahye ticoro. ²⁶ Tiquiro sa yerire tähoye, to cjēna masa ijipihtiyequina yahu siteri.

Puaro caperi bajueyequinare ihñagü yeahye Jesu

²⁷ Sa yero Jesu topü ijiri quiro wahagü, puaro caperi bajueyequina tiquirore pisu nunu tāri:

—Davi panami iji turiagu, masare yuhduoacju, usāre paja ihñaña mühu, ni sañuducuri tquinina.

²⁸ Tiquina sa nigüta Jesu ape wuhupü sajāri. Tiquiro sa sajágü masiñe caperi bajueyequina tiquiro cahapü sajāa wahari. Tiquina sa sajā sagü ihñano tiquiro pehe sinituri tquinare:

—“Marine ihñagü yerota tiquiro”, ni tähotuajari masa yuhare? nidi tiquiro.

—Puhto, sata ni tähotuaja usā, ni yahiri tquinina.

²⁹ Tiquina sa nigüta tquinina caperire ña peori. Ña peo ohō saha nidi:

—Yuhare “Sa yerota”, msa ni tähoturiro sahata sa yeaja māsare, nidi Jesu.

³⁰ Tiquiro sa nigüta tquinina caperi pehe quehnoa wahari. Sa ye Jesu ohō saha nidi tquinare:

—Ahri yuhü ohō saha yerire apequinare ne yahueracähña, nidi.

³¹ Tiquiro sa niepegăta waha, topa ijiyequinare yahu siteri tiquina tiquiro sa yerire.

Yahuducueriquirore yahuducugă yeahye Jesu

³² Ti wuhare tiquina wijiagă waro ihcăquiro yahuducueriquirore ne cāhtari masa. Watīno tiquiro mehna ijiriquiro tiquirore yahuducueragă yeahye. ³³ Tiquina ne sagă ihñano watīnore Jesu cohā wiori. Tiquiro sa cohāgă watīnore c̄oriquiro pehe yahuducua wahari. Tiquiro sa yegă ihñāñe ijipihiyequina ihña maria pihtia wahari.

—Ne, ahri yehpa Israe yehpapare ohō saha yeyere ihñedahti mari, ni yahuducuri tiquina basi.

³⁴ Fariseo masa pehe sijoro saha ni yahuducuri:

—Watīa p̄ahtoro tutuaye mehna watīare cohāre ahriquo, ni yahuducuri tiquina.

Masare paja ihñahye Jesu

³⁵ Sa ye ijipihiye macari topa ijiye macarigăre, bujaye macari găhare buhe tinino wahari Jesu. Quehnoañe buheyere judio masa mari buheye wuhasepu buhero wahari tiquiro. Sa yero Cohăcjă p̄ahtoro tiquiro ijiatire yahuri. Ijipihiye dohatiye găhare to cjēnare yuhduori tiquiro. ³⁶ Masa peyequina ñano yuhduyequinare, pejec̄oro wahayequinare tiquina ijigă ihñano Jesu tiquinare paja ihñari. Tiquina oveja opana marieñequina yero saha tiquina ijigă ihñano Jesu tutuaro paja ihñari tiquinare. ³⁷ Sa yero ohō saha nidi tiquiro usāre tiquiro buhenare, queoye mehna buhero:

—Trigo peye băcăa tuhasagă peye ijigă dahraye pajiro ijire. Sa ijiepegăta dahrayequina pehe meheñequinagă ijire. Sata quehnoañe buheyere tăhoatiquina peyequina ijigă pajiro ijire mari

dahraye. Sa ijiepegāta meheñequinagā dahrari masa yero saha quehnoañe buheyere buheatiquina gāhā meheñequinagā ijire. ³⁸ Sa yena quehnoañe buheyere buheatiquinare apequinare tiquiro ohoatire siniña Cohācjūre, nidi Jesu.

10

*Jesu doce waro beseahye tiquiro ohoatiquinare
(Mr 3.13-19; Lc 6.12-16)*

¹ Came doce usāre tiquiro buhenare Jesu pijo, tutuayere ohori usāre. Watīare usā cohā masiatire ijipihtiye dohatiyere usā cohā masiatire ohori usāre.

² Ohō saha wame tii usā Jesu cūrina: Simo ijiri. Tiquiroreta Pedro ni pisuri Jesu. Simo bahāro Andre gāhā ijiri. Santiago gāhā tiquiro bahāro Ñu mehna ijiri. Tiquina Santiago gāhā pacāro Zebedeo wame tiri. ³ Felipe, Bartolomé, Tomasu, yāhā Mateo ijii usā. Yāhā pehe pāhtoa ye ijiatire masare wapa ne cohtegā ijimi. Usā mehna Santiago ijiri. Tiquiro pehe Alfeo macāno ijiri. Sa yero Tadeo gāhā ijiri. ⁴ Simo celote ya curua cjāno ijimediquiro, Juda Iscariote gāhā ijiri. Juda pehe Jesure ihñā tuhtienequinare ihñootiquiro ijiri.

*Jesu tiquiro buheyequinare buhe dutiro ohoahye
(Mr 6.7-13; Lc 9.1-6)*

⁵ Sa ye usāre doce tiquiro buhenare ohoro, “Ohō saha yeya”, ni yahuri usāre Jesu:

—Judío masa ijieyequina cahapāre wahaeracāhñā. Ne Samaria yehpapā ijiye macaripā gāhāre wahaeracāhñā. ⁶ Israe yehpa cjēna cahapā pehere wahaya. Cohācjūre masieñequina

ijire tiquina. ⁷ “Uhmase cjāno pāhtoro tiquiro ijiato mehenogā dāhsare”, ni buheya tiquinare. ⁸ Sa yena cami bācā māna wihare, apeye peye sijoro saha ijiye dohatiyere cāoyequina gāhāre yāhdāgū yeza. Yariariquinare masoña. Wafia masa mehna ijiyequinare cohāñā tiquinare. Māsare sa ohogā niaja ahri tutuayere. Sa yena māsa gāhā yāhā sa ohoriro sahata masare yāhdāgū yeza wapa neno marieno.

⁹ 'Māsa wahana niñerure ne nedacāhñā. ¹⁰ Ne māsa ajurore, pāaro camisare, pāa pa dahpo suhtire, tuaye cjā gāhāre nedacāhñā. Māsa sañano dihitare sañaa wahaya. Apeye suhtire nedacāhñā. Māsa buhena waharopā ijiyequina tiquina pehe māsare pohe ijiatire ohoeta. Sata ohoro cahmene tiquinare.

¹¹ 'Ti macaripā esana, māsare quehnoano piti catiquirore macaña. Sa yena ti wāhāpāta tojoariñā. Tee, coā wahanapā wijiaya ti wāhāre. ¹² Sa yena wāhāpā sajāna, “¿Ijiajari māsa?” niñā ti wāhā cjēnare. Māsare quehnoano tiquina cahmegā “Cohācājā mehna quehnoano ijiya māsa”, niñā tiquinare. ¹³ Māsare tiquina cahmedagā, māsa sa niborire niedacāhñā. ¹⁴ Sa yena māsare tiquina cahmedagā, tiquina tāho dueragā ti wāhāre wijiaya. Wijiana, dahpocāri cjē dihta esa wahārire wejē site cūña māsa tiquinare tiquina ye buhirire masigā yena. Ti maca cjēna māsare cahmedagā sata yeza tiquina gāhāre. ¹⁵ Ijiota māsare niita niaja. Ahri deco pihtigāpāre Sodoma cjēna, Gomorra cjēna gāhā tutuaro buhiri tatiquinata ijire. Tiquina sa ijiepegāta tiquina yāhdāoro māsare cahmeeñequina buhiri

tiatiquina ijieta, ni yahuri Jesu.

*Jesu yequinare apequina ñano yeatire yahuahye
Jesu*

16 Sa ni tuhasa ohō saha ni nemori:

—Yuhare tħohya mħsa. Oveja yero saha ijinare mħsare ñañequina watoa ohogħ niaja. Tiquina ñañequina nacu cjēna yayia usuayequina yero saha ijire. Sa yena mħsa pehe apequina wahiquina wacū masiñequina yero saha ijiya. Sa ijina ijiepenata bujua yero saha ne usuena ijiya mħsa.
17 Quehnoano yeya mħsa. Mħsare masa pħtoare ohoeta. Judio masa mari buheye wħħusep quċċeta mħsare. **18** Sa yeye yeequina mħsa ijiri buhiri macari cjēna pħtoxa cahap tiquina bui ijiyequina pħtoxa cahap għħare neaħeta mħsare. Sa yena mħsare top tiquina neagħ pħtoare, judio masa ijieyequina għħare quehnoa ġnejja buheyere buhenata mħsa. **19-20** Mħsare pħtoare tiquina ohogħ tiquinare mħsa niatire “Yohou, masiedaboaga”, ni tħotueracāhña. Mħsare tiquina sinitugħi ta mħsa niatire masinata. Sa masina tiquinare yahuna, mħsa tire mħsa esa tuharo yahuducuna nisi. Cohācjū pehe mari Pacu tiquiro yaquiro Espíritu meħna mħsare yahuducugħi yerota.

21 Ti pjere tiquina wahmisumha tiquina bahanare wej ġe dutiye ohoeta pħtoare yeequina tiquina ijiri buhiri. Tiquina pacusumha tiquina pohnene wej ġe dutiye ohoeta pħtoare. Tiquina pohne pehe tiquina pacusumhaare wej ġe dutiye ohoeta pħtoare. **22** Sa yeye yeequina mħsa ijiri buhiri iħna tuhtieti masa iż-żeppi tiquina mħsare. Tiquina sa yepiegħi ta ahri yehpapu mħsa catiro

puno masare tiquina ñano yerire ihcāno sahana yahure duhuerana, yahdunata masa. ²³ Ihcā macapu masare tiquina ñano yegu ape macapu duhti cāhñā. Ijiota masare niita niaja. Israe yehpapu ijiye macarine masa pehoato pano, yah masu Cohācju ohorigu ahri yehpapu tojoa tautja.

²⁴ 'Ne ihcāquiro buheriquiro tiquirore yahuriqiro buipu ijierare. Sa yero cahacjāno gāhu tiquiro pahtoro bui cjūno ijierare. ²⁵ Sa yero ohō saha tahoturo cahmene buheriquirore: "Yahure buheriquiro yero sahata ijigutja", ni tahoturo cahmene. Cahacjāno gāhu sata ni tahoturo cahmene. "Yahu pahtoro yero sahata ijigutja", ni tahoturo cahmene. "Tiquiro bui ijigutja. Sa yegu yahu pahtoro tiquiro ñano yahduro sahata ñano yahdsi yahu pehe", ni tahotueraro cahmene. Yahu pehe wahu cjāno yero saha ijiaja. Masa pehe ti wahupu dahrayequina yero saha ijire. Sa yeje masa yahure "Beelzebu ijire", ni yahusāñe, masa gāhu yeequinare ñano ni yahudcueta tiquina, ni yahuri Jesu.

"¿Noa pehere cuegu quehnoajari?" ni yahuahye Jesu

(Lc 12.2-7)

²⁶ Sa ni tuhasa ohō saha ni nemori:

—Sa yena masare ñano yeyequinare cueracāhñā. Masa tiquina yahuerarire came apequina masieta. Sa yeje tiquina naori gāhu apequina masieta. ²⁷ Masare tahoerogā yahu yahurire peyequina masa watoa buhe turiaya masa. ²⁸ Masuñore wejēñequina tiquiro pagu dihitare wejēne. Tiquiro jeripohna yarierare.

Sa yena m̄asare wejē duayequinare cueracāhñā. Cohācjū pehere cueya. Tiquiro m̄asa paḡrire, m̄asa jeripohnari ḡuhure pecap̄ cohā masine. Sa yena tiquiro pehere cueya.

²⁹ 'P̄aro siripia wapa mariedare. Tiquina sa wapa mariedapeḡta ihcāquirogāre Cohācjū ne boerare. Cohācjū dutieraḡ ne yarierare tiquirogā. ³⁰ Sa yero m̄asa poarire ne ihcā poa da d̄hsaro marieno masi pehore Cohācjū. Sata m̄asa ijiye tiye ḡuhure masi pehore Cohācjū. Sa masino m̄asare ihñā ihboducure. ³¹ Siripiare tiquiro cahño yuhd̄oro, m̄asa pehere cahñe Cohācjū. Sa yena pajiro t̄hotueracāhñā m̄asa.

*Jesure m̄asa wacū tutuarire yahuya masare
(Lc 12.8-9)*

³² 'Ihcāquiro "Jesu yaquiro ijiaja", masare tiquiro ni yahugū yuhu ḡuhu tiquirore "Yaquiro ijire", ni yahugutja yuhu Pac̄ure uhm̄se cjñore. ³³ Sa ijiepeḡta ihcāquiro "Jesu yaquiro ijieraja", masare tiquiro nigū yuhu ḡuhu "Yaquiro ijierare tiquiro", ni yahugutja yuhu Pac̄ure, ni yahuri Jesu.

*Jesu masare tu wagū yere
(Lc 12.51-53; 14.26-27)*

³⁴ Sa ni tuhasa ohō saha ni yahu nemori:
—¿Duhse ni t̄hotuajari m̄asa yuhure? ¿"Tiquiro masare tiquiro buheri bato apequina tiquinare ihñā tuhtisi", ni, t̄hotuajari m̄asa? Sa ijierare. Masare yuhu buheri bato ihquēquina yeere t̄hoeta. Apequina pehe tiquinare ihñā tuhtiesta. Ihcāno saha ijisi masa. ³⁵ Buc̄una yuhu buheyere tiquina t̄horí buhiri tiquina pohne tiquinare ihñā tuhtiesta. Buc̄una numia ḡuhu yuhu

buheyere tiquina tāhorí buhiri tiquina pohna numia tiquinare ihñá tuhtieta. Tiquina mareosānumia yahú buheyere tiquina tāhorí buhiri tiquina macá namosānumia tiquinare ihñá tuhtieta. ³⁶ Sa yeye masa tiquina acayere ihñá tuhtiyequina ijietá.

³⁷ Yahúre tiquina cahíboriro yahdúoro tiquina pacusumáa pehere cahí yahduducaye, yeequina ijisi tiquina. Yahúre tiquina cahíboriro yahdúoro tiquina pohne pehere cahí yahduducaye, yeequina ijisi tiquina. ³⁸ Sa yeye apequina curusapá yariariro saha yeequina tiquina ijiri buhiri ñano yahdúeta tiquina gúhú. Sata ñano yahdú dueyequina yeequina ijisi tiquina. ³⁹ Masa yahúre wacúno marieno tiquina esa tuharo yeye pecapá wahaeta tiquina. Sa yeye yeere sa yeducuye ijipihiyi decori yahú mehna ijietá tiquina, ni yahuri Jesu.

*Mari wapatatire yahuahye Jesu
(Mr 9.41)*

⁴⁰ Sa ni tuhasa ohō saha ni yahu nemori:

—Musare yeequinare ihcáquiro quehnoano cahmeno, yahú gúhúre cahmeno nine tiquiro. Sa yero tiquiro yahúre quehnoano cahmediapiro yahúre ohoriquiro gúhúre cahmeno nine. ⁴¹ Sa yero Cohácjú yere yahuriquiro wapatarota. Tiquirore quehnoano yerota Cohácjú. Sa yero tiquiro yere yahuriquiro tiquiro ijigú ihñano apequiro pehe yahuriquiro quehnoano cahmeno, yahuriquiro yero sahata wapatarota tiquiro gúhú. Sa ye apequiro quehnoano yeriquiro wapatarota. Sa yero quehnoano

yeriquiro tiquiro ijigã ihñano apequiro pehe tiquirore quehnoano cahmeno, quehnoano yeriquiro yero saha wapatarota tiquiro gãhã. ⁴² Yaquirogã ihcãquiro tiquiro ijigã ihñañe dãhse ijiyequina tiquirogãre acore mehenogã tiquina sihõepegãta, potota tiquinare quehnoano yerota Cohãcjã, ni yahuri Jesu.

11

*Nu wame yeriquiro tiquiro buheyequinare
Jesure sinitu dutiro ohoahye
(Lc 7.18-35)*

¹ Usãre tiquiro buhenare tiquiro sa ni yahuri bato to cahapã ijiye macaripã buhero wahari tiquiro.

² Sa ye tiquiro yerire Nu peresupã ijiriquiro tãhooahye. Sa tãhooro Nu tiquiro buheyequinare Jesure sinitu dutiro ohoahye. ³ Sa ye Jesu cahapã esa, sinituri tiquina Nu buheyequina.

—¿Nu “Yãhã bato apequiro ahtarota”, tiquiro nidigã ijiajari mãhã? ¿Tiquiro nidigã mãhã ijieragã apequirore cohtenatari usã? ni sinituri tiquina pehe Jesure.

⁴ Tiquina sa nigã tãhoro Jesu yãhtiri:

—Yojopure mäsa tãhorire, mäsa ihñarire Nu yahuna wahaya: ⁵ “Caperi bajueyequina ihñare. Tini masieñequina tinine. Cami bãcuna quehnoa wahare. Cahmono tãhoeyequina tãhoa wahare. Yariariquina masaa wahare. Tiquina ijipihtiyequinare quehnoa wahagã yei yãhã. Sa yegã pejecøyeyequinare quehnoaÑe buheyere yahuaja. ⁶ Yãhare tãhoriquiro “Poto ijire”, niniquiro tiquiro

bucueriquiro ijire', nidi", ni, Ñure yahuna wahaya, nidi Jesu.

⁷ Nu buheyequina tiquina wahari bato, Jesu pehe Nu ijiye tiyere yahu ducari peyequina masare:

—Masa marienopu taare wiwnono wedoquo e mājagū ihñana eserari māsa. ⁸ "Quehnoañe suhti tiriquirore ihñana wahañhna", niedari māsa masa marienopu wahana. Quehnoañe suhti tiyequina wapa bñjuyere cñoyequina pñhtoa ye wñhñepu ijire. ⁹ Masa marienopu esana Cohācjū yere yahu māhtariquirore ihñana esari māsa. Ijiota ijire. Nu Cohācjū yere yahu māhtariquiro ijire. Apequina Cohācjū yere yahu māhtañequina yñhdñoro ijiriquito ijire tiquiro pehe. ¹⁰ Panopu Cohācjū yere tiquina ojoari pñpu Ñure ohõ saha ni yahuahye:

Mari Pacu tiquiro macñore ohõ saha niahye:

"Mñhñ pano mñhñre yahuyatiquirore ohogu niaja", niahye, ni ojoahye panopure Ñure.

¹¹ Mñsare ijiota niaja. Apequina ijipihtienequina bui ijire Nu wame yeriquiro. Ahri decoripure tiquiro sa ijiepegñta ñhmñse cjñno pñhtoro ijiropure ijipihtienequina docapu ijiriquito pñrita Nu bui ijire.

¹² 'Nu wame yeriquiro tiquiro buhe, wame ye ducagñ peyequina masa ñhmñse cjñno pñhtoro ijiropu tiquina tutuaye mehna, tiquina esa tuharo sajñ duamedi. ¹³ Cohācjū yere yahu māhtañequina tiquina ojoarire, Cohācjū Moisere tiquiro cñripu gñhñre buhena Cohācjū tiquiro pñhtoro ijiatore

masiaja mari. Ñu gāh₧ tireta yahuri. ¹⁴ “Elia ahtarota”, panop₧ tiquina nidiapirota ijire Ñu pehe. Panop₧ cjēna tiquina nidire “Poto ijire”, ni duana Ñu tiquina sa nidiapiro tiquiro ijig₧ masinata m̄sa. ¹⁵ Quehnoano t̄hoya m̄sa ahrire.

¹⁶ ’¿Yojop₧ cjēna masa yabequina yero saha ijajari tiquina, m̄sa t̄hotug₧? Tiquina macanagā yero saha ijire. Apequina tiquina cahmeno saha tiquina yerag₧ bucuerare tiquinagā. Doeri cjē duarop₧ ape dujiye, ohō saha ni pisupere tiquinagā basi: ¹⁷ “M̄sa basatire usā putipemi. ¿Duhseña m̄sa basaerari usā tire putig₧? Usā tutuaro ñehe quea utipe, sañuducupemi. ¿M̄sa pehe duhsena usā mehna utiperari?” niducuriquina yero sahata ijire yojop₧ cjēna gāh₧. Yojop₧ cjēna tiquina cahmeno saha usā yerag₧ ihñana bucuerare tiquina gāh₧. ¹⁸ Tiquina yero saha yena ohō saha yere m̄sa yojop₧ cjāna. Ñu wame yeriquiro Cohācjāre ño peoro taro sijiro, vinore sihniedari. Tiquiro sa sihniedag₧ ihñana “Watīnore c̄oriquiro ijire”, nimedi m̄sa tiquiro pehere. ¹⁹ Yuh₧ mas₧ Cohācjā ohorig₧ ijig₧ yuh₧ ihya, sihniaja. Yuh₧ sa yeg₧ ihñana ohō saha nine m̄sa yuh₧ pehere: “Ihñana. Ahriquiro pajiro ihyariquiro, queheriquiro ijire. Wapa ne cohteyequina, ñano yeeyequina gāh₧ tiquina piti tiriquiro ijire tiquiro”, nine m̄sa yuh₧re. Sa nina macanagā yero saha yahuducuna nine m̄sa. M̄sa cahmeno saha usā yerag₧ bucuerare m̄sa. Sa masiedapenata usā ye ihñorire ihñana, Cohācjā yere usā masig₧ masinata m̄sa, nidi Jesu tiquinare.

Tiquina ñañene bujua witieyequina ye macari

*cjēnare tuhtiahye Jesu
(Lc 10.13-15)*

20 Apeye macari cjēnare tuhtiri Jesu. Ti macarine apeye macari yuhdoro Cohācjū tutuaye mehna ye ihñomedi tiquiro. Tiquiro sa ye ihñoepegūta tiquina ñañe yerire duhuerari tiquina. Sa yero ohō saha ni tuhtiri Jesu tiquinare.

21 —Corazín cjāna, māsa ñano yuhdunata. Betsaida cjāna, māsa gāhu ñano yuhdunata. Māsa ye macaripare Cohācjū tutuaye mehna ye ihñomi. Tiro wame tiri macare, Sidō wame tiri maca gāhure tiquiro tutuaye mehna yuhu ye ihñogū ihñañe panopu to cjēna pehe tiquina ñañene bājua witiboaga. Sa yeye quehnoañene camesaboaga. Masa dija suhtire saña, pecā cjē nujuare tiquina bui dahra site peoboaga tiquina ñañene bājua witiyere ihñoñe. **22** Māsare niita niaja. Buhiri dahreati deco ijigū Cohācjū Tiro cjēna, Sidō cjēna yuhdoro māsa pehere māsa ñari buhirire ña yuhdaro buhiri dahrerota. **23** Capernau cjāna, māsa esa tuharo uhmusepū waha duamedi. Māsare Cohācjū pecapū cohānota. Māsa ya macapū Cohācjū tutuaye mehna ye ihñomi. Māsa yuhure tuhoerari. Sodoma wame tiri macare Cohācjū tutuaye mehna yuhu ye ihñogū ti maca pehe yojopare ijiboaga. **24** Māsare niita niaja. Buhiri dahreri deco ijigū Cohācjū Sodoma cjēna yuhdoro, māsa pehere māsa ñari buhiri ña yuhdaro buhiri dahrerota, nidi Jesu ti macari cjēnare.

*—Yuhu cahapū sona taya, niahye Jesu
(Lc 10.21-22)*

25 Ti pjere ohō saha nidi Jesu tiquiro Pacāro mehna yahuducuro:

—Yuhu Pacā, māhu ihmuse cjēna pāhto, ahri yehpa cjēna pāhto ijire. Ahri māhu buheyere “Quehnoano masina ijiaja usā”, niñequinare masigū yerare māhu. Buhe pehoeyequina pehere māhu yere masigū yere māhu. Māhu sa yegū, “Quehnoare”, niaja yuhu māhure. **26** Sata ijire. Tiquina pehere masigū cahmedi māhu, nidi Jesu tiquiro Pacārore.

27 Sa zero masare ohō saha ni yahu nemori:

—Yuhu Pacā ijipihtiyere yuhure ohori. Tiquiro dihita yuhure quehnoano masine. Sa yena usā dihita yuhu masi dutiyequina mehna yuhu Pacāre masiaja usā. **28** Musa ñañe apee boro nacuñe zero saha ijire. Nacuñene wāana māsa tahrīno saha ñañene wahyia wahare māsa. Sa wahyiarina ijina yuhure cahmeña māsa. Māsare sogū yeitja. Māsa ñañe yeyere duhugū yeitja. **29** Yuhu dutiyere yeya. Yeere quehnoano masiña. Yuhu paja ihñagū ijiaja. Sa yegū yuhdudcaegū ijiaja. Yuhu sa ijigū yeere quehnoano masiña māsa. Sa yena soye mehna quehnoano jeripohna tinata māsa. **30** Yeere māsa yegū mijoeclare. Sa zero māsa wāaye ti nacuedaro sahata yuhu pehe māsare mehenogā ye dutiaja, nidi Jesu.

12

*Judio masa tiquina sori decore trigore peheahye
Jesu buheyequina
(Mr 2.23-28; Lc 6.1-5)*

¹ Mehenogā tiquiro sa ni buheri bato saurú ijigā usā̄ Jesu mehna trigo wesepā̄ esa. Usā̄ tiquiro buhena abajā ahbana, trigore pehe, ihya tuhasa, yahdā̄ cā̄ waha. ² Usā̄ sa yegū ihñāñe, fariseo masa Jesure ohō̄ saha nidi:

—Tahorifīñā usāre. ¿Dethse ye māhā̄ buheyequina saurú mari sori deco ijipegūta dahrajari? Marine dutiyere yahdādācaye nine, nidi tiquina.

³⁻⁴ Jesu yahrtiri. “Yahā̄ buheyequina yahdādācaye niedare”, ni yahuro taro ohō̄ saha ni yahrtiri:

—Davi tiquiro mehna cjēna mehna abajā ahbaro Cohācjū wāhāpā̄ sajā, Cohācjū ye pāre ihyahye. Ti pāre pahia dihita ihyae tiahye. Cohācjū dutiyere tiquina ojoari pū̄ apequinare ti pāre ihyā̄ dutierare. ¿Davi gāhā̄ tire tiquina yerire Cohācjū ojoari pūpā̄ buherari māsa? (Ti pāre ihyaro Cohācjūre yahdādācayo niedahye. Miare ahri pjerire ihyaye yahā̄ buheyequina gāhā̄ Cohācjūre yahdādācaye niedare.) ⁵ Sa ye Cohācjū wāhāpā̄ dahrayequina pahia ne soerare mari soye decorire. Sa soerapeta Cohācjū dutiyere yahdādācayequina ijierare. ¿Tire buherari māsa Cohācjū Moisere tiquiro cūri pūpā̄? ⁶ Māsare niita niaja. Cohācjū wāhāre ño peona ti wāhāpā̄ dahrayequina tiquina soeragā̄ ihñāpenata “Quehnoanota”, nine māsa. Ti wāhā̄ yahdāoro yahā̄ pehere ño peoro cahmene. ⁷ Cohācjū yere tiquina ojoari pū̄ ohō̄ saha nine: “Wahiquinare wejē, abajā māoñe mehna yahāre māsa ño peogā̄ cahmedaja. Apequinare māsa paja ihñagā̄ pehere cahmeaja yahā̄”, nine tiquiro yere tiquina ojoari pū̄. Tiquiro sa nidire māsa quehnoano tahona, yahā̄ buheyequinare tiquina

buhiri mariedapegūta tiquinare tuhtieraboaga māsa. ⁸ Yuhu masu Cohācjū ohorigu ahri deco saurú decore masa tiquina yeatire yahugu ijigu puhu ijjaja, nidi Jesu fariseo masare.

Omoca buhariquiro quiti ijire

(*Mr 3:1-6; Lc 6:6-11*)

⁹ Tiquiro sa nidi bato waha, judio masa mari buheri wuhapu esa u sā Jesu mehna. ¹⁰ Topu omoca buhariquiro ijiri. Sa yeye fariseo masa pehe Jesure yahusāñe tehe, tiquirore sinituri:

—Saurú decore mari sori decore masuñore yuhduo dutierare Cohācjū. ¿Sata ijjajari, māhu tūhotugū? ni sinituri tiquina.

¹¹ Jesu yāhtiri tiquinare:

—¿Musa yaquiro oveja saurú ijigu copepu tiquiro bora sajāgū tiquirore ne wioeraboagari māsa? Ne wionata māsa. ¹² Oveja yuhduoro ijire masuño pehe Cohācjū tiquiro ihñagū. Sa yero saurú ijigu quehnoañene mari yegu quehnoarīne, ni yāhtiri Jesu tiquinare.

¹³ Tiquiro sa nidi bato omoca buhariquirore ohō saha nidi:

—Māhu omocare siō potoya, nidi tiquiro.

Tiquiro sa nigū omoca buhariquiro pehe siō poto, omoca quehnoa wahari ape omoca quehnoari omoca yero saha. ¹⁴ Sori decore tiquiro sa yegu ihñañe, fariseo masa waha, tiquina basi ohō saha niahye:

—¿Duhse Jesure wejēnatari mari? niahye tiquina basi.

*Cohācjū yere yahu māhtariquiro panopu cjanō
Jesure yahuahye*

¹⁵ Jesu tiquina sa nidire masino, wahaa wahari. Tiquiro sa wahagã peyequina masa tiquirore nãna tãri. Sa yero tiquiro pehe ijipihtiyequina tiquina mehna cjëñare dohatiyequinare yahdugã yeri. ¹⁶ Sa yero dohatiyequinare tiquinare tiquiro yahdorire apequinare yahu site dutierari tiquiro. ¹⁷ Sa dohatiyequinare yahdugã yero, Cohäcjã yere yahu mähtariquo Isaia panopã tiquiro ni ojoariro sahata yero nidi Jesu. Ohõ saha ni ojoahye Isaia:

¹⁸ Ohõ saha nine Cohäcjã: “Ahriquo yahã cahacjãno ijire. Tiquiro yahã beseriquiro ijire. Tiquirore cahiaja. Sa yega tiquiro mehna bucueaja. Yaquiro Espíriture tiquirore ohogutja. Sa yero yahã tutuaye mehna ijipihtiyequina masare yahã buheyere yahurota tiquiro. ¹⁹ Sa yahuro tiquiro ne purño mehna yahusi. Sa yero sañuducusi. Sa yero maca cjã mahapã peyequina masa watoa tiquiro tutuaro sañuducu yahusi. ²⁰ Wajugã nuhrino cuadã tiquiro nuhriedagã yero saha masa gähure quehnoano yerota tiquiro. Mehenogã ajuri pecare tiquiro yatigã yeraro saha masa gähure quehnoano yerota tiquiro. Sata yeducurota tiquiro watñore tiquiro yahduducato pano. ²¹ Sa yeje peyequina masa tiquirore wacã tutueta”, nine Cohäcjã, ni ojoahye Isaia.

—*Jesu watño tutuayere chore, ni yahusãhye masa*
(Mr 3.20-30; Lc 11.14-23; 12.10)

22 Ihcā deco watīno c̄oriquirore masa ne cāhtari Jesu cahapū. Tiquiro pehe watīnore c̄oro yahuducu masiedari. Sa yero caperi ne bajuerari. Tiquina sa ne wihibgū ihñano, yuhdugū yeri Jesu tiquirore. Tiquiro sa yegū watīno c̄oriquiro ihñā, yahuducuri. **23** Tiquiro sa wahagū ihñāñe, masa ihñā maria wahari.

—¿Ahriquiro Davi panamino iji turiariquiro masare yuhd̄oatiquiro ijiajari? nidi tiquina basi.

24 Jesu watīare tiquiro cohārire tāhoye fariseo masa ohō saha ni tāhoturi:

—Beelzebú watīa pāhtoro tiquiro tutuaye mehna watīare cohāre Jesu, ni tāhoturi tiquina.

25 Tiquina sa ni tāhotugū masino, Jesu queoye mehna yahuri tiquinare, “Watīno ye tutuaye mehna watīare cohāgū niedaja”, nino taro:

—Ihcā yehpa cjēna tiquina basi cahmequeñe, ti yehpa cjēna waha pihtia wahaboaga. Ihcā maca cjēna tiquina basi cahmequeñe ti maca cjēna waha pihtia wahaboaga. Ihcā wāhū cjēna gāhū sata wahaboaga. **26** Sa yeye Beelzebú watīa pāhtoro pehe watīare cohāno, tiquina watīa tiquina basi cahmequeñe niboaga. Sa ye tiquina gāhū waha pihtia wahaboaga. **27** Ohō saha ni yahusāre māsa yuhāre: “Tiquiro Beelzebú yedo-hoye mehna watīare cohāre”, ni yahusāre māsa. Māsa mehna cjēna gāhū watīare cohāre. ¿Watīno tiquiro tutuaye mehna watīare cohājari tiquina gāhū, māsa ihñagū? Sa cohāedare. Tire masine māsa. Yuhū gāhū watīno tutuaye mehna watīare cohāedaja. **28** Sa yegū yuhū pehe watīare cohāgū Cohācjā yaquiro Espíritu tutuaye mehna tiquinare cohāja. Yuhū sa cohāgū ihñana ohō saha masiña

masa: Cohācjū masa bui pahtoro ahri yehpapure iji tuhasare yojopure.

²⁹ 'Ohō sahata ijire queoye mehna mari buhegū: Tutuariquo ya wāhūpū apequiro sajā sa yaque masiedare. Tutuariquirore dāhteraro tiquiro ya wāhūpū sajā sa yaque masiedare. Tutuariquirore tiquiro dāhteri bato sajā sa yaque masine, ni yahuri Jesu.

(Sa ni yahuri, watīnore tiquiro yāhdādācarire yahuro. Watīno tutuariquo tiquiro ijiepegūta Jesu tiquirore yāhdādācare watīare cohāno.)

Sa ni tuhasa ohō saha ni yahu nemori Jesu.

³⁰ —Ihcāquiro yāhāre cahmedaro, yāhāre ihñā tuhtiriquiro ijire. Ihcāquiro yāhāre yedohoeraro, yāhāre wape tigū yero nine.

³¹ 'Sa yegū masare poto niita niaja yāhā. Ijipi-htiye ñāñene masa tiquina yegū, yahuducugū gūhāre Cohācjū bo masine. Sa boeperota Espíritu Santore tiquina ñano ni yahuducugū ti pūritare ne bosi. ³² Yāhāre masā Cohācjū ohorigure yāhāre tiquina ñano ni yahuducurire bo masine Cohācjū. Espíritu Santo pehere tiquina ñano ni yahuducurire ne bosi Cohācjū. Yojopure, deco pihtigū gūhāre tiquina sa nidire bosi tiquiro, ni buheri Jesu tiquinare.

*Masa tiquina yahuducuyere tāhona tiquina ijije
tiyere masiaja mari*

(Lc 6.43-45)

³³ Sa yero queoye mehna buhero ohō saha ni yahu nemori tiquinare:

—Quehnoadā yucāgū quehnoañene dāca tire. Ñadā yucāgū ñāñene dāca tire. Yucāgū dācare

masina “Tu ducata ijire”, ni masiaja mari. Mari sa masino saha masa tiquina yahuducuyere tuhona tiquina ijiye tiyere masiaja mari. ³⁴ Añaa yero saha ñana ijire musa. Musa ñana ijina, quehnoañene ni masiedare musa. Mari wacuñepu mari tuhoturiro sahata mari daseropu wijiare.

³⁵ Quehnoariquo quehnoañene tuhoture. Sa yero quehnoañene yahuducure. Ñariquo ñañene tuhoture. Sa yero ñañene yahuducure.

³⁶ Quehnoano tuhotu yahuducuna ijiya musa. Quehnoano yahuducuerana, buhiri dahreati deco ijigu musa sa ni maca cârira Cohâcjure yahu yuhdunata. ³⁷ Queoro musa yahuducurire masino “Quehnoana ijire”, ninota Cohâcju. Sa yero ñano musa yahuducurire masino “Ñana ijire”, ninota tiquiro, nidi Jesu tiquinare.

Masa ñañequina Jesure Cohâcju tutuaye mehnaye ihñó dutiahye

(*Mr 8.12; Lc 11.29-32*)

³⁸ Tiquiro sa nidi bato mari judio masare buheyequina, fariseo masa gâhu tiquirore ohõ saha nidi:

—Buhegu, Cohâcju ohorigu ijigu Cohâcju tutuaye mehna ye ihñona usare, nimedi tiquina.

³⁹ Jesu yuhtiri:

—Yojopu cjena ñañequina, Cohâcjure cahmeeñequina Cohâcju tutuaye mehna yuh ye ihñogu ihña duamene. Tiquina sa ihña duepeguta Cohâcju yere yahu muhtariquirore Jona panopu cjenore Cohâcju tiquiro tutuaye mehna tiquiro yeri dihitare ye ihñonota masare.

⁴⁰ Jona ihtia deco waro pajiriquiro wahi paa

puhiaph ijiahye. Tiquiro sa wahariro sahata yuhu gahu masu Cohacju ohorigu ihtia deco waro masa copepu ijiguta. ⁴¹ Nínive cjëna pehe Jona Cohacju yere tiquiro yahurire tahoye tiquina ñaÑe yerire bujua witiahye. Sa bujua witiyequina ijiye buhiri dahreati deco ijigu tiquina yojopu cjénare tiquina ñaÑene bujua witieyequinare “ÑaÑequina ijire”, ni, yahusãeta. Jona tiquinare Cohacju yere tiquiro yahugu tahoye quehnoaÑene cahmeahye tiquina pehe. Sa cahmeñe quehnoano ye ye niahye yojopu cjëna yuhduoro. Sa ye ye tiquina yojopu cjénare yahusãeta. Musare niita niaja. Yojopu musare yuhu buheye Jona tiquiro buheri yuhduoro ijire. ⁴² Sa ye buhiri dahreati deco ijigu puhtoro sur cjõno panopu cjõno ducu, yojopu cjénare “ÑaÑequina ijire”, ni yahusãnota ticoro gahu. Ticoro Salomo panopu cjëno tiquiro masiñene taho duaro yoaropu ahri yehpa ape siepu ijiricoro Salomore tahoro ahtahye. Sa yero quehnoano yero niahye yojopu cjëna yuhduoro. Sa yero ticoro yahusãnota yojopu cjénare. Musare niita niaja. Yojopu musare yuhu buheri Salomo tiquiro buheri yuhduoro ijire, nidi Jesu tiquinare.

*Watino pari turi mashunore tiquiro sajari quitire
yahuahye Jesu
(Lc 11.24-26)*

⁴³ Sa yero pari turi Jesu tiquiro tahotuye mehna ohõ saha ni quiti yahuri tiquinare:

—Watino mashuno mehna ijiri^uiro waha, aco marieni yehpapu tini, tiquiro ijiatore macamahye. ⁴⁴ Sa bocaeraro, ohõ saha ni tahotuahye tiquiro. “Mashuno yuhu cohãri^uiro

mehnata pari turi ijig^u waha^{utja}”, ni t^uhotuahye tiquiro. Sa ni t^uhoturo tojoaa waha, tiquiro cohāriquirota bocahye. Sa tiquiro bocag^u mas^uno pehe quehnoariquiro ijimahye.⁴⁵ Sa yero wat^uno apequina siete wat^uare tiquiro y^uhd^uoro ñañequinare pijiro wahahye. Tiquiro sa pijig^u tiquina ijipi^utiyequina tiquiro mehna ijiahye. Mas^uno pehe to pano ihcāquiro wat^unore c^uoro, ñariquiro ijimahye. Camep^u pehere peyequina wat^uare c^uoriquiro ijiro, to pano tiquiro ijiriro y^uhd^uoro ña y^uhd^uariquiro ijiahye. Yojop^u cjēna Cohāc^ujure c^uomediquina tiquiro cohāñe, tiquina g^uh^u ña y^uhd^uayequina waro wahaeta, nidi Jesu tiquinare.

*Jesu acaye tiquirore yahu duahye
(Mr 3.31-35; Lc 8.19-21)*

⁴⁶ Masare tiquiro sa ni yahuducuri watoa tiquiro pacoro tiquiro bahana mehna sopecahap^u ducu, tiquirore yahu duari. ⁴⁷ Sa yero ihcāquiro Jesure yahuri:

—M^uh^u paco m^uh^u bahana mehna m^uh^ure yahu duaye sopecahap^u ducuri, nidi.

⁴⁸ Tiquiro sa nig^u t^uhor^u top^u ijiyequinare ohō saha nidi Jesu tiquinare buhero taro:

—¿Noa ijiajari y^uh^u paco, y^uh^u bahana g^uh^u, m^usa ihñag^u? nidi.

⁴⁹ Sa nino, us^ure tiquiro buhenare ñupuha, ohō saha nidi:

—Ahriquina ijire y^uh^u paco, y^uh^u bahana yero saha ijiyequina. ⁵⁰ Tiquina y^uh^u Pac^u uhmuse cjēno tiquiro cahmeñene yere. Sa yequequina y^uh^u

bah^u, y^uh^u baho, y^uh^u paco yero saha ijire, nidi Jesu tiquinare.

13

Jesu oteriquiro quitire yahuahye

(*Mr 4.1-9; Lc 8.4-8*)

¹ Ti decota Jesu w^uh^up^u ijiri quiro wijiari. Wijaia, ditarap^u waha, ditara d^uht^u cahap^u dujiri. ² Tiquiro sa dujig^u ihññañe peye quina masa tiquiro cahap^u cahmecoa wahpaa waha, bihsaro yeri Jesure. Sa bihsag^u ihñano yucusap^u saj^u, tiap^u dujiri tiquiro. Masa pehe pad^urop^u ducuri. ³ Sa yero tiquiro peye queoye mehna yahuri tiquinare, buhero taro. Oh^o saha nidi tiquiro:

—Oteriquiro otero wahahye. ⁴ Tiquiro sa otero wahag^u apeye pjeri maha d^uht^u cahap^u bora quehe sahye. Top^u bora quehe saye pjerire minicj^ua ahta, ihyia cähye. ⁵ Sa ye apeye pjeri ut^u pac^u watoa bora quehe sahye. Ut^u pac^u watoa dihta marieda cj^unop^u duita pihnimahye. ⁶ Sa pihnierperota as^u tutuaro asig^u, n^uhcori marieda, ñaia wahahye. ⁷ Apeye pjeri taa watoa bora quehe sahye. Taa pehe dia y^uhd^ua waha, oteye pehere wej^uahye. ⁸ Apeye pjeri quehnoari yehpap^u bora quehe sahye. Quehnoano pihni, d^uca tiahye. Apeye cj^u cien pjeri, apeye cj^u sesenta pjeri, apeye cj^u treinta pjeri d^uca tiahye. ⁹ Ahrire quehnoano tuhoya m^usa, nidi Jesu.

Jesu queoye mehna tiquiro buherire yahuahye

(*Mr 4.10-12; Lc 8.9-10*)

¹⁰ Tiquiro sa nidi bato us^u tiquiro buhena tiquiro cahap^u esa, sinituu us^u tiquirore:

—¿Duhse yegu masare queoye mehna buheajari mah? ni, sinituu usã.

¹¹ Jesu yahtiri:

—Uhmuse cjäno tiquiro pahtoro ijiyere panopu cjëna tiquina masiedarire masare yah buhenare masigu yere Cohäcju. Apequina pehere sa yerare tiquiro. ¹² Sa yero masiñequinare masi nemogu yerota tiquiro. Sa yeye tiquina pehe quehnoano masieta. Masieñequina pehe mehenogu tiquina masiepeguta tiquina pehere masiedagu yerota tiquiro. ¹³ Sa yegu queoye mehna buheaja. Ohõ saha ijire. Yojopu cjëna ihñaeepeta, ihñedariquina yero saha tojoare. Sa yeye tahoeepeta masiedare. Tire tahoeyequina yero saha ijire tiquina. ¹⁴ Sa ijijequina ijiye Isaia panopu cjäno tiquiro ni ojoariro sahata yere tiquina. Ohõ saha ni ojoahye: Ohõ saha nine Cohäcju: “Cohäcju yere tahonata musa. Sa tahopenata, ne masisi musa.

¹⁵ Ahriquina masa dapu paca butiyequina tojoare. Sa ye tiquina cahmo coperire bihare, ‘tahoari’, niñe. Tiquina caperire ihmitihäre, ‘ihñari’, niñe. Sa yeraye quehnoano ihñañe, masiboaga tiquina. Sa ye tahoye, masiboaga tiquina. Tiquina wacüñepu quehnoano masiboaga. Sa masiñe yahure Cohäcjure cahmeboaga tiquina. Sa yahure cahmegu tiquina ñañene cohã, tiquinare pecapu wahaboriquinare yahdugu yeboaga yah”, nine Cohäcju, ni ojoahye Isaia.

¹⁶ 'Musa pehe musa caperi mehna ihñana, masine. Musa cahmo mehna tahona, masine. Sa yena bucuenta ijire musa. ¹⁷ Masare niita niaja. Yojopu musa ihñañene musa tahoyere panopu cjëna

Cohācjā yequina tutuaro ihñā duamahye. Cohācjā yere yahu māhtariquina gāhū tire tutuaro ihñā duamahye. Sa ihñā duepeta ne ihñedahye. Yojopū māsa tāhoye gāhāre tutuaro tāho duamahye tiquina. Sa masi duepeta tire masiedahye, ni yahuri Jesu usāre tiquiro buhenare.

*Jesu oteriquiro queoyere yahu pehoahye
(Mr 4.13-20; Lc 8.11-15)*

18 Came Jesu usāre yahu nemori:

—Tāhoya māsa. Oteriquiro queoyere māsare yahutja. Yāhāre tāhona, quehnoano masiñā.

19 Oteye pjeri quehnoañe buheye yero saha ijire. Sa yeye maha dāhtū cahapū borari pjeri quehnoañe buheye yero saha ijire. Sa yeye masa quehnoañe buheyere tāhoepeta ne masiedare. Sa yero masa quehnoañe buheyere tiquina tāhogā ihñano watīno pehe ahta, ti buheyere quehnoañe buheyere masi dutierare masare. Minicjāa ti pjerire tiquina dote nediro saha yere watīno. **20** Sa ye utā pacā watoa borari pjeri quehnoañe buheye yero saha ijire. Sa yeye masa quehnoañe buheyere tāho, bucueye mehna duita tire tāho nene. **21** Sa tāho nepeta utā pacā watoa ijiye cjā nāhcōri marieñe cjā yero saha ahriquina masa gāhū tutuerare. Sa tutueraye ñano yāhdāye, yeequina tiquina ijiri buhiri apequina tiquinare ñano yegā ihñāñe yee pehere duhu cāhre. Apequina tiquinare ñano yegā tire ihcāno sahaeraye, yeere duhu cāhre. **22** Sa ye taa watoa borari pjeri quehnoañe buheye yero saha ijire. Sa yeye masa quehnoañe buheyere tāhoepeta, ahri yehpa cjēne pajiro bājāa witi tāhotuye, niñeru

pehere cahīne. Tiquina sa yegū ti pehe quehnoañe buheyere cahmotare. Sa cahmotagū masa quehnoañe pehere yerare. ²³ Sa ye quehnoari yehpapū borari pjeri quehnoañe buheye yero saha ijire. Sa ye masa quehnoañe buheyere tēhoye, tire quehnoano masine. Sa masiñequina ijiye, Cohācjū cahmeno sahata quehnoañene yere tiquina. Ihquēquina pajiro quehnoañene yere cien pjeri dūca tiro saha. Apequina doca cjūnogā quehnoañene yere sesenta pjeri dūca tiro saha. Apequina mehenogā quehnoañene yere treinta pjeri dūca tiro saha, ni yahuri Jesu usāre.

Trigo watoa taa diari queoyere yahuahye

²⁴ Sa ye pari turi queoye mehna buheri Jesu:

—Uhmuse cjāno tiquiro pāhtoro ijiye ohō saha ijire. Wese upāro tiquiro wesepū quehnoañe pjerire tiquiro oteriro saha ijire uhmuse cjāno tiquiro pāhtoro ijiye. ²⁵ Wese upāro ijipihiye-quina tiquiro mehna cjēna gāhū tiquina carīno watoa tiquirore ihña tuhtiriyo ahtahye. Sa ahtaro trigore ti oteriropū taare oteahye. Ote tuhasa wahaa wahahye. ²⁶ Came trigo pihniahye. Sa ye ti dūca tiro taro yegū waro diaa wahahye. ²⁷ Sa ye wese upārore dahra cohteyequina tiquiro cahapū esa, yahuahye: “¿Pāhto, quehnoañe pjeri dihitare māhū wesere māhū otepegūta, dūhse ye taa gāhū diajari ti wesere?” nidi tiquina. ²⁸ “Yāhure ihña tuhtiriyo ijiaga ti taare oteriyo”, niahye wese upāro. “¿Taare usā curegū cahmeajari māhū?” nimahye tiquirore dahra cohteyequina. ²⁹ “Taare cureracāhña, ‘Trigo pehere cureari’, nina. ³⁰ Trigo taa mehnata bācharīahdo. Dūca

nedi pje ijigā neñequinare ohō saha niitja: ‘Taare cure māhtaña. Tuhasa māsa curerire ujūaña. Came trigore peheyā. Pehe peho, tire yāhā ihbori wāhāpā cūña’, niitja tiquinare”, niahye wese upāro, nidi Jesu, queoye mehnā yahuro.

*Mostaza pje queoyere yahuahye Jesu
(Mr 4.30-32; Lc 13.18-19)*

³¹ Sa ye apeye queoye mehnā usāre ohō saha ni buheri tja:

—Uhmāse cjāno tiquiro pāhtoro ijiye mostaza pjegā yero saha ijire. Ti pjegā meheni pjegā waro ijire. ³² Ti pjegāre wesepā tiquiro oteri bato, quehnoano pihnine. Sa yero paji yāhdāhadā wahare. Sa wahagā minicjāa pari ti dāpāripā suhti suhare, ni yahuri Jesu. (Sa nino ohō saha nino niahye. Mostaza pjegā pajidā tu bāchariro saha uhmāse cjānore mari pāhtorore masiñequina meheñequinagā tiquina iji māhtaepēgūta camepā peyequina wahaeta.)

*Pāre pugā yeye queoyere yahuahye Jesu
(Lc 13.20-21)*

³³ Sa ye apeye queoye mehnā usāre ohō saha ni buheri tja:

—Uhmāse cjāno tiquiro pāhtoro ijiye pāre pugā yeye yero saha ijire. Tire numino ihcā ajuro trigore aco mehnā quehnoano tire dahra morene pā bāchatire. Ticoro sa yegā pāre pugā yeye pehe trigore quehnoano sehsaa wahare, nidi Jesu. (Sa nino ohō saha nino niahye. Pāre pugā yeye trigore ti sehsaa wahariro saha uhmāse cjānore mari pāhtorore peyequina masa ijiphtiro cjēna masieta.)

*Queoye mehna Jesu tiquiro buherire yahuahye
(Mr 4.33-34)*

³⁴ Ahri ijipihtiyere buhero, queoye mehna yahuri Jesu. Queoye marieno yahuerari tiquiro tiquinare. ³⁵ Sata yeri tiquiro Cohācjū yere yahu māhtariquiro ni ojoariro sahata. Ohō saha ni ojoahye panopʉ:

Queoye mehna yahutja. Cohācjū ahri yehpare tiquiro bajumehnedi bato ne masare tiquiro yahuerarire yahutja, ni ojoahye Cohācjū yere yahu māhtariquiro munano.

Trigo watoa taa diari queoyere yahu pehoahye

³⁶ Sa ye masare cohe ti, wʉhʉpʉ sajāa wahari Jesu. Sa yena ʉsāa tiquiro buhena tiquiro cahapʉ esa, sinituu ʉsāa:

—Trigo watoa taa diari queoyere yahu pehoya ʉsāre, nii ʉsāa tiquirore.

³⁷ Jesu yuhtiri ʉsāre:

—Wese uparo quehnoañe pjerire oteriquiro yero saha iijiaja yʉhʉ. Yʉhʉ masʉ Cohācjū ohorigʉ iijiaja. ³⁸ Wese pehe ahri yehpa yero saha ijire. Quehnoañe pjeri pihniñe ʉhmuse cjūno pʉhtoro ijiropʉ ijiatiquina yero saha ijire. Taa pehe watīno yequina yero saha ijire. ³⁹ Wese uparore ihñā tuhtiri奎ro taare oteriquiro watīno yero saha ijire. Tire nedí pje pihtiri deco yero saha ijire. Sa ye trigore neñequina angele yero saha ijire.

⁴⁰ Taare tiquina cure ʉjūariro saha pihtiri deco ijigū watīno yequinare pecapʉ cohāeta tiquinare. ⁴¹ Yʉhʉ masʉ Cohācjū ohorigʉ yequina angelere ohogʉtja. Yʉhʉ ohogū angele pehe ñañene ye dutiyequinare, ñañene yeyequinare yʉhʉ pʉhtoro

ijiropu neañeta. ⁴² Ne sa tuhasa pecapu cohãeta tiquinare. Topu tiquina tutuaro uti, buja witiye mehna bahque dihoeta. ⁴³ Sa ye Cohãcju yequina tiquina Pacaro tiquiro puhtoro ijiropu ijietu. Topu ijiye, asa deco cjuno yero saha quehnoano buhri-oeta tiquina. Ahrire quehnoano tuhoya musa, ni yahuri Jesu.

Quehnoa yuhduyere tiquiro nuorire tiquiro bo-cari queoyere yahuahye

⁴⁴ Sa ye apeye queoye mehna yahuri tja:

—Uhmuse cjuno tiquiro puhtoro ijiye niñeru tiquiro nuori yero saha ijire. Masano tire we-sepu wacueno mehna boca, pari turi tire nuo nemoahye. Sa bocaro tutuaro bucueahye tiquiro. Sa yero tiquiro bocarire neno taro, ti wesere du duahye. Sa yero tiquiro yere dua peho, ti wesere duahye, ni yahuri Jesu. (Sa nino oho saha nino niahye. Uhmuse cjuno tiquiro puhtoro ijiye tiquiro bocari yero saha ijire. Tiquiro bocarire tiquiro tutuaro cahmediro sahata uhmuse cjunore masa puhtorore tiquina masidi bato masa tutuaro cahmene tiquirore.)

Wapa bujuri pje queoyere yahuahye

⁴⁵ Sa ye apeye queoye mehna yahuri tja:

—Uhmuse cjuno tiquiro puhtoro ijiye wapa bujuye pjericre perla wame tiye pjericre duriquiro yero saha ijire. ⁴⁶ Ti pjericre macano quehnoa yuhduari pjere bocahye. Bocaro, ti pjere du duaro, ijipihtiye tiquiro yere dua pehoro wahahye. Sa dua tuhasa ti pjere wapa bujuri pjere duahye, nidi Jesu. (Sa nino oho saha nino niahye. Ti pjere perla pjere tiquiro cahmediro sahata uhmuse cjunore

masa pãhtorore quehnoano tiquina masidi bato
masa tutuaro cahmene tiquirore.)

Wẽñanã queoyere yahuahye

⁴⁷ Sa ye apeye queoye mehna Jesu yahuri tja:

—Uhmuse cjãno tiquiro pãhtoro ijiye wẽñanã tiquina doque ñodã yero saha ijire. Tu wẽñanã mehna peyequina wahi sijoro saha ijiyequinare ñehene. ⁴⁸ Tu wahpaa wahagã wahi wejẽñequina pehe tãre padãropã weje nãjua, quehnoañequina wahire besere. Quehnoañequinare tiquina pãhuãsepã bese sajãre. Ñañequina wahire cohãre. ⁴⁹ Pihtiri deco ijigã ohã saha ijirota. Angele pehe masare beseeta. Ñañequinare ne wioeta quehnoañequina cahapã ijiyequinare. ⁵⁰ Ne wio, tiquinare pecapã cohãeta. Topã tiquina uti, tutuaro bujãa witiye mehna upiri bahque dihoeta ñañequina pehe, ni yahuri Jesu.

*Mãna buheyere, wahma buheyeye gãhure
yahuahye*

⁵¹ Tiquiro sa ni yahuri bato sinituri usãre:

—¿Ahri ijipihiyere tãhoajari mãsa? ni sinituri tiquiro.

—Tãhoaja usã, ni yãhtii usã.

⁵² Usã sa nigã tiquiro yahuri usãre:

—Judio masare buheyequina uhmuse cjãno tiquiro pãhtoro ijiyere buheyeye, pãaro buheyere yahure. Mãna buheyere, wahma buheyeye gãhure yahure. Tiquina wãhã upãro yero saha ijire. Tiquiro wãhãpã ijiyere quehnoañene ne wiore, wahmare, mãna gãhure ne wiore tiquiro, nidi Jesu usãre.

*Jesu Nazarep^u wahahye
(Mr 6.1-6; Lc 4.16-30)*

⁵³ Ti queoyere tiquiro buheri bato, waha^u usā tiquiro mehna. ⁵⁴ Waha, tiquiro masari macap^u esa^u. Top^u esa, judio masa mari buheye w^uh^usep^u buheri tiquiro. Tiquiro sa buheg^u t^uhoye, t^uho maria wahari tiquina.

—¿Ahriquiro nohop^u t^uhoyari ahri buheyere? ¿D^uhsero quehnoano masi pehoajari tiquiro? Cohācj^u tutuaye mehna ye ihñore tiquiro basi. ⁵⁵ Ahriquiro taboa dahrarapiro mac^uno ijire. Sa ye tiquiro pacoro María ijire. Sa ye Santiago, José, Simo, Juda, tiquiro bahana ijire. ⁵⁶ Yojop^ure tiquiro bahana numia ahri macap^u ijire. Sa yero tiquiro mari yero saha ijiriquiro ijire. ¿Sa ijieperota nohop^u t^uhoyari tiquiro ahri buheyere? ni yahuducuri tiquina basi.

⁵⁷ Sa ye tiquina tiquirore cahmedari. Tiquina sa cahmedag^u ihñano ohō saha nidi Jesu tquinare:

—Cohācj^u yere yahu m^uhtariquirore apequina ño peore. Tiquina sa ño peoepag^uta tiquiro ya maca cjēna, tiquiro acaye tiquirore ño peoerare. Sa yena y^uh^ure ño peoerare m^usa ohōp^u y^uh^u masarig^u ijig^u, nidi tiquiro tquinare.

⁵⁸ Sa yero tiquirore tiquina wac^u tutuerag^u ihñano, ti macap^u Cohācj^u tutuaye mehna peye tahari ye ihñoodari Jesu.

14

*Ñu wame yeriquiro m^unano yariarire yahuahye
(Mr 6.14-29; Lc 9.7-9)*

¹ Ti pjere Herode Galilea cjēno p^uhtoro Jesu yerire t^uhooahye. ² Sa t^uhooro ohō saha nimahye:

—Ñu wame yeriquiro ijiaga masatjiāno. Sa yero yojopare tiquiro masari bato ahri tutuayere cōore tiquiro bajumehneñene yero, nimahye Herode tiquiro cahacjēnare. Jesure “Ñuta ijire”, ni t̄hotumahye tiquiro Ñure tiquina wejēdi bato.

3-5 Sa yero Ñure tiquiro wejē dutiato pano Herode tiquiro bahāro Felipe namonore namo tiahye. Tiquiro sa yegū ihñano Ñu wame yeriquiro Herode pehere ohō saha nie timahye:

—Muhu bahu namonore namo tigū Cohācjū dutiyere yahuducagū nine muhū, nie timahye Ñu.

Tiquiro sa nidi buhiri Herode tiquirore wejē duamahye. “Ñu Cohācjū yere yahu māhtariquiro ijire”, ni t̄hoturi judio masa”, nino, tiquina pehere cueahye Herode. “Ñure yahu wejēgū tiquina usuaboaga”, nino tquinare cueahye. Sa cuero Ñure wejē dueramahye. Sa wejē dueraperota Herode tiquirore ñehe dāhte duti, peresu yeahye. Tiquiro namono Herodia dutiro mehna sa yeahye Herode. **6** Sa ye Herode masa bajuari deco ijigū bose deco yeahye tiquiro. Topu Herodia macono bose deco wihiyequina tiquina ihñonopu basa ihñaoahye. Ticoro sa basa ihñogū ihñano Herode bucueahye. Sa bucuerdo ticorore niahye:

7 —Cohācjū mehna poto niita niaja. Yahure mahu sinino punota ohogutja yahu mahure, niahye Herode pehe Herodia maconore.

8 Tiquiro sa nigū t̄hororo Herodia ticoro maconore ticoro siniatire yahuahye ticorore. Ticoro sa yahugū ticoro macono pehe ohō saha ni siniahye Herodere.

—Ñu wame yeriquiro dapure dāte sure dutiya. Sa yegu waparo mehna tiquiro dapure ohoya yuhare, niahye ticoro.

⁹ Ticoro sa nigū tāhoro Herode tutuaro bujua witiahye. Masa tiquina ihñonopu “Ohogutja mahare”, niahye tiquiro. Sa yero tiquiro bue tiro “Mahare ohoeraja”, ni masiedahye ticorore. Sa yero ticoro dutiriro sahata Herode pehe tiquiro cahacjēnare Ñure wejē dutiahye. ¹⁰ Sa yero Ñu dapure dāte sure dutiahye. ¹¹ Sa dāte sure tuhasa, waparo mehna tiquiro dapure ne cāhtahye tiquina. Herodia maconore tiquiro dapure tiquina ohogū, ticoro pehe ticoro pacorore yuhdooahye tja.

¹² Tiquina sa yeri bato Ñu buheyequina ahta, tiquiro pagure masa copepu nea cūahye. Sa cū tuhasa, tiquina tire Jesure yahuye wihi.

*Cinco mil masare ihyaye ohoahye Jesu
(Mr 6.30-44; Lc 9.10-17; Jn 6.1-14)*

¹³ Tiquina sa ni yahugū tāhoro, Jesu usā mehna yucusapu sajā, masa marienopu siho wahari. Jesu topu wahagū tāhoye, masa tiquina ye macaripu ijiriquina ahta, mahapu tiquirore nānā tā cā wahari. ¹⁴ Sa yero usā wahā sari bato tiquiro peyequina masare ihñano, paja ihñari tiquinare. Sa paja ihñano tiquina mehna cjēna dohatiyequinare yuhdagū yeri. ¹⁵ Ñamicahapu usā tiquiro buhena tiquirore ohō saha nii:

—Ñamicahapu waharo nine. Ohō masa marienopu ijire. Sa yegu macaripu masare tiquina ihyatire dū dutiya tiquina pohe tiatire, nimi usā tiquirore.

16 Jesu yahtiri usãre:

—Wahaeracãhdo tiquina. Musa basita ihyayere ohoya tiquinare, nidi usãre.

17 —Ihcã omope paca pã paca, wahi puaro to punota ijire usãre, ni yahtii usã.

18 —Tire yahare ne cãhtaya musa, nidi usãre.

19 Tiquiro sa nigã tuhona neau usã. Usã ne sari bato taa bui masare tiquiro duji dutiri. Tiquina dujigã ihcã omope paca pã pacare, puaro wahire ne, uhmusepu ihña muo, Cohãcjûre “Quehnoare”, nidi. Sa ninota pã pacare nuhano, usãre tiquiro buhenare ohori. Tiquiro sa ohogã usã pehe tire masare itii. **20** Sa ye ijipihiyequina quehnoano ihya, yapi yahdua wahari. Tiquina yapi wehorire doce puhuse waro ne cahmecoa, wahpo dapou usã tiquiro buhena. **21** Topa tire ihyariquina umua dihitare queogã cinco mil umua ijiri. Numia, macanagã gahu ijiri.

Jesu aco bui tiniahye

(Mr 6.45-52; Jn 6.16-21)

22 Came usãre tiquiro buhenare Jesu ditara ape sie pahr pu peh yu dutiri masare tiquiro cohe tiri watoa. **23** Cohe ti tuhasa, cunapu muja, Cohãcjûre sinino wahahye. Namine topa tiquiro ihc quirota ijiahye. **24** Ti pjeta ditara decopu yucusa mehna peh ducuna nimi usã. Wihnono tutuaro ahta, pahc ri b j ye wahc , yucusare qu  saj ri. **25** Sa wahag  bohrea muja tato pano Jesu aco bui tini c htari usã cahapu. **26** Usã cahapu tiquiro ahtag  ih ana cue nii usã. Sa cuena sa uducumi usã.

—Yariariquiro munano pagu ijire, ni sa uducumi usã.

27 Usā sa cuegā ihñano Jesu ohō saha nidi:

—Ne yahare ihña cueracähña. Yahuta ijiaja, nidi usāre.

28 Tiquiro sa nigū tāhoro Pedro nidi tiquirore:

—Pāhto, potota māhata ijigu, aco bui yahare māhā cahapā ducu cā dutiya, nidi tiquiro.

29 —Ahtaya, ni yahiri tiquiro pehe.

Tiquiro sa nigū Pedro yucusare dijia, aco bui Jesu cahapā ducu cāmedi. **30** Wihnono tutuaro ahtagā ihñano cueri tiquiro. Sa cuero diha dijiaa wahamedi.

—Yahare yedohoya pāhto, ni sañuducuri tiquiro Jesure.

31 Tiquiro sa nigūta tiquiro omocare ñehe,

—Mehenogā wacū tutuare māhā yahare.

¿Duhsegā yahare wacū tutuerajari māhā? nidi tiquiro Pedrore.

32 Tiquiro sa nidi bato yucusapā sajāri tiquina. Tiquina sa sajāri bato wihnono yahdua wahari.

33 Sa yena usā tiquiro buhena yucusapā ijina Jesure ño peou.

—Potota māhā Cohācjā macata ijire, nii usā tiquirore.

Genesare cjēna dohatiyequinare yahdooahye Jesu

(Mr 6.53-56)

34 Sa yeri bato pehā, Genesare wame tiri yehpapā esaū. **35** To cjēna Jesure ihña masidi. Sa masiñe tiquiro cahapā ijiyequinare dohatiyequinare ne cāhta dutiri. Sa ye tiquina dohatiyequinare tiquiro cahapā ne cāhtari.

36 —Māhā suhtiyo dāhtā caha dihitare usāre ñehe tuhu dutiya, ni sinidi tiquina Jesure.

Sa ye tiquiro suhtirore ñehe tuhuriquinape topequinata quehnoa wahari.

15

*Masa ñañequina wahagüeyere yahuahye Jesu
(Mr 7.1-23)*

¹ Sa ye Jerusalē cjēna, fariseo masa, marine judio masare buheyequina mehna Jesu cahapü wihiye, sinituri tiquirore:

² —¿Duhse ijiro boro mari acaye bucuna munapü tiquina dutirire yerajari mëhü buheyequina pehe? Tiquina ihyato pano tiquina dutiriro sahata omo coserare, nidi tiquina Jesure.

³ Jesu yahiri tiquinare:

—¿Duhse yena mari acaye panopü cjēna ye dutiye dihitare yena tana Cohäcjü ye dutiye pehere yerajari mësa pehe? ⁴ Ohō saha nine Cohäcjü: “Mësa pacusumüare ño peoya”, nine. Sa yero “Ihcäquiro tiquiro pacusumüare ñañene quiti dahreriquiro ijiro ti buhiri apequina tiquina wejätiquiro ijirota”, nine Cohäcjü. ⁵ Tiquiro sa niepegüta ohō saha ye dutire mësa pehe tiquina pacusumüare yedoho dutierana: Tiquina pacusumüare ohoborire Cohäcjü pehere oho dutire mësa. Sa ni buhemene mësa. ⁶ Sa buhena tiquina pacusumüare ño peogü yerare mësa. Mësa sa yena Cohäcjü dutiyere yahuducana nine mësa, mari acaye panopü cjēna ye dutiye dihitare yena. ⁷ Masa tiquina ihñono dihita quehnoano iji mehona ijire mësa. Cohäcjü yere yahu mähtariquiro Isaia mësare potota yahu ojoahye panopüre:

8 Ahriquina masa yahare quehnoano yahuducuepeta yahare ne ño peoerare. **9** Sa ye yahare tiquina ñu buheye ne dñhseati ijierare. “Cohācjū ye dutiye ijire ahri”, ni meho buhere tiquina ye buheye pehere, ni ojoahye Isaia, nidi Jesu fariseo masare, mari judio masare buheyequina gähare.

10 Sa ni tuhasa tiquiro cahapu masare pijio, ohō saha nidi:

11 —Tuhoya musa. Yuhu niñene quehnoano masiña musa. Musa dñserire sajāñe pehe musa ihyaye pehe musare ñana ijigū yerare. Musa ñañe yahuducuye pehe musa dñseri wijiaye pehe musare ñana ijigū yere, nidi Jesu.

12 Tiquiro sa ni buheri bato usā tiquiro buhena pehe tiquirore yahuu.

—Muhu sa nigū tuhoye fariseo masa usuari, ni yahuu usā tiquirore.

13 Tire tuho, ohō saha ni yuhtiri usāre:
—Tiquina fariseo masa taa yero saha ijire. Yuhu Pacu uhmuse cjāno ijipihiye oteyere tiquiro oterarire nahcori mehnata cure, cohānota. Sata yerota tiquinare. **14** Tiquinare sa ihña cāhña musa. Tiquina caperi bajueyequina tiquina ihña masiedaro saha ne Cohācjū yere masiedare. Sa ye pecapu wahaeta. Sa masiedapeta apequina masieñequinare buhe duamedi. Sa ye caperi bajueyequina copepu tiquina boraboriro saha tiquina buhenohriquina gähu pecapu wahaeta, nidi Jesu.

15 Tiquiro sa nigū tuhoro Pedro nidi:
—Ahri quitire masa tiquina dñseri wijiaye quitire yahu nemoña usāre tja, nidi tiquiro Jesure.

16 Jesu yahtiri:

—¿Ne, yojopu tahoerajari musa? **17** Masa ihyayere ihyagã tiquina daseripu sajare. Sa ye tiquina paapu sajã, yahdua wahare. Ihyo waro ijire. Mari ihyaye marine ñana wahagã yerare. ¿Ahrire masiedajari musa? **18** Masa daseripu wijiaye, tiquina yahuducuye pehe tiquina tahotuyepu ahtare. Tiquina yahuducuye pehe ñañe ijiro, masare ñañequina ijigã yere. **19** Ñañe tahotuye, masare wejẽñe, apequiro namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe quiti dahreye masa tahotuyepu ahtare. **20** Ti ñañe pehe masare ñañequina ijigã yere. Sa yepegãta buchna yee tiriro sahata masa omo coserapeta tiquina ihyagã ti masare ñañequina ijigã yerare, nidi Jesu.

*Judio masono ijiericoro Jesure wacu tutuahye
(Mr 7.24-30)*

21 Sa ni buhe tuhasa, usare siho wahari tja. Tiro wame tiri maca cahapu Sidõ wame tiri maca cahapu esau usã. **22** Usã topu esagã Canaa yehpa cjõno topu ijericoro Jesu cahapu esa, sañuducuri:

—Pahto, Davi panami iji turiagu masare yahduoacju, yahure paja ihñana muhu. Yahu maco watinore cuoro, ña yahduaro yahduri ticoro, ni sañuducuri ticoro.

23 Ticoro sa niepegãta Jesu yahtierari. Sa yegã ihñana usã tiquiro buhena pehe tiquirore ohõ saha nimi.

—Waha dutiya ticorore. Ñano cariboro bisiaga, nimi usã.

24 Usã sa nigã tahoro yahtiri ticorore:

—Israe masare Cohācjäre masieñequina dihitare yedoho dutiro ohori yahü Pacü yahüre, nidi tiquiro.

²⁵ Tiquiro sa niepegäta Jesu dahpocäri cahapü dusepe curi mehna quehe sari ticoro.

—Pahto, yedohoya yahüre, nidi ticoro.

²⁶ Jesu yahüre ticorore.

—Ohō saha ijire ahri: Coã warore wahü upuro pohne ye ihyayere diayeare oho muhtagü quehnoaedare. Israe masa yere ape yehpa cjënare yahü oho muhtagü quehnoaedare, nidi Jesu ticorore queoye mehna yahuro.

²⁷ —Sata ijire pahto. Sa ijiepegäta diayeä gähü wahü upuro mesa docapü tiquina ihya site boroyere ihya cohtere tiquina gähü. Ape yehpa cjo yahü ijiepegäta yahü gähüre yedoho masine muhü, ni yahüre ticoro.

²⁸ Ticoro sa nigü tiquiro yahüre:

—Numio, muhü yahüre tutuaro wacü tutuare. Muhü cahmeno sahata sa waharota, nidi Jesu ticorore.

Tiquiro sa nigü duita quehnoa wahari ticoro macono.

Peyequina dohatiyequinare yahdgü yeahye Jesu

²⁹ Sa ni tuhasa usäre siho waha, Galilea wame tiri ditara dahtü cahapü siho esari tja. Esa, mehenugä canüre muja, tü buipü dujiri. ³⁰ Topü tiquiro ijigü peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiyequinare tiquiro cahapü ne wihiri masa. Ne wihi tuhasa Jesu dahpocäri cahapü duhu cüri

tiquina. Tiquina sa duhu cūri bato quehnoa wahagū yeri Jesu tiquinare. ³¹ Tiquiro sa yegū ihñāñe masa ihñā maria wahari. Yahuducu masieñequina tiquina yahuducugū ihñāñe, pari yuri wahayequina tiquina quehnoa wahagū ihñāñe, tini masieñequina tiquina tinigū ihñāñe, caperi bajueyequina tiquina ihñagū ihñāñe, ihñā maria wahari tiquina. Sa ye ohō saha nidi:

—Israe masa ✉sā pūhto, Cohācjū tutuagū, quehnoagū ijire, ni ño peori tiquina Cohācjūre.

*Cuatro mil masare ihyayere ohoahye Jesu
(Mr 8.1-10)*

³² Tiquiro sa yeri bato Jesu ✉sāre tiquiro buhenare ohō saha nidi:

—Ahriquina masa yūhū mehna ihta deco waro iji tuhasare. Sa ye pohe mariedare tiquinare. Pohe mariedagū ihñagū tiquinare paja ihñaja. “Tiquina ✉jūa ahbayequina, mahapū borari”, nigū tiquinare ihyaye marieno tiquina ye wāhūsepū wāha duti dueraja. Sa yegū tiquinare pohe oho duaja, nidi tiquiro.

³³ Tiquiro sa nigū ✉sā tiquiro buhena tiquirore sinituu:

—¿Dūhse mari ohōre masa marienopūre pāre boca ohoboagari mari? nii ✉sā tiquirore.

³⁴—¿Nohope pacapā pacare c̄oajari mūsa? nidi.

—Siete pā pacare, meheñequinagā wahire c̄oaja, ni yūhtii ✉sā.

³⁵ ✉sā sa nigū tiquiro masare yehpapū duji dutiri. ³⁶ Tuhasa siete pā pacare, wahigā gāhūre ne, Cohācjūre “Quehnoare”, nidi. Sa ninota pā pacare nuha, ✉sāre tiquiro buhenare ohori. Sa yena ✉sā pehe ti ihyayere masare itii. ³⁷ Sa ye masa tire

ihya, yapi yuhdua wahari. Tiquina yapi wehorire siete puhuse waro ne cahmecoa, wahpo dapou usã. ³⁸ Topa ihyariquinare umua dihitare queogã cuatro mil waro umua ijiri. Numia, macanagã gãhã ijiri. ³⁹ Tiquina sa ihya tuhasagã Jesu masare waha duti, yucasapã sajã, Magadán wame tiri yehpapã usãre siho esari.

16

*Fariseo masa, saduceo masa gãhã Cohãcjã tutuaye mehna ye ihñogã ihña duamahye
(Mr 8.11-13; Lc 12.54-56)*

¹ Sa ye fariseo masa, saduceo masa mehna Jesu cahapã wihiri. Tiquiro ñano yegã ihña duamedi tiquirore yahusã duaye. Sa ye tiquina tiquirore Cohãcjã tutuaye mehna ye ihño dutimedi tiquiro masiedagã ihña duaye, “Cohãcjã ohoriquiro ijierare”, ni duaye. ² Tiquina sa ye dutigã Jesu yahrtiri tiquinare:

—Ñamicahapã uhmuano sohãgã ihñana “Quehnoari ñami ijirota”, nine musa. ³ Sa yena bohrearo uhmuano sohãgã, ñicuri deco ijigã ihñana “Acoro ahtarota”, nine musa. Sa quehnoano masiepenata Cohãcjã tutuaye mehna musare yuhã ye ihñogã ihñaepenata ne tire quehnoano masiedare musa. ⁴ Yojopã cjëna ña yuhdãyequina Cohãcjãre ño peo dueyequina Cohãcjã tutuaye mehna ye ihñogã ihña duamene. Ye ihñosi yuhã. Cohãcjã yere yahu mahtariquiro Jona tiquiro dãhse waharire masi tuhasare musa. Ti dihitare ihñoutja musare, ni yahrtiri Jesu.

Sa ni yahu tuhasa siho wahaa wahari tja.

*Fariseo masa saduceo masa tiquina ñañe buheyere yahuahye Jesu
(Mr 8.14-21)*

⁵ Ditarare usā pehāna, pāre bo cū cā, pehā tari jii usā. ⁶ Sa yero Jesu usāre yahuri:

—Quehnoano yeya. Fariseo masa, saduceo masa tiquina ye pā pugā yeyere ihñana quehnoano yeya. Cuarīne ti, ni yahuri.

⁷ Tiquiro sa nigā tāhona tāho masiedana, usā basi tire yahuducuu:

—Mari pāre mari ne cāhtaeragā ihñano sa niaga ahriquo, nimi usā basi.

⁸ Usā sa nidire masino, usāre sinituri:

—¿Dāhsena māsa pā borire wacūajari māsa? Mehenogā waro yāhure wacū tutuare māsa.

⁹ ¿Yojopā masiedajari māsa? ¿Cinco mil umuare ihcā omope pā pacare yāhu nuha ohorire, numia gāhure yāhu ohorire wacūedagari māsa? ¿Nohope pāhuse waro māsa ne cahmecoa wahpo daporire wacūedagari māsa? ¹⁰ ¿Sa yegā siete pā pacare nuha, cuatro mil umuare yāhu ohorire, numia gāhure yāhu ohorire wacūedagari māsa? ¿Nohope pāhuse waro māsa ne cahmecoa wahpo daporire wacūedagari māsa? ¹¹ ¿Sa yena pā pugā yeyere yāhu yahugā dāhse yena quehnoano tāhoerajari māsa? Sa nigā pā warore nigā niedaja. Fariseo masa, saduceo masa tiquina pā pugā yeyere ihñana quehnoano yeya. Cuarīne ti, ni yahuri usāre tiquiro.

¹² Tiquiro sa ni yahugāpā usā masii. “Pā pugā yeye”, nino pā warore nino niedari. Sa nino fariseo masa, saduceo masa tiquina buheyere

nino nidi. “Tiquina ye buheyere t_āhoeracāhñā”, nino nidi.

*Jesu poto Cristo tiquiro ijiyere Cohācjā
ohoriqiro tiquiro ijiyere yahuahye Pedro
(Mr 8.27-30; Lc 9.18-21)*

13 Sa ye Jesu mehna wahana, Cesarea Filipo wame tiri maca cahap_u ijiye macarip_u esa_u usā. Sa yero macap_u sajā sari bato Jesu usāre tiquiro buhenare sinituri:

—¿Noa boro ijiagari y_āh_ā, masa y_āh_āre tiquina t_āhotug_ā? ni sinituri tiquiro.

14 —“Ñu wame yeriquiro ijire”, nine m_āh_āre. Apequina “Elia ijire”, nine. Apequina “Jeremia ijiboaga o apequiro Cohācjā yere yahu mahtariquina mehna cjāno m_ānano ijiboaga”, nine, ni y_āhtii usā tiquirore.

15 —¿M_āsa pehe m_āsa t_āhotug_ā noa boro ijiagari y_āh_ā? ni, sinituri tiquiro.

16 Simo Pedro y_āhtiri:

—M_āh_ā Cristo Cohācjā ohorig_u ijire. Cohācjā catiriquiro waro mac_u ijire m_āh_ā, ni y_āhtiri Simo Pedro.

17 —Simo Ñu mac_u m_āh_ā bucueg_u ijire. Ohō saha ni m_āh_ā y_āh_āre y_āhtiye masa tiquina yahuri ijierare. Y_āh_ā Pacu _āhmuse cjāno pehe tire m_āh_āre masig_ā yeri. **18** M_āh_āre niita niaja. M_āh_ā Pedro wame tig_u ijire. (Pedro nino utā nino nine.) Ahri utā paa bui tutuari w_āh_āre y_āh_ā yeboriro saha yeequina pehere wac_u tutuayequina ijig_ā yeitja y_āh_ā. Sa ye yeequina ne pecap_u wahasi. **19** _āhmuse cjāno mari p_āhotoro ijiro cjā sawire m_āh_āre ohoutja. Sa yeg_u ahri yehpare m_āh_ā ye

dutieragā uthmasepā gāhāre ye dutisi. Ahri yehpare māhā ye dutigā uthmasepā gāhāre ye dutiye ijeta, nidi Jesu.

20 Tiquiro sa nidi bato utsāre tiquiro buhenare ohō saha nidi:

—Yuhāre “Cristo ijire tiquiro”, ni yahu site-niedacāhñā apequinare, ni, dutiri utsāre.

*Jesu tiquiro yaria masa wijiatiye yahuahye
(Mr 8.31–9.1; Lc 9.22-27)*

21 Ti pjeta Jesu utsāre tiquiro buhenare quehnoano yahu peho ducari:

—Jerusalēpā yuhāre waharo cahmene yojopāre. Topā judio masa mari būcūna, mari pahia pūhtoa, marine judio masare buheyequina gāhā yuhāre ñano yeeta. Yuhāre wejēeta. Sata ñano yuhāro cahmene yuhāre. Sa yegā ihtia deco wahaboro masa wijiagūta, ni yahuri utsāre tiquiro.

22 Tiquiro sa nigā tāhoro Pedro pehe ape sie cjūnogā Jesure ne sadāca, tiquirore ohō saha nidi:

—Pūhto, māhā nino saha sa wahaeracāhdo. Māhāre tiquina wejēdacāhdo, nimedi tiquiro Jesure.

23 Tiquiro sa nigā tāhoro Jesu majaredāca, tiquirore ohō saha nidi:

—Satana yero saha yahuducugā nine māhā. Sa niedacāhñā. Māhā tāhotuye massa ye ijire. Cohācjū ye ijierare. Sa yegā yuhā yeatire cahmota duare māhā, nidi Jesu Pedrore.

24 Tiquiro sa nidi bato utsāre yahuri:

—Ihcāquiro yaquiro iji duaro, tiquiro cahmeno ye duamedire duhu cānota. Sa yero yaquiro tiquiro ijiri buhiri ñano yuhāreperota yuhāre duhusi. Sa yero yeere yeducuriquiro ijirota.

²⁵ Masano yahare wacuno marieno tiquiro esa tuharo tiquiro cahmeno sahata yero, pecapu waharota. Sa yero yeere masano sa yeducuriquiro ijipihiye decori yah mehna ahmasep u ijirota tiquiro. ²⁶ ¿Ihcäquiro masano ahri yehpa cjene ijipihiyere cuoriquiro Cohäcjare cahmedaro pecapu waharo, yabere wapatajari tiquiro? Sa ijiriquiro ne wapataerare. Pecapu tiquiro jeripohna wahagü ne dähse wapa ye wioro basioerare. ²⁷ Yuhu masu Cohäcjä ohorigu yeequina angele mehna ahri yehpapu tojoa tagu yah Pacu asi siteye mehna tojoa tagu ijipihiyequina masare tiquina ñañe yeri buhiri buhiri dahreitja. Tiquina quehnoañe pehere yegü quehnoano yeitja tquinare. ²⁸ Ijirota mäsare yahutja. Ihquäquina mäsa ohöpure ijina mäsa yariato pano yahare yahu puhto sajagü ihñanata, ni yahuri Jesu.

17

Jesu tiquiro pagare camesahye (Mr 9.2-13; Lc 9.28-36)

¹ Sa ye seis decori bato Jesu Pedrore, Santagore tiquiro baharo Nu gähare ahmuanu cunapu tiquina dihitare piji mäjari. ² Uhmuanopu tiquina esari bato tiquina ihñonopu tiquiro pagare came-sahye. Tiquiro wuhdoa asü deco cjäno yero saha asi siteahye. Sa yero tiquiro suhtiro buhrioro yero saha yehsero wahahye. ³ Sa ye Jesu Moise manano, Elia manano mehna tiquina yahuducugü ihñahye tiquina ihtiyo buhockeyina. ⁴ Sa yero Pedro Jesure nimahye:

—Puhto, mari ohõpu ijigã quehnoa duare. Muhu cahmegã ihtia wuhugã yeitja. Muhu ya wuhugã, Moise ya wuhugã, Elia ya wuhugã yeitja, nimahye tiquiro.

⁵ Tiquiro sa ni yahuducuri watoa ehmeo quehnoano asiye ehmeo tiquinare cahmotahye. Sa wahagã ehmeo watoapu yahuducuye bisiro ca tahye.

—Ahriquiro yuhu macu yuhu cahñiquiro ijire. Tiquiro mehna bucueaja. Tiquirore tuhoya, ni yahuducuro ca tahye.

⁶ Sa nigã tuhoye tiquiro buheyequina tuho maria waha, yehpapu doque quehe sahye.

⁷ Tiquina sa wahari bato Jesu tiquina cahapu esa, tiquinare buacarero, ohõ saha niahye:

—Wahccaya musa. Yojopure musa ihñarire, musa tuhori ghare cueracha, niahye tiquiro tiquinare.

⁸ Tiquiro sa nigã tiquina ihña wahc, Jesu dihitare ihñahye. Tiquina ihñariquina pehe mariedahye.

⁹ Sa ye canapu tiquina dijia tagã Jesu tiquinare tutuaro mehna niahye:

—Mianogta yuhu sa waharire apequinare yahueracha. Yuhu masu Cohca ohorigu yuhu yaria masa wijiari batopu tire apequinare yahuya musa, niahye Jesu.

¹⁰ Tiquiro sa nidi bato Pedro ghu tiquirore sinituahye:

—“Cristo masare yuhduoati tiquiro ahtato pano Eliare ahta muhtano cahmene”, nine marine judio masa buheyequina. ¿Duhse ijiro boro sa niajari tiquina? ni sinituahye tiquina tiquirore.

11 Jesu yahtiahye:

—Potota ijire. Eliare ahta mahta dutiri Cohācjū, ijipihiyere quehno mahtatiquirore. **12** Ohō saha nigah masare nigah niaja. Elia wihi tuhasari. Tiquiro sa wihipegūta tiquina tiquirore ne ihñā masiedari. Sa ye tiquina duhse ye duaro yeri jiri tiquirore. Sata yeeta yah gahre. Yah masah Cohācjū ohorigah ijjajja. Tiquina sa yegah ñano yahdugahta yah, niahye Jesu.

13 Tiquiro sa ni yahugah tiquina quehnoano tahoahye. “Elia”, nino, Ñu wame yeriquirore nino niahye. Tire masiahye tiquina.

Jesu watīnore choriquirore yahduoahye

(Mr 9.14-29; Lc 9.37-43)

14 Sa ye peyequina masa cahapah tiquina dijia tagah ihñano ihcāquiro umano Jesu cahapah esa, dusepe curi mehna quehe sari.

15 —Pahto, yah macure paja ihññaña. Tiquiro ñama yariayere dohatiriquiro ijire. Sa yero ña yahduaro yahdure. Peye tahari pecapah bora sa quehea mujare tiquiro. Ihquē tahari diapah bora ñojoa mujare. **16** Sa yegah mah buheyequina cahapah tiquirore ne sami. Tiquina tiquirore yahduo masiedari, nidi tiquiro Jesure.

17 Jesu yahtiri:

—Yojopah cjāna, ñana ijire masa. Yahre ne wacū tutuerare. Yoar yahduari pje masare buhemí yah. ¿Noho puno yoari pje yahre masa cariboa jari? Tiquirore ne cāhtaya yahre, nidi Jesu.

18 Sa yero watīnore tiquiro tuhtigūta watīno pehe masano mehna ijiri quiro wahaa wahari. Sa wahari batogāta quehnoa wahari tiquiro.

19 Came ፻፳ sā tiquiro buhena ፻፳ sehsaro ijina Jesure sinituu:

—¿Duhseña ፻፳ pehe ahriquiro pehere watīnore cohā masiedari, mūhū tūhotugū? ni sinituu ፻፳ sā.

20 Jesu yāhtiri:

—Yuhure mehenogā wacū tutuare mūsa. Poto mūsare yahugūta niaja. Mostaza capegā meheni pjegā ijire. Ti yero saha Cohācjūre mehenogā mūsa wacū tutuana ohō saha wahagū ye masinata mūsa. Ahdū cənure “Sohōpū wahaya”, mūsa nigū, waharota. Cohācjūre sata wacū tutuana, ijiptiyere ye masine mūsa. [**21** Sa ijiipegāta ahriquiro boro watīnore mūsa cohā duana Cohācjūre tutuaro sinino cahmene mūsare. Sa ye duana sijiro cahmene mūsare Cohācjūre sinina tana,] nidi Jesu ፻፳ sāre.

Pari turi Jesu tiquiro yaria masa wijiatire yahuahye

(*Mr 9.30-32; Lc 9.43-45*)

22 Sa ye Galilea yehpapū ፻፳ tinigū, Jesu ፻፳ sāre yahuri:

—Yuhū masū Cohācjū ohorigū iijaaja. Masa yuhure ñehe, apequinapūre yuhure ohoeta. **23** Sa tiquina ohori bato yuhure wejēeta. Sa tiquina wejēgū ihtia deco wahaboro masa wijiagūta, ni yahuri tiquiro ፻፳ sāre.

Tiquiro sa ni yahugū tutuaro būjhā witii ፻፳ sā.

Cohācjū wūhū cjē wapare sinituahye apequina

24 Sa yena Capernaupū sajā sagū, Cohācjū wūhū cjē ijiatire wapa ne cohteyequina Pedro cahapū esa, tiquirore sinituahye.

—¿Musare buheriquiro Cohācjā wāhū cjē wapa ijiatire wapa yeajari tiquiro? ni sinituahye tiquina.

25 —Wapa yere tiquiro, ni yāhtiahye Pedro.

Tiquiro sa nidi bato wāhāpu tiquiro sajāgū Jesu sinitu māhtahye Pedrore:

—¿Simo dāhse ni tāhotuajari māhū? ¿Ahri yehpa cjēna pāhtoa yabequina pehere wapa neajari, māhū tāhotugū? ¿Tiquina mehna cjēnare wapa neajari? ¿O ape yehpa cjēna pehere wapa neajari, māhū tāhotugū? ni sinituahye tiquiro Pedrore.

26 —Ape yehpa cjēna pehere wapa nene, ni yāhtiahye Pedro.

Tiquiro sa nigū Jesu yahuahye:

—Sa yero pāhtoro tiquiro ya yehpa cjēnare wapa nedari. **27** Sa ijiepegūta wapa ne cohteyequinare usuagū ye dueraja mari. Sa yena wapa yenata. Ditarapū wahaya. Topū esa, yohyeri dare doque ñoña. Sa yegū wahi māhāre ihyariquirore weje ñuoña. Tiquiro dāseropū niñeru cjoere bocagūta māhū. Ti cjoе queoro wapa tiri cjoе ijirota. Yāhāre, māhū gāhāre Cohācjā wāhū cjēna tiquina wapa negū quehnoano queoro esa tuharota ti cjoе. Ti cjoere bocagū mari wapamonore wapa yegū wahaya, niahye Jesu Pedrore.

18

*Jesu buheyequina tiquina mehna cjānore pāhto
sō duamahye*

(Mr 9.33-37; Lc 9.46-48)

1 Ti pjere uśā tiquiro buhena Jesu cahapū esa, sinituu tiquirore:

—¿Uhmuse cjāno pāhtoro ijiropare usā mehna cjāno noa wahaboagari pāhtoro? ni sinituu usā.

² Usā sa nigā Jesu nijinogāre pijio, tiquirogāre usā caha duhu docori. Duhu doco tuhasa, usāre nidi:

³ —Poto māsare yahugutja. Ahriquina macanagā Cohācjūre tiquina pāhtoro waro tāhoture. Sa yena māsa gāhā tiquina yero saha tāhotuna, quehnoañene camesana, uhmuse cjāno pāhtoro ijiropare wahanata. Tiquina yero saha tāhotuerana pāhtoro tiquiro ijiropā wahasi māsa.

⁴ Sa yero uhmuse cjāno pāhtoro ijiropare sa tāhotu cāriquiro ahriquiro nijinogā yero saha tāhoturiquirota apequina bui pāhtoro wahare.

⁵ Sa yena yeere yena tana ohō saha ijiequinagāre cahmena, yāhā gāhāre cahmene māsa, ni yahuri Jesu.

*Ñañene yegā cuarīne
(Mr 9.42-48; Lc 17.1-2)*

⁶ Sa yero tiquinare yahu nemori:

—Ahriquirogā yero saha ijiriquire yāhāre wacū tutuariquirogāre yahutja māsare. Apequiro ahriquirogā yero saha ijiriquire o ñañene ye dutiro tiquiro ña yāhdāraro yāhdārota. Tiquiro wamāhare pajiria utāre dāhte yo, pajiri mapā tiquirore cohāgā ñano wahaboaga tiquiro. Sa ijiepegāta ahriquirogā yero saha ijiriquire o ñañene ye dutiriquire tiquiro pehe pajiri mapā tiquina cohāriquiro yāhdāraro ñano yāhdārota.

⁷ Masare ñañene yegā yeeye ijire. Tire yeeye ahri yehpa cjēna ñano yāhdāre. Ñañene yeducure masa. Tiquina sa yegā tiquinare ñañene yegā yeeyequina pehe ña yāhdāraro yāhdāeta.

8 'Mah omoca mehna ñano yegu ti omocare mah dute cohaboro saha ti ñañene duhuya. Tire duhueragu pecapu wahagta. Topure ne peca yatierare. Muh omocare muh cohagu ti si dihita butiboaga. Sa yegu muh pehe sa bajuri turu ijiepegta came Cohacju mehna ijigta. Pua omoca mehna pecapu wahagu muh sa wahagu ña yuhdaboaga. Sa yegu ti ñañene duhuya. Muh dahpoca mehna ñano yegu ti dahpoca guhre muh dute cohaboro saha ti ñañene duhuya. Tire duhueragu pecapu wahagta. Topure ne peca yatierare. Muh dahpocare muh cohagu ti si dihita butiboaga. Sa yegu sa bajuri turu ijiepegta came Cohacju mehna ijigta. Pua dahpoca mehna pecapu wahagu muh sa wahagu ña yuhdaboaga. Sa yegu ti ñañene duhuya. **9** Muh capea mehna ñano yegu tiare ore we muh cohaboro saha ti ñañene duhuya. Tire duhueragu pecapu wahagta. Topure ne peca yatierare. Tiare muh cohagu tia dihita butiboaga. Ihca pehe capea mariedapegta came Cohacju mehna ijigta. Pua capea mehna pecapu wahagu muh sa wahagu ña yuhdaboaga. Sa yegu ti ñañene duhuya, ni yahuri Jesu.

*Oveja butiri quiro que oyere yahuahye Jesu
(Lc 15.3-7)*

10 Sa ni tuhasa oho saha ni yahu nemori:

—Ne, ahriquinagãre macanagãre ihña tuhtier-acahña. Musare niita niaja yuhu. Tiquinagã yee-quina angele tiquinagãre cohteyequina uhmusepu ijkiyequina pehe yuhu Pacu cahapu sa ijiducure.
[**11** Yuhu masu Cohacju ohorigu ahri yehpapu

pecapu wahaboriquinare yahduogu tuu nii yahu,] ni yahuri Jesu.

¹² Sa ni tuhasa tiquiro tuhotuye mehna oho saha ni queoye mehna buheri usare.

—Ovejare cohteriquiro cien ovejare coriquiro ihcaqiro oveja butia wahagu oho saha yerota tiquinare cohteriquiro pehe. Apequina ovejare noventa y nueve ovejare tiquina ihyaropu duhu doco, butiriquire macano waharota. ¹³ Ijirota nii niaja masare. Tiquirore bocaro bucuerota tiquiro. Apequina noventa y nueve duhsayequina mehna bucueri tiquiro. Tiquinare tiquiro bucueriro yahduoro butiriquire pehere bocaro tutuaro bucuerota. ¹⁴ Sata mari Pacu ahmuse cjeno ahriquina ihyo ijiyequina gahure pecapu tiquina wahagu cahmedare, ni yahuri Jesu.

Muhu acayuro muhare ñano yegu oho saha ye dutiahye Jesu

(Lc 17.3)

¹⁵ Sa ni tuhasa oho saha ni yahu nemori:

—Muhu acayaro muhare ñano tiquiro yegu tiquiro mehna yahugu wahaya. Musa sehsaro tire yahuya. Muhu sa yegu tiquiro muhare tuhoboaga. Tiquiro tuhogu “Muhare ne pari turi oho saha yesi yahu”, tiquiro nigu muhu acayurore pari turi piti tigu niaga muhu. ¹⁶ Muhare tiquiro taho dueragu purita ihcaqiro mehna waha duagu o puaro mehna waha duagu tiquinare piti ti ca, pari turi tiquirore yahuna wahaya. Musa sa yena puana o ihtiana tiquirore musa yahusagu, “Poto tjire”, ni masieta apequina. ¹⁷ Sa yena muhu mehna cjena gahure tiquiro taho dueragu ijipihtiyequina Jesu

yequina cahmecoañequinare yahusāna wahaya. Sa yena Jesu yequina cahmecoañequinare tiquiro taho dueragū ihñana Cohācjūre ño peo dueriquiro tiquiro ijiro saha yeya tiquirore. Wapa ne cohteriquiro tiquiro ijiro saha yeya tiquirore.

¹⁸ 'Ijirota m̄asare niita niaja. Ahri yehpapu m̄asa Jesu yequina ñañene m̄asa ye dutieragū ñhm̄usepū gāhāre ye dutisi. Ahri yehpapu m̄asa quehnoañene ye dutigā ñhm̄usepū gāhāre ye dutiye ijirota.

¹⁹ 'Pari turi m̄asare yahutja ahrire: M̄asa p̄hana Cohācjūre sinigū, m̄asa p̄hana m̄asa sinidire ihcāno saha m̄asa t̄hotugū yuhu Pacu ñhm̄use cjāno tire yerota. ²⁰ P̄aro o ihtiaro yeequina, yeere yeatiquina tiquina cahmecoagū yuhu tiquina mehna ijiaja, ni yahuri Jesu.

*Cahacjāno apequiro tiquiro wapamonore
tiquiro bo duerari quitire yahuahye Jesu*

²¹ Came Pedro Jesu cahapu esa, sinituri:
—¿P̄uhto, yuhu acayuro m̄ahā yaquiro peye tahari yuhāre ñano tiquiro yegū ihñagū nohope tahari tire bogutari yuhu? ¿Siete tahari bogutari yuhu? ni sinituri Pedro.

²² Jesu yuhātiri:
—Siete taharita m̄ahāre apequiro ñano yerire m̄ahā bogū to wahaerare. Peye tahari m̄ahāre ñano tiquiro yegū gāhāre boyā.

²³ 'Ñhm̄use cjāno masa p̄ahtoro tiquiro ijiye ahri queoye yero saha ijire. Ijipihiyequina masa p̄ahtoro tiquiro cahacjēnare tiquirore wapamoñequinare wapa ye peho duti duamahye.
²⁴ Tiquina wapamorire tiquiro queo ducagā,

tiquirore dahra cohteyequina pehe pajiro wapamoriquire re tiquiro cahapu ne cãhtahye. Wapamoriquire pají yuhduaro wapamoahye tiquiro puhtorore. ²⁵ Sa yero tiquiro wapa ye masiedagu tiquiro puhtoro tiquirore, tiquiro namonore, tiquiro pohnene cahacjena sõ, tiquinare apequinare dua dutimahye. Sa ye ijipihiye tiquiro cuoye gahure dua dutimahye, tiquiro wapamonore wapa ye peho dutiro. ²⁶ Tiquiro sa dua dutigu pajiro wapamoriquire pehe dusepe curi mehna quehe sa, tiquiro puhtorore tutuaro siniahye: “Puhto, yuhure paja ihñagu cohteniña. Muhure wapa ye pehoutja”, niahye tiquiro puhtorore. ²⁷ Tiquiro sa nigu tuhoro, tiquirore paja ihñano tiquiro wapamonore sata bo cãhye.

²⁸ Tiquiro sa yeri bato wapamoriquire pehe waha, apequiro cahacjenore tiquirore mehenogu wapamoriquire re boca sahye. Sa boca saro wamua ñeheahye tiquirore. “Yuhure muhure wapamonore wapa ye pehoya”, niahye tiquiro mehna cjenore tiquiro yero saha ijiriquire cahacjenore. ²⁹ Tiquiro sa nigu apequiro cahacjeno pehe dusepe curi mehna quehe sa, tiquirore tutuaro sinimahye. “Yuhure paja ihñagu mehenogu cohteniña. Muhure wapa ye pehoutja”, nimahye apequiro cahacjeno tiquirore. ³⁰ Tiquiro sa ni siniepeguta yuhtierahye. Sa yero tiquiro apequiro cahacjenore peresu ye dutiahye. Tee tiquiro wapa ye pehogupu wioro taro niahye tiquirore. ³¹ Pajiro wapamoriquire mehenogu wapamoriquire tiquiro sa yegu ihñana, usua, apequina cahacjena pehe tiquina puhtorore

yahusāñe wahahye. ³² Tiquina sa ni yahusāgū təhoro tiquina pəhtoro tiquina yahusāriquirore pijio, ohō saha niahye: “Məhə ña yəhdəagū ijire. Məhə yəhəre tutuaro sinigū məhə wapamonore bo pehomì yəhə. ³³ Məhəre yəhə sa yepegūta məhə pehe məhəre wapamoriquirore boerañohti. Məhə wapamono pehere yəhə boriro sahata tiquiro məhəre wapamono gəhəre məhə bogū quehnoa yəhdəaboaga. ¿Dəhsegū tiquirore paja ihñedari məhə, sa yegū?” niahye pəhtoro tiquirore. ³⁴ Sa nino tutuaro usua, peresu yeahye tiquiro cahacjānore. Tee tiquiro wapa ye pehogūpə wioro taro niahye, ni yahuri Jesu.

³⁵ Sa yero ohō saha ni ahri quitire yahu bato tiri:
—Sata yerota yəhə Pacə əhməse cjāno məsare. Məsa ijipichtina məsa acaye məsare tiquina ñano yerire quehnoano məsa bo pehoeragū tiquiro məsare buhiri dahrerota, nidi Jesu.

19

Tiquina namosānumiare cohāñene yahuahye Jesu (Mr 10.1-12; Lc 16.18)

¹ Tire tiquiro sa ni yahuri bato tiquiro Galileapə ijiriquiro Judea yehpapə əsāre siho wahari. Jordā wame tiri ma ape sie pahrēpə esaə əsā. ² Topə əsā wahagū peyequina masa əsāre nənə tā cāri. Tiquina mehna cjēnare dohatiyequinare yəhdəgū yeri tiquiro.

³ Sa ye ihquēquina fariseo masa Jesure yahusā duaye, ñano tiquiro yahuducugū təho duaye, tiquirore sinituri:

—¿Mari namosānumiare cohāgū quehnoaboga-gari? ¿Mari dutiye pehe sata ye dutiagari, māhū tāhotugū? ni sinituri tiquina.

⁴ Jesu yāhtiri:

—¿Cohācjū yere tiquina ojoari pūpū ne ahrire buherari māsa? Ohō saha ni ojoahye: “Coā waropare ahri yehpare bajumehnediquiro umāno, numino gāhure yeahye”, ni ojoahye. ⁵ Sa yero ohō saha ni ojoa nemoahye: “Sa yero umāno tiquiro pacusumāre cohā wijia, tiquiro namono mehna ijirota. Sa ye tiquina pāaro ijiepeta ihcā pagū yero saha ijire. ⁶ Sa ye tiquina pāaro yero saha ijierare. Ihcā pagū yero saha ijiye nine. Cohācjū tiquiro omoca dāhte dutiyequina ijire. Sa ye tquinare cahme duhueraro cahmene”, ni ojoahye, nidi Jesu tquinare.

⁷ Tiquiro sa nigū fariseo masa sinituri tja:

—Māhū ohō saha ni yahuepegūta ohō saha ni ojoahye Moise pehe: “Māhū namonore cohā duagū papera pūre tire ojoaya. Sa ojoagū ti pūre māhū namonore māhū ohori bato ticorore cohā masine māhū”, ni ojoahye Moise. ¿Māhū nino saha ijiepegūta Moise pehe dāhsero ohō saha ni ojoayari? ni yāhtiri tiquina tiquirore.

⁸ Jesu yāhti cahmedi tquinare:

—Cohācjūre māsa ñecusumāa panopū cjēna tiquina tāho dueragū ihñano tiquina namosānumiare tiquina cohāgū, “Sata wahacūnahdo”, niahye Moise. Tiquiro sa niepegūta coā waropare ahri yehpare sa ijierari.

⁹ Māsare niita niaja. Masāno tiquiro namono ticoro ñano yerapegūta ticorore cohāno, apecorore namo tiro, tiquiro apecoro mehna ñano yero nine.

[Sa yero ahriquiro cohāricorore namo tiri奎ro gāhū ticoro mehnā ñano yeriquiro ijire,] nidi Jesu.

¹⁰ Tiquina sa nigū tāhona, usā tiquiro buhena pehe tiquirore ohō saha nii:

—Sata umāno tiquiro namono mehna tiquina cahme cohāedagū mari pehere mari namo tieragū quehnoaboaga, nii usā.

¹¹ Jesu yāhtiri:

—Ihquēquinareta namo ti dutierare Cohācjū. Tiquiro namo ti dutiriquina dihita namo tieta.

¹² Umāhare namo ti dutieraye ihquēgā ijire. Ihquēquina umāa numiare cahmeeñequina masa bajuare. Apequina umāa masa tiquina apēni tōho tiquina weriquina pehe namo ti masiedare. Apequina umāa uhmāse cjāno tiquina pāhtoro yere yedoho duaye, namo tierare. Sa ye ahriquina namo ti dueyequina sata tāhotu cāhñequina, sata tiquina sohtori tigū quehnoare, nidi Jesu usāre.

*Macanagāye ijiatire Cohācjūre sini basahye Jesu
(Mr 10.13-16; Lc 18.15-17)*

¹³ Sa ye masa macanagāre Jesu cahapū ne wihiyi. Sa ne wihiyi, tiquina Jesure tiquiro omo-care tiquinagā bui ña peo duti duamedi. Sa ye tiquinagāre Cohācjūre sini basa duti duamedi Jesure. Tiquina sa yegū ihñana usā tiquiro buhena tiquinare tuhtimi. ¹⁴ Usā sa tuhtigā ihñano, usāre Jesu ohō saha nidi:

—Macanagā yāhū cahapū ahtaahro. “Waharīsa”, niedacāhñā tiquinagāre. Tiquinagā Cohācjūre tiquina pāhtoro tāhoture. Sa ye tiquiro uhmāse cjāno pāhtoro ijiropū ahriquinagā yero saha tāhotuyequina ijire topare, nidi Jesu usāre.

15 Sa ninota tiquiro omocare tiquinagā bui ña peo tuhasa, wahaa wahari.

*Doeri cjē upuero Jeshire sinituahye
(Mr 10.17-31; Lc 18.18-30)*

16 Tiquiro sa yeri bato ihcāquiro Jesu cahapu wihi, sinituri tiquirore:

—¿Ne quehnoagħu buhegħu, ijipihtiye decori Cohācjū mehna iji duagħu, quehnoañene ye duagħu duhse yeboagħari yuhu? nidi tiquiro.

17 —¿Duhse ijiro boro yuhare quehnoañene sinituajari mħuhu? Cohācjū dihit quehnoariquiro ijire. Ijipihtiye decori Cohācjū mehna iji duagħu tiquiro dutiyere yeya, nidi Jesu.

18 —¿Dise boro dutiye pehere nigħu niajari? ni sinitu nemori tiquiro.

Jesu yuhtri:

—Masare wejēdacāhñā. Wuana tieracāhñā. Yaqueracāhñā. Ni mehoedacāhñā. **19** Mħu pacasumħuare ño peoya. Mħu basi mħu cahīno saha mħu cahapu ijiri quiro għarri cahīñā. Ahri dutiyere yero cahmene, nidi Jesu.

20 —Ahri dutiyere ne yuhdudcaera tii yuhu. ¿Duhse ye nemoagħari yuhu ijipihtiye decori Cohācjū mehna iji duagħu? nidi tiquiro Jeshire.

21 Tiquiro sa nigħu tħoror Jesu yahu nemori:

—Mħu ñañe mariegħu iji duagħu mħu ye ijipihtiye duagħu wahaya. Sa duagħu ijipihtiye mħu wapatari niñerure pejec oyequinare oħoya. Mħu sa yegħi pajiro mħu ye uhmusepħu, Cohācjū cahapu ijirota. Mħu sa yeri bato yuhu mehna cjex ijjigħu ahtaya, ni yahuri Jesu.

22 Tiquiro sa nigū tūhoro tutuaro bājħa witiri. Tiquiro doeri cjē upāro ijipihtiyē cħoriquiro ijiri. Sa yero Jesu yahugū tūhoro tutuaro bājħa witiri. Pejecħo yequinare oħo dueraro wahaa wahari.

23 Tiquiro sa wahari bato Jesu ħsāre tiquiro buhenare yahu nemori:

—Ijirota mħsare niita niaja. Doeri cjē upāro Cohāċjū pħaħtoro ijiroppre tiquirore waharo basioera cjüre. **24** Mħsare yahu nemoutja: Camello pehe awia copepħ tiquiro sajā duagħi basioerare tiquirore. Tiquiro sa ijiro yahdħoro doeri cjē upāro Cohāċjū re caħmedaro, Cohāċjū pħaħtoro ijiroppre waharo basioerare, nidi tiquiro.

25 Tiquiro sa nigū tūhona ħsā tħo maria waha, ħsā basi ohō saha nii:

—Aa, dħħse tiquiro nino saħata ijigħi, ne ihċāquiro masħno Cohāċjū caħapħi waha masiedaboaga, nii ħsā basi.

26 ħsā sa nigū Jesu ħsāre ihñano, yahuri:

—Masa tiquina esa tuħaro tiquina queħnoano yeri meħna Cohāċjū caħapħi waha masiedare. Cohāċjū pehe masare pecapħi wahaboriquinare yahdħeo masine. Tiquiro ijipihtiyere queħnoano ye masi peho cār, nidi tiquiro ħsāre.

27 Tiquiro sa nigū Pedro tiquirore nidi:

—Tħorřiña. ħsā pehe ħsā ye ijipihtiyere cū cāħi mħaħħi meħna wahana tana. ¿ħsā ohō saha yena, dħħse ijiyere wapatanatari ħsā? nidi tiquiro.

28 Tiquiro sa nigū tūhoro ohō saha nidi Jesu:

—Mħsare niita niaja: Piħtiri deco bato ijipihtiyē wahma diħita camesaeta. Ti pjeppre yahħa

masu Cohācjā ohoriga yahua pahtoro yahua dujiropu asi siteropu dujiitja yahua. Topu yahua dujigā māsa gāhu doce dujiye pahtaripu pāhtoa tiquina dujiye pahtaripu dujinata. Sa yena Israe masare doce cururi cjēnare besenata māsa quehnoañequina gāhure, ñañequina gāhure. ²⁹ Sa ye yeere yena tana māsa wāhusere, māsa bahanare, māsa pacusumare, māsa pohnare, māsa weserire cūrina ijina, pajiro wapatanata. Sa yena ijipihtiye decori Cohācjā mehna ijinata. ³⁰ Sa ijiepegūta yojopare peyequina pāhtoa ijiriquina ti pjepare ihyo ijiyequina tojoaeta. Sa ye yojopare peyequina ihyo ijiyequina ijimediquina ti pjepare pāhtoa camesaeta, ni yahuri Jesu usāre tiquiro buhenare.

20

Uhse wesere dahrayerquina queoyere yahuahye Jesu

¹ Sa ye Jesu pari turi queoye mehna yahu nemori tja:

—Uhmuse cjāno masa pahtoro ijire. Wese uparo queoye mehna tiquiro pahtoro ijiyere yahutja māsare. Tiquiro wese uparo bohrea quehagā tiquiro ya wesere dahratiquinare pijiro wahahye. ² “Ihcā cjoе niñeru cjoе wapa yegutja ihmā decore”, niahye tiquinare. “A”, niahye dahratiquina. Tiquina sa nigā wesepu dahra dutiro ohoahye tiquiro tiquinare. ³ Sa yero decopu nueve ijigā doeri cjē duaropu wahahye tiquiro. Topu esaro, apequina dahrayerquina ihñahye. ⁴ Sa ihñano tiquinare niahye: “Māsa gāhu ya wesere dahrana wahaya. Quehnoano wapa yegutja”, niahye

tiquiro. ⁵ Sa ye tiquina wesepu dahraye wahahye. Sa ye wese upuro coheri pje ijigã, ñamicahapu tres ijigã gãhãre dahrura dutiahye. ⁶ Sa ye ñamicahapu cinco ijigã doeri cje duaropu tiquiro wahahye tja. Topu esa, apequina dahruraeyequinare ihñano, tiquinare niahye: “¿Musa dahse yena niajari dahrurapenata ohõpure?” ni sinituahye tiquinare. ⁷ “Ne, usãre dahruye mariedare”, ni yuhtiahye tiquina. “Musa gãhã ya wesere dahrana wahaya”, niahye tiquinare. Sa ye tiquiro nidiro sahata tiquiro ya wesere dahruye wahahye.

⁸ ’Sa ye ñamicahapu dahrua duhuri pje ijigã wese upuro tiquiro dahruyequinare cohteriquirore ohõ saha niahye: “Dahruyequinare pijiya. Tiquina wihigã tiquinare wapa yeya. Camepu yuhã dahrua dutirquinare wapa ye muhtaña. Tiquinare wapa ye tuhasa, apequina gãhãre wapa ye tuhasa, yuhã dahrua duti muhtariquinare wapa ye bato tiya”, niahye tiquiro. ⁹ Sa yero cinco ijigã dahrua ducayequinare ihcã cjo*e* niñeru cjo*e* wapa yeahye. ¹⁰ Tiquiro sa wapa yegã ihññañe, “Usãre paji cjûnogã wapa yerota”, ni tuhotumahye tiquiro duti muhtariquina pehe. Tiquina gãhãre ihcãno saha wapa yeahye. ¹¹ Sa ye niñerure tiquiro wapa yegã tiquina puhtoro mehna usuaye, tiquina basi cahme niahye: ¹² “Ahriquina usã batopu tiquiro dahrua dutirquinina pehe ihcã horata dahrari. Usã pehe ihcã deco quehnoano dahrua nahñoa wahami. Ñano asã asiri usãre. Usã sa yoari pje dahruapegãta usã batopu dahrua ducariquina gãhãre ihcãno saha wapa yeri tiquiro”, ni usuahye

tiquina basi. ¹³ Ihcāquiro tiquina mehna cjāno tiquiro sa nigā tāhoro, wese upāro yāhtiahye tiquirore: “Ne yāhā acayā, ‘Ihcā cjoе niñeru cjoere wapa yegutja’, nimi māsare. Yāhā sa nigā yāhtiri māsa. Sa yegā yāhā nidiro sahata māsare wapa yei yāhā. Queoro wapa yei māsare. Ne yaquerā māsare. ¹⁴ Sa yegā yāhā wapa yerire ne, māhā ya wāhāpā tojoarīsa. Ahriquirore came yāhā dahra dutiriquiro gāhāre māsare yāhā wapa yeriro punota wapa yegutja. ¹⁵ Yee niñeru ijire ahri. Sa yegā yāhā cahmeno sahata ahri mehna wapa yegutja. ¿Apequinare bui cjūnogā yāhā quehnoano wapa yegā ihñā tuhtiajari māhā?” niahye tiquiro wese upāro, ni yahuri ti queoyere Jesu.

¹⁶ Sa nino, yahu nemori tiquiro:

—Ahri queoye nidiro saha came cjā curua iji māhtari curua ijirota uhmāsepā. Sa ye iji māhtari curua pehe tiquina camepā cjā curua tojoarota uhmāsepā, ni yahuri Jesu.

*Pari turi Jesu tiquiro yaria masa wijiatire
yahuahye*

(Mr 10.32-34; Lc 18.31-34)

¹⁷ Sa ye Jerusalēpā wahaducu, usāre doce tiquiro buhenare pijo tuhasa, ape siepā usāre usā sehsaro neari Jesu. Usā sehsaro usā ijigā usāre yahuri:

¹⁸ —Tāhoya yāhāre. Yojopāre Jerusalēpā wahana niaja mari. Topā yāhāre masare Cohācjā ohorigāre ñehe, apequinapāre yāhāre ohoeta. Pahia puhtoare, judio masare buheyequina gāhāre yāhāre ohoeta. Sa ye yāhāre wejē dutieta tiquina. ¹⁹ Sa wejē dutiye, judio masa ijieyequinare yāhāre ohoeta. Tiquina sa ohori

bato tiquina pehe yahare bujape, tana, curusap^u quē bihaeta yahare. Sa yeg^u yah^u yariari bato ihtia deco wahaboro masa wijagutja, ni yahuri Jesu usāre.

*Santiago, Ñu mehna tiquina pacoro pehe tiquinare sini basahye Jesure
(Mr 10.35-45)*

²⁰ Sa ye Zebedeo namono p^uaro ticoro pohne mehna Jesu cahap^u esa, d^usepe curi mehna quehe sahye tiquirore sinino taro.

²¹ —¿Duhse yah^u yeg^u cahmeajari m^uhu? niahye Jesu ticolorre.

—M^uhu p^uhto sajāg^u yah^u pohnare dutiyequina sōña. Sa yeg^u m^uhu p^ua peherip^u duji dutiya tiquinare, ni siniahye ticoro.

²² Jesu ohō saha niahye:

—M^usa ñano yahduatire masiedapenata sa sining m^usa. ¿Yojopure yah^u ñano yahduato saha m^usa gūhu ñano yahduana ihcāno sahaboagari m^usa? niahye Jesu ticoro pohnene.

—Ihcāno sahanata, ni yahtiahye Santiago, Ñu mehna.

²³ —Ijirota niita niaja m^usare. Yuhu ñano yahduato saha ñano yahduata m^usa gūhu. Sa ijiepegūta yah^u mehna dutiatquinare, yah^u mehna dujatiquinare bese masiedaja yah^u. Yuhu Pac^u pehe quehno tuhasari tire. Sa ye tiquiro beseatiquina dihita yah^u poto pehe yah^u cū pehe pehe dujeta, niahye Jesu tiquinare.

²⁴ Sa yena usā apequina diez tiquiro buhena pehe Santiago, Ñu ahriquina p^uaro mehna usua^u usā. Jesure tiquina pacoro ticoro sini basarire

tahona usua^h tiquina mehna. ²⁵ Usā sa usuag^h ihñano, Jesu usāre ijipihtina tiquiro buhenare piji cahmecoa, yahuri usāre:

—Cohācj^hre masieñequina p^htoa pehe tiquina masare dutiye, usuaro mehna dutire. ²⁶ Musa pehe ne sa yesi m^hsa basi. Musa mehna cjēno p^htoro iji duaro, ijipihtienequina tiquiro mehna cjēna cahacj^hno ijiro cahmene tiquirore. ²⁷ Sa yero ijipihtienequinare dutiriqiro iji duaro, apequina cahacj^hno ijiro cahmene tiquirore. ²⁸ Sata ijig^h iijaia y^hh^h g^hh^h. Y^hh^h mas^h Cohācj^h ohorig^h ahri yehpap^hre masare yedohog^h ahta^h. Sa yeg^h peyequina masa ye buhirire yariag^h ahta^h nii. Sa yeg^h masare pecap^h wahaboriquinare y^hhd^hog^h ahta^h nii. Masare dutipeg^h tag^h nied^h, nidi Jesu usāre.

*P^haro caperi bajueyequinare ihñag^h yeahye Jesu
(Mr 10.46-52; Lc 18.35-43)*

²⁹ Sa ye Jericó^h ijirina usā wahag^h peyequina masa Jeshire n^hn^h tāri. ³⁰ Sa ye Jesu tiquiro y^hhd^hag^h p^haro caperi bajueyequina maha d^hht^h cahap^h dujiyequina t^hhorí. Sa t^hoye, ohō saha ni sañuducuri:

—P^hto, Davi m^hnano panami iji turiag^h, masare y^hhd^hoacj^h, usāre paja ihñaña, ni sañuducuri.

³¹ Tiquina sa ni sañuducug^h masa pehe tiquinare tuhtiri.

—Dihta mariahña, nidi masa tiquinare.

Tiquina sa tuhtig^h t^hoye, to pano tiquina sañuducuriro y^hhd^horo sañuducu nemori tja.

—Usā p^hto, Davi m^hnano panami iji turiag^h, usāre paja ihñaña, ni sañuducu nemori.

³² Tiquina sa nigū tāhoro Jesu esadaca, tiquinare pijio, sinituri:

—¿Duhse yahua yegū cahmeajari musa? ni sinituri.

³³ —Pahito, usāre ihñagū yeya, ni yahrtiri tiquina.

³⁴ Tiquina sa nigū Jesu tiquinare paja ihñari. Sa paja ihñano tiquina caperire ña peori. Tiquiro sa ña peoguta tiquina pehe ihñaa wahari. Sa ihñañe, tiquirore nunu tā cāa wahari.

21

Jerusalēpū esahye Jesu

(Mr 11.1-11; Lc 19.28-40; Jn 12.12-19)

¹ Sa ye Jerusalēpū esana tana Betfagé wame tiri macapū esa māhtau usā Jesu mehna. Cunū Olivo wame tidu cahapū Betfagé ijiri. Topū esaro, usā tiquiro buhena mehna cjēnare pāaro Jesu tiquiro pano oho māhtari. ² Ohō saha dutiri tiquinare:

—Si macapū burroare nena wahaya. Topū esana, duita burrore ticoro macunogā mehna tiquina dāhte docoricorore bocanata. Tiquinare boca, yuta dare pā, ne cāhta basaya yahure. ³ Musa sa yegū ihñano, burroa upāro “¿Duhse tana burroare pājari māsa?” tiquiro nigū tāhona ohō saha ni yahtiya. “Mari pāhtoro burroare cahmedi. Sa yero mianogā wiarota tiquiro”, ni yahtiya tiquirore, ni duti ohori Jesu pāaro tiquiro buheyquinare.

⁴ Sa yeri Cohācjū yere yahu māhtariquiro tiquiro ni ojoariro sahata. Ohō sahata ni ojoahye pānopū:

⁵ Jerusalē cjēnare ohō saha ni yahuya:

“Ihññaña m̄asa. M̄asa p̄ahtoro m̄asa cahap̄ ahtare. Tiquiro quehnoano masa quehnoariquiro ijire. Burro mac̄unogā bui pesariquiro ahtarota”, ni yahuya Jerusalē cjēnare, ni ojoahye panop̄.

⁶ Jesu tiquiro dutiriquina p̄aro ti macap̄ esa, tiquiro dutiriro sahata yeahye tiquina. ⁷ Burrore, ticoro mac̄unogā ḡuhare ne cāhta, tiquina bui sañañe suhtire tu we ne, burrogā bui duhu peori tiquina. Tiquina sa yeri bato Jesu tiquirogā bui m̄aja pjeri, waharo taro. ⁸ M̄aja pje tuhasa, tiquirogā bui Jerusalēp̄ wahari. Tiquiro ahtaḡ ihññañe masa peyequina tiquina bui cjē suhtire tu we ne, seō cū m̄ahrtari tiquiro wahari mahare, Jasure ño peoye. Apequina pehe pūri tiye d̄ap̄urire mahap̄ cū m̄ahrtari tiquirore ño peoye. ⁹ Sa ye tiquiro pano wahayequina, tiquiro bato n̄an̄a tāñequina mehna sañuducuri:

—Davi panamino iji turiariquirore marine yahd̄oatiquirore ño peouhna. Ahriquiro Cohācj̄ ohoriquiro quehnoano ijiahro. Uhmuse cjānore “Tutuaḡ ijire”, ni ño peouhna, ni sañuducuri masa.

¹⁰ Sa ye Jerusalēp̄ tiquina esaḡ to cjēna pehe ihñña maria wahari.

—¿Noa ijajari ahriquiro? ni cahme sinituri tiquina.

¹¹ Apequina masa yahrtiri:

—Ahriquiro Cohācj̄ yere yahu m̄ahrtariquiro Nazare cjāno Jesu wame tiriquiro ijire, ni yahuri tiquina masare.

*Cohācj̄ wahap̄ esahye Jesu
(Mr 11.15-19; Lc 19.45-48; Jn 2.13-22)*

¹² Came Cohācjū wəhəpʉ esari Jesu. Ti wəhəpʉ esa, sajāa wahari. Ti wəhəpʉ duayequinare, dūyequina gāhāre cohā wiori tiquiro. Sa yero niñeru comesaye mesarire ne majare cū mājari. Bujuare duayequina tiquina dujiye pahtari gāhāre sata yeri. ¹³ Sa yero tiquinare ohō saha nidi:

—Cohācjū yere tiquina ojoari pūpʉ ohō saha nine: “Ya wəhā Cohācjū mehna yahuducuri wəhā wame tirota”, nimene tiquiro ojoari pūpʉ. Masa pehe ahri wəhəpʉ duana masa basi cahme yaquere masa, nidi tiquiro tiquinare.

¹⁴ Tiquiro sa yeri bato caperi bajueyequina, tini masieñequina gāhā Cohācjū wəhəpʉ tiquiro cahapʉ wihiri. Tiquina sa wihigā tiquinare yāhdugā yeri tiquiro. ¹⁵ Sa quehnoañene tiquiro yegā ihñāñe, pahia pāhtoa, marine judio masare buheyequina gāhā usuari tiquiro mehna. Sa ye macanagā Jesure “Davi panami iji turiagʉ, masare yāhdooacjʉ, tutuagʉ ijire māhā”, tiquina ni ño peogā tāhoeye usuari pari turi tiquina. ¹⁶ Sa usuaye ohō saha nidi Jesure:

—¿Tiquina sa nigā tāhoerajari māhā? Sa niedacāhdo, ni tuhtiri tiquina Jesure.

—Tiquina sa nigā tāhoaja. ¿Cohācjū ojoari pūpʉ ahrire ne buherari masa?

Macanagāre Cohācjāre quehnoano ño peogā yeri māhā, nine Cohācjū yere tiquina ojoari pūpʉ, nidi Jesu.

¹⁷ Sa ni tuhasa tiquinare cohā cā, Betania wame tiri macapʉ esa, ti ñamine topʉ ijiri.

*Jesu higuerag^ure yaria dutiahye
(Mr 11.12-14, 20-26)*

¹⁸ Ape deco bohrearop^u Jerusalēp^u tojoaro, ujua ahbari Jesu. ¹⁹ Sa ujua ahbaro, maha dāht^u cahap^u ijid^u higuerag^u wame tid^ure ihñano, tu ducare macano wahamedi. D^uca mariedari tu pehe. Pūri dihita ijiri. Tu sa ijig^u ihñano Jesu t^ure ohō saha nidi:

—Ahd^u ne pari turi d^uca tisi, nidi tiquiro.

Tiquiro sa nig^uta duita tu pehe ñaia wahari. ²⁰ Tu sa wahag^u ihñana usā tiquiro buhena ihña maria wahau.

—¿Yohou, dāhsero ahd^u duita ñaia wahajari? ni sinituu usā.

²¹ Jesu y^uhtiri:

—Ahrire wacūña m^usa. Cohācj^ure quehnoano wacū tutuaya. “Potota sa yerota tiquiro”, nina, ahd^ure y^uh^u yeriro sahata ye masinata m^usa g^uh^u. Sa yena ahd^ure y^uh^u yaria dutiriro y^uhd^uoro ye masinata m^usa. Ahd^u c^unare “Duha ne, pajiri map^u cohād^u ijiahro”, m^usa nig^u duha cohād^u ijirota. ²² Cohācj^ure m^usa wacū tutuag^u, “Y^uh^u sinidiro sahata waharota”, m^usa ni wacūg^u m^usa sinidiro sahata waharota, nidi Jesu usāre.

*Jesure dutiriquirore sinituahye apequina
(Mr 11.27-33; Lc 20.1-8)*

²³ Sa ye Cohācj^u w^uh^up^u tojoa sa, buheri tiquiro. Tiquiro sa buheg^u pahia p^uhtoa, mari judio masa b^uc^una mehna tiquiro cahap^u wihi, sinituri:

—¿D^uhseg^u can^u ñamicahare sa yeari muh^u? ¿Noa muh^ure tire sa ye dutiari? ni sinituri tiquina.

²⁴ Tiquina sa nig^u Jesu y^uhtiri:

—Musa pehere sinitu mahtagutja. Quehnoano yahare musa queoro yahigū māsare yahutja yahā gāhā. ²⁵ ¿Nu masare tiquiro wame yegū noa boro pehe tiquirore wame ye dutiyari, musa tāhotugū? ¿O Cohācjū dutierayari? ¿O masa pehe dutiyari, musa tāhotugū? ni sinituri Jesu tiquinare.

Tiquiro sa nigū tiquina pehe tiquina basi ohō saha nidi:

—¿Dāhse ni yahintatari mari? “Cohācjū Nu dutie tiahye”, mari nigū, “¿Dāhsena Nu tiquiro dutiepegāta tāho duerari musa?” niboaga Jesu marine. Sa yena “Cohācjū Nu dutie tiahye”, ni yahti masiedaja mari. ²⁶ Ahriquina masa pehe “Potota Nu Cohācjū yere yahu māhtariquiro ijiri”, ni tāhoturi tiquina. Sa ni tāhotuye “Nu tiquiro wame yegū Cohācjū pehe tiquirore dutierahye”, mari nigū tāhoye masa usueta mari mehna. Sa yena ti gāhāre yahu masiedaja mari, nidi tiquina basi.

²⁷ Tiquina sa nidi bato Jesure yahitiri tiquina.

—Nu wame ye dutiriquirore usā masiedaga, nidi tiquina.

Tiquina sa nigū tāhoro ohō saha nidi Jesu:

—Ti pje pūrita yahā gāhā musa sinitu māhtarire yahueraja māsare. Yahā yerire dutiriquirore yahueraja māsare, nidi tiquiro tiquinare.

Puaro pacuro queoyere yahuahye Jesu

²⁸ Tiquiro sa nidi bato Jesu queoye mehna buhe nemori tiquinare:

—¿Ne, dāhse tāhotuajari musa ahri queoyere? Puaro pacuro ijiahye. Wahmino pehere ohō saha niahye tiquiro pacuro: “Macā, wesepā

dahragu wahaya”, niahye. ²⁹ “Wahaeraja”, ni yuhtimahye tiquiro macuno coã warore. Sa nieperota camepure wesepu waha duaro ijiahye tiquirore. Sa yero wahahye tiquiro. ³⁰ Sa yero tiquina pacuro tiquiro macuno duhsariquiro cahapu esa, tiquiro wahminore tiquiro dutiriro sahata wesepu waha dutimahye. “Au”, nimahye duhsariquiro. Sa nieperota wahaerahye tiquiro. ³¹ ¿Diquiro pehe tiquiro pacuro dutiriro sahata yeari? ni sinituri Jesu.

—Tiquiro wahmino pehe yeahye, ni yuhtiri tiquina.

Tiquina sa nigu Jesu yahuri:

—Musare niita niaja. Wapa ne cohteyequina, umua mehna ñano yeducuye numia tiquina buipu waro musa pehe ña yuhduana ijire. Sa ye Cohâcju puhtoro ijiropure musa esaborirore tiquina pehe musare esa muhtaboaga. ³² Ñu wame yeriquiro buhero musare “Quehnoano yeya”, ni yahumedi. Sa tiquiro yahugu duhsariquiro pacurore tiquiro yuhtierariro sahata tiquirore tuhoerari musa. Sa yena tiquirore yuhtierari. Wapa ne cohteyequina pehe, umua mehna ñano yeducuye numia guhu tiquirore tuhorri. Tiquina sa tuhogu ihñari musa. Musa sa ihñiaepenata tiquirore ne tuho duerari. Sa yena tuhoerari musa, nidi Jesu pahia puhtoare, mari judio masa bucuna guhure.

*Ñañequina dahra cohteyequina queoyere
yahuahye Jesu*

(*Mr 12.1-12; Lc 20.9-19*)

³³ Sa ye Jesu pari turi queoye mehna ohõ saha ni tiquinare buhe nemori:

—Apeye queoyere təhoya məsa. Dihta cəoriquiro ijiahye. Tiquiro ya dihtapə uhse darire oteahye. Ote tuhasa, sahr̄inore ye tuhasa, uhserē tiquina cəhta mətoati copere sehe, uhmuari wəhəgā yeahye.

'Sa yero ti wesere apequinare ihcā pehe pahrē pahma cūahye. Sa yero ti wesere tiquinare ihñā ihbo duti, ape yehpapə wahaa wahahye tiquiro. ³⁴ Sa ye uhse ñidi pje ijigā wese upəro tiquiro cahacjēnare wesere ihñā ihboyequina ca-hapə ohoahye. Wese cjē tiquiro oteri dəcare tiquiro ya pahrē cjē dəcare ne dutiro ohomahye. ³⁵ Sa ye wesere ihñā ihboyequina pehe tiquiro cahacjēnare ñano yeahye. Ihcāquirore tutuaro quē, apequirore wejē, apequirore utā mehna do-queahye. ³⁶ Came wese upəro pari turi tiquiro cahacjēnare tiquiro oho məhtariquina yəhdəo cjūno ijiri curuare ohomahye tja. Sa ye wesere ihñā ihboyequina tiquina gūhəre mananota yeahye tja.

³⁷ 'Sa yero tiquiro oho bato tiriquiro tiquiro macəno ijiahye. "Yəhə macə pehere ño peoeta", nino tiquirore ohomahye. ³⁸ Tiquiro sa ni təhotuepegāta wesere ihñā ihboyequina tiquiro macəno ahtagā ihñāñe, ohō saha niahye: "Wese upəro macəno ijire ahriquiro. Tiquirore wejēihna mari. Sa yero ahri wese mari ya wese tojoarota", nimahye tiquina basi. ³⁹ Sa niñeta tiquirore ñehe, wese dəhtə cahapə ne cā, wejēahye tiquina tiquirore.

⁴⁰ 'Ne, wese upəro ahtaro dəhse yerotari tiquiro wesere ihñā ihboyequinare? ni sinituri Jesu pahia pəhtoare, bəcəna gūhəre.

⁴¹ Tiquiro sa nigā tiquina yəhtiri:

—Tiquiro apequinare wesere ihña ihboatiquinare camesarota iji m̄htañequinare ña yuhduayequinare wejēno taro. Tiquirore queoro ducare tu watiquina pehere ihña ihbo dutirota, ni yah̄tiri tiquina.

42 Tiquina sa niḡta Jesu yahu nemori tiquinare:

—¿Cohācjū yere tiquina ojoari pūpū ahrire yuh̄re tiquiro ni ojoarire ne buherari m̄sa?

Ahriquo Cristo utā yero saha ijire. Utāre wuhu dahreyequina tiquina cohāno saha masa tiquirore cohāeta. Tiquina sa yepeḡta yojop̄re wuhu dahreyequina wuh̄re yeye tiquina cū m̄htaria utāre tiquina cūno saha Cohācjū tiquirore pahtoro sōri. Cohācjū pehe ahrire yeri. Tiquiro sa yegū ihñana, “Quehnoa yuhduare”, ni, tuhotuaja mari, ni ojoahye panopu.

’¿Tire ne buherari m̄sa? **43** M̄sare niita niaja yuhu. Cohācjū tiquiro pahtoro ijiro m̄sa ijato ijiboaga. Tiquiro pahtoro ijiore apequina pehere m̄sa ijiborirore ohorota Cohācjū. Apequina masa pehe tiquiro dutiro sahata yeeta. [**44** Ijipihiyequina tia utā bui doque queheyequinare m̄ta sitea wahaeta. Sa yero tia utā pehe masano bui bora pjero m̄taa wahagū yerota tiquirore. Tiquiro pagu mananore daye manarigā wahagū yerota. (Sata yuh̄re ño peo dueyequina yuhu buhiri dahreatiquina ñano yuhdueta,)] nidi Jesu pahia pahtoare, mari acaye judio masa bucuna gūh̄re.

45 Ti queoyere tiquiro nigū tahoje, “Sohō tiquiro yahu m̄htari queoye, wesere ihña ihboyequina queoye mehna marine nino niaga tiquiro”, ni

tãhoturi tiquina. ⁴⁶ Sa ni tãhotuye, tiquirore ñehe duamedi. Masa pehe Jesure ño peo, “Cohãcjã yere yahu mahtariquiro ijire tiquiro”, niñequina ijie tiri tiquina. Tire masiñe, pahia pãhtoa, bãcuna mehna masare cueye, Jesure ñehedari.

22

*Pajiri bose deco cjẽ queoyere yahuahye Jesu
(Lc 14.15-24)*

¹ Sa ye pari turi queoye mehna tiquinare buhe dãcari Jesu.

² —Uhmãse cjãno pãhtoro ijiro ahri queoye yero saha ijire. Ihcã yehpa cjena pãhtoro iji-ahye. Sa yero tiquiro macãno ya deco bose deco yeahye. Tiquiro omoca dãhteri bose deco iji-ahye. ³ Sa yero pãhtoro tiquiro cahacjẽnare bose decore ihñañe ahtatiquinare piji dutiro ohomahye. Tiquina pehe ahta duerahye. ⁴ Sa yero apequinare piji dutiro ohomahye tja tiquiro cahacjẽnare. “Yuhã pijoriquinare ohõ saha ni yahuya. ‘Mari ihyatire dahre tuhasari. Wecãare, wecãagã dihi tiyequinagã gãhãre wejẽ tuhasari. Sa yero ijipihtiro bose deco cjẽ ijiatire quehno tuhasari. Sa yena bose deco cjene ihyana ahtaya’, ni yahuya tiquinare”, ni ohomahye pãhtoro tiquiro cahacjẽnare. ⁵ Tiquina sa yahuri bato tiquiro pijionohriquina sa tãhotu cãhye. Bose decore ihñañe wahaerahye. Ihcãquiro tiquiro ya wesepã wahaa wahahye. Apequiro tiquiro dahrayera ihñano wahahye. ⁶ Apequina pehe tiquiro cahacjẽnare ñehe, tiquinare ñano ye, wejẽ cãhye. ⁷ Tiquina sa yegã tãhorø, pãhtoro pehe

usuahye. Usua, tiquina sa wejēdi buhiri buhiri dahre dutiro tiquiro surarare ohoahye. Sa ye surara tiquinare wejē peho, tiquina ya macare ⁸ *ujāa cāhye.* Tiquina sa yeri bato, puhtoro tiquiro cahacjēnare ohō saha niahye: “Bose deco cjē ijiatire quehno tuhasamedi. Sa ijiepegūta yuhu pijio muhtariquina yuhu bose decore ihñaboriquina ijierare. Ñañequina ijiri tiquina. ⁹ Sa yena macare ijiye maharipu duhse ijiyequina musa boca sayequinare bose decore ihñatiquinare pijiya”, niahye tiquiro cahacjēnare. ¹⁰ Tiquiro sa nigu tiquiro cahacjēna maharipu waha, ijipihiyequinare tiquina boca sayequinare, ñañequina, quehnoañequina guhure yahuahye. Tiquina sa pijiri bato esahye tiquina pari. Quehnoano ti bose deco tiquina yeri tucure masa wahpa yuhdua wahahye.

¹¹ ’Topu tiquina dujigu puhtoro pehe ihcāquirore omoca duhteri deco cjā suhtirore sañeniquirore ihñahye. ¹² “¿Ne yuhu acayu, duhse yegu omoca duhteri deco cjā suhtirore sañedapegūta sajā tari muhu? ” ni sinituahye puhtoro.

’Tiquiro sa sinitugu masuño pehe yuhtierahye. ¹³ Tiquiro sa yuhtieragu ihñano tiquiro cahacjēnare ohō saha niahye: “Ahriquirore omocarine duhteya. Tiquiro dahpocāri guhure duhteya. Duhte tuhasa ne wijia, sopecahapu cohāña tiquirore nahitianopu. Topu tiquiro tutuaro uti, bujua witiro mehna bahque dihorota”, niahye puhtoro, ni yahuri Jesu.

¹⁴ Tiquiro sa nidi bato ohō saha ni bato tiri tiquiro:

—Ahri queoye ijiro saha Cohācjā peyequina masa tiquiro pijoriquina ijiepeta meheñequinagā tiquiro mehna tojoaeta, ni yahu bato tiri Jesu.

*Puhtoa ye wapare apequina sinituahye Jesure
(Mr 12.13-17; Lc 20.20-26)*

¹⁵ Tiquiro sa nidi bato fariseo masa waha, tiquirore tiquina yahusātire tiquina basi yahuducuahye. Tiquiro ñano yūhtigū tūho duaye nimahye tiquirore yahusāñe tehe. ¹⁶ Sa yahuducuye tiquina mehna cjēnare, Herode ya curua cjēna gūhāre Jesure sinitu dutiye ohoahye. Tiquina pehe Jesu cahapū wihi, tiquirore meje cū sinitumedi:

—Buhegū, poto yahuducugū ni mehoñe mariegū mahū ijigū masiaja usā. Cohācjā yere queoro mahū yahugū gūhāre usā masiaja. Sa yegū ihcāquiro pūhtoro waro ijiepegūta tiquiro gūhāre dōyaro marieno potota yahure mahū. ¹⁷ Sa yegū usāre yahuya. ¿Roma cjāno ijipihiyequina pūhtoro yere marine wapa yero cahmeajari, mahū tūhotugū? ¿Mari dutiye wapa ye dutiajari, mahū tūhotugū? ni sinitumedi tiquina Jesure.

¹⁸ Tiquina sa nigū tūhoro tiquirore tiquina ñano ye duayere masino ohō saha nidi:

—Masa ihñono dihita quehnoano iji mehona ijire māsa. ¿Duhseña yāhū ñano yahuducugū tūho duajari māsa? ¹⁹ Yojopūre niñeru cjoere pūhtoare wapa yeati cjoere ne cāhtaya. Ti cjoere ihñauhna, nidi tiquiro.

Tiquiro sa nigū tūhoye niñeru cjoere ne cāhtari tiquina.

²⁰ Sa yero tiquiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

21 —César, masa ijipihtiyequina pah̄toro queoye, tiquiro wame gūh̄a wahñare, ni yah̄tiri tiquina.

Tiquina sa niḡa tāhoro Jesu yahuri:

—Ti pje pūrita masa ijipihtiyequina pah̄toro yere tiquiro pehere ohoya. Cohācj̄a yere Cohācj̄a pehere ohoya, nidi Jesu.

22 Tiquiro sa niḡa tāhoye, tāho maria waha, wahaa wahari.

Saduceo masa Cohācj̄a tiquiro masoñene sinitu-ahye Jesure

(*Mr 12.18-27; Lc 20.27-40*)

23 Sa ye ti decota ihquēquina saduceo masa Jesu cahap̄a wihiri. Saduceo masa pehe “Cohācj̄a yari-ariquinare masosi”, ni tāhotuyequina ijiri. Sa ye ohō saha nidi tiquina tiquirore:

24 —Buheḡa, ohō saha ni buheahye Moise: “Ihcāquiro wahmino namo tiri quiro pohna mariedaperota yariaḡa ihñano tiquiro bah̄rōre tiquiro wahmino namono ijiricorore n̄uoano cahmene. Sa yero wahmino m̄anano tiquiro pohna tiboriro saha pohna tiro cahmene tiquiro bah̄rōre. Sa ye tiquiro pohne tiquiro wahmino m̄anano pohne yero saha ijieto”, ni ojoahye Moise, nidi tiquina saduceo masa.

25 Tire sa ni yahu tuhasa ahri queoyere yahu nemori tiquina Jesure:

—Ihcāquiro mas̄ano ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiro tiquiro bah̄ro gāh̄a tiquiro wahmino namono

ijiricore n_hoahye. ²⁶ Sa n_hoari bato tiquiro wahmino yero sahata pohna mariedaperota yariaa wahahye tja. Sa yero ahriquiro bah_hro tiquiro wahmino m_nanano yero sahata pohna mariedaperota yariaa wahahye. Sa dihita wahahye ihcāquiro pohna waro. Ne pohna mariedapeta yaria pihtia wahahye tiquina. ²⁷ Tiquina namono ijiricoro gāh_h tiquina bato yariaa wahahye. ²⁸ ¿Cohācjū ijipihtiyequinare yariariquina m_nare tiquiro masogā diquiro boro namono pehe ijiboagari ticoro? Tiquina ijipihtiyequina ticore namo tiriquina m_na ijiahye. ¿Sa yero diquiro namono pehe ijiboagari ticoro pototi? ni sinituri tiquina.

²⁹ Jesu y_hhtiri tiquinare:

—Cohācjū yere tiquina ojoari pūre, tiquiro masiñe gāh_hre ne masiedare m_hsa. Sa ye m_hsa t_hhotuye pehe ne poto ijierare. ³⁰ Yariariquina m_na tiquina masa m_hjari bato tiquina angele yero saha ijire. Namo marieñequina, man_h marieñe numia ijire top_hre. ³¹ Yariariquina m_na tiquina masa wijiato pehere m_hsare yahutja. ¿Cohācjū m_hsare tiquiro nidire ne buherari m_hsa? Ohō saha niahye tiquiro. ³² “Y_hh_h Abrahā, Isaac, Jacob tiquina p_hhto ijiaja’, nine Cohācjū”, ni ojoahye panop_hre. Tiquina yariari bato “Tiquina p_hhto ijiaja”, ni yahuahye Cohācjū. Sa nieperota yariariquina m_na p_htoro ijierare Cohācjū. “Tiquina p_hhto ijiaja”, tiquiro niñe mehna catiyequina tiquina ijigā masiaja mari. Tiquiro catiyequina p_htoro ijire, ni yahuri Jesu tiquinare.

33 Tiquiro sa ni buhegã tãhoye peyequina masa tãho maria wahari.

*Quehnoa yãhdãari dutirore yahuahye Jesu
(Mr 12.28-34)*

34 Sa ye saduceo masa Jesure tiquina yãhti masiedagã tãhoye, fariseo masa pehe tiquiro cahapã cahmecoari. **35** Sa yero tiquina mehna cjëno marine judio masare buheriquiro pehe Jesu tiquiro ñano nigã tãho duaro meje cã sinitumedi tiquirore.

36 —¿Buhegã, Cohãcjã ye dutiro quehnoa yãhdãari dutiro noho pehe ijajari, mãhã tãhotugã? ni sinituri tiquiro.

37 Jesu tiquirore yãhtiri:

—“Tutuaro musa jeripohna mehna, musa tutuaye mehna, quehnoano musa wacũñe mehna Cohãcjãre cahñña”, nine Cohãcjã. **38** Ahri dutirota ijire quehnoa yãhdãari dutiro apeye dutiye yãhdãoro. **39** Ahri dutiro bato apero dutiro quehnoa yãhdãare: “Mãhã basi mãhã cahñño saha mãhã cahapã ijiyequina gãhãre cahñña”, nine Cohãcjã. **40** Ahri pãa dutirota apeye dutiye gãhãre masi pehogã yere. Ahri pãa dutirore yena, ijipihiye apeye dutiyere ye pêhona niaja mari. Cohãcjã yere yahu mãhtariquina panopã tiquina ojoari gãhãre yena niaja mari, ni yahuri Jesu.

*Cristo Davi mãnanõ pãhtoro ijire
(Mr 12.35-37; Lc 20.41-44)*

41 Sa ye fariseo masa topã cahmecoañequina tiquina ijigã Jesu tquinare sinituri:

42 —“Cristo Cohãcjã tiquiro ohoatiquiro ijire”, nine musa. ¿Nоa boro ijajari tiquiro ñecño

m̄nano panop̄a cj̄no, m̄sa t̄hotuḡ? nidi tiquiro.

—Cristo Davi m̄nano panamino iji turiariquiro ijirota, ni ȳhtiri tiquina.

Jesu yahuri:

⁴³ —¿Cristo Davi m̄nano panamino iji turiariquiro tiquiro ijiḡ d̄ahse yero Davi pehe p̄ahtoro tiyari Cristore? ¿D̄ahse yero sa p̄ahtoro ti dutiyari Espíritu Santo tiquirore? Ohō saha niahye Davi:

⁴⁴ Cohācj̄ ȳhu p̄ahtorore ohō saha nidi:
“Ohōpu ȳhu poto pehepu dujiya. Sa yeḡ m̄hure ihña tuhtiyequinare m̄hure ȳhdud̄ca basaetja ȳhu”, nidi Cohācj̄ ȳhu p̄ahtorore, ni ojoahye Davi.

⁴⁵ Sa ni ojoarota Davi p̄ahtoro tiahye Cristore. ¿Davi Cristo ñec̄no iji turiariquiro ijiro d̄ahse yero tiquiro p̄ahtoro tiyari Cristore? Cristo Davi p̄ahtoro ijire, ni yahuri Jesu.

⁴⁶ Tiquiro sa ni yahuḡ tiquina tiquirore ne ȳhti masiedari. Sa ye to punota sinitu duhu cāri tiquina tiquirore. Sa ye cueye, pari turi sinituerari tiquirore.

23

Judio masare buheyequina, fariseo masa ḡh̄u tiquina ñano yeyere yahuahye Jesu

(Mr 12.38-40; Lc 11.37-54; 20.45-47)

¹ Sa ye peyequina masare, usā ḡh̄ure Jesu yahuri tja.

² —Marine judio masare buheyequina fariseo masa ḡh̄u Cohācj̄ dutiye Moisere tiquiro cūrire

yahuyequina ijire tiquina. ³ Tiquina sa yahuyequina ijigū m̄asare tiquina yahuriro sahata tire ye pehoya m̄asa. Sa yepenata tiquinare ihñā cüedacāhñā m̄asa. Tiquina buheriro sahata yerare tiquina. ⁴ Masare peye dutire tiquina. Sa dutiepetá tiquina dutiro saha masa yeragū ihñāñe tiquinare yedohoerare. ⁵ Masa tiquina ihñono dihita quehnoano ye ihñomene tiquina. Cohācjū yere tiquina ojoari pūre tiquina duhu sāñe acarigāre, bujū cjūñe acarigāre tiquina wāhdoa bui dāhte yori, masare ihñā dutiye. Tiquina omocari gāhāre dāhte yori. Sa ye tiquina suhti tu pjeri da bui tiquina ohōri da ehsa yāhdāari da ijire. Cohācjūre tiquina ño peorire masa pehere ye ihñōñe nimene tiquina. Ti queoro ijierare tiquina sa ye ihñōñe. ⁶ Sa ye bose decori ijigū pāhtoa tiquina dujiyepū duji duare. Sa ye judio masa mari buh-eye wāhāsepū gāhāre quehnoañe dujiye pahtari dihitare cahmene tiquina. ⁷ Sa ye doeri cjē duaropū apequina pāhtoare quehnoano ño peo tiquina sinino saha tiquina piti cagū cahmene tiquina. Tiquinare “Buhegū”, masa tiquina ni pisugū cahmene.

⁸ 'Apequina m̄asare pisuye “Buhegū”, niedacāhdo. M̄asa ijipihtina ihcāno saha ijina nine. Sa yegū m̄asare buhegū ihcāta ijiaja. ⁹ Sa yena ahri yehpa cjēnare “Mari pacū”, nina tiquinare ño peona niaga. Ne sa niedacāhñā. Uhmāse cjāno dihita mari Pacū ijire. Tiquiro dihitare ño peoro cahmene marine. ¹⁰ Sa yena masunore “Pāhto”, niedacāhñā. M̄asa pāhto yāhā Cristo pehe ihcāta ijiaja. ¹¹ Cahacjāno yero saha m̄asare yedohoriquiro tiquiro ijire m̄asa pāhtoro

ijiatiquoiro. ¹² Ihcāquiro pāhtoro iji duaro tiquirore ihyo ijiriquiro yero saha ijiro cahmene. Sa yero “Ihyo ijigü ijjiaja yahua”, ni tāhoturiquiro pehe pāhtoro ijirota, ni yahuri Jesu.

Judio masare buheyequina, fariseo masa mehna tiquina ni mehoñene yahuahye Jesu

¹³ Tiquiro sa nidi bato tiquinare yahu nemori:

—Musa judio masare buhena, fariseo masa gāhü ñano yahdunata. Masa ihñono dihita quehnoano iji mehona ijire musa. Sijoro saha musa buhegü tāhoye masa pehe Cohācjü pāhtoro ijropare wahasi. Musa gāhü topare wahasi. Sa yena topare waha duayequinare cahmotare musa.

[¹⁴ 'Musa judio masare buhena, fariseo masa gāhü ñano yahdunata. Masa ihñono dihita quehnoano iji mehona ijire musa. Wape wiha numia ye wahusere tiquina cāoye gāhure ehmare musa tiquina numiare. Sa yena yoari pje masa ihñonopü Cohācjüre sini ihñomene musa masare. Musa sa yeri buhiri peyequina yahdúoro Cohācjü buhiri dahrerota musare.]

¹⁵ 'Musa judio masare buhena, fariseo masa gāhü ñano yahdunata. Masa ihñono dihita quehnoano iji mehona ijire musa. Pajiri mapü pehā, yoaro cjē yehparipü wahare musa, musa dutiyere yeatiquirore macana tana. Musa dutiyere yeatiquirore boca, tiquirore buhere. Musa sa yegü tiquiro pehe musa yahdúoro pecapü wahatiquiro ijirota.

¹⁶ 'Musa ñano yahdunata. Caperi bajueyequina tiquina ihña masieno saha masiena ijire musa. Sa ijiepenata apequinare buhemene musa. Ohō

saha ni buhemene m̄asa: “ ‘Cohācjū w̄uhū mehna ȳuhū nino sahata yeitja’, nidiapiro, tiquiro nidiro sahata yerapegūta quehnoanota”, ni buhemene m̄asa. “‘Cohācjū ya w̄uhū cjē uru mehna ȳuhū nino sahata yeitja’, nidiapiro tiquiro pehere tiquiro nidiro sahata ye sohtori tiro cahmene”, ni ti ḡahare buhemene m̄asa. ¹⁷ Caperi bajueyequina tiquina ihñā masieno saha masieno ijire m̄asa. T̄ho masieno ijire. ¿Dise boro pehere ño peoro cahmeajari? Urure ño peoeraro cahmene. Cohācjū pehe ti uru ti w̄uhupū ijigū quehnoañe ijigū yere tire. Sa yena ti w̄uhū pehere ño peoro cahmene m̄asare. Sa ye m̄asa buheye pehe queoro ijierare. ¹⁸ Ahri ḡahare buhemene m̄asa: “‘Cohācjū w̄uhū cjā altar mehna ȳuhū nino sahata yeitja’, nidiapiro tiquiro nidiro sahata yeragū quehnoanota”, ni buhemene m̄asa. “‘Ti altar bui ijiye mehna Cohācjūre tiquina ohori mehna ȳuhū nino sahata yeitja’, nidiapiro tiquiro pehere tiquiro nidiro sahata ye sohtori tiro cahmene”, ni buhemene m̄asa. ¹⁹ Caperi bajueyequina tiquina ihñā masieno saha masieno ijire m̄asa. ¿Dise boro pehe ti waro ijiajari, m̄asa t̄hotugū? Cohācjūre masano tiquiro ohori ti waro ijiera cjüre. Ti altar bui Cohācjūre tiquiro ohogū, quehnoañe wahare ti altar bui ijiye. Sa yero ti altar pehe ihyo ijiri altar ijierare. Cohācjūre tiquina ohori bui cjūnogā quehnoari altar ijire. ²⁰ Sa yero “‘Cohācjū w̄uhū cjā altar mehna ȳuhū nino sahata yeitja’, ihcāapiro nino, ti altar bui cjē tiquiro ohori mehna sa nino niaga. Sa ye m̄asa buheye pehe queoro ijierare. ²¹ Sa yero “‘Cohācjū w̄uhū mehna ȳuhū nino sahata yeitja’, ihcāapiro nino, potota Cohācjū mehnata sa ninota niaga.

Cohācjā ti wāħħa cjāno ijire. ²² Sa yero “Uhmuse mehna yāħħa nino sahata yeitja”, ihcāquiro nino, Cohācjā ijiropħ mehnata sa nino niaga. Sa yero Cohācjā mehnata sa nino niaga. Tiquiro pehe to cjāno ijire. Sa ye mħsa buheyre pehe queoro ijierare.

²³ 'Mħsa judio masare buhena, fariseo masa għāħha ħnan yāħdunata. Masa ihñono dihita quehnoano iji mehona ijire mħsa. Moa yero saha ijiyere ihyayere ocagħi yeyere cħona mehenogħa ohomene mħsa. Cohācjūre ño peona tana pahiare ohomene mħsa. Mehenogħa ohomene mħsa. Menta, anis, comino wame tiye ocagħi yeyere ohomene mħsa. Sa oħoopenata quehnoañene yerare mħsa. Sa yena masare paja ihnedare mħsa. Sa yena Cohācjūre wacu tutuerare mħsa. Oteye ducare mħsa nedire mehenogħa pahiare mħsa ohogħi quehnoare. Sa ohona ohō saha ye nemoña: Quehnoañene yeya. Sa yena paja ihħna masare. Sa yena Cohācjūre wacu tutuaya. ²⁴ Caperi bajueyequina tiquina ihħna masieno saha masiena ijire mħsa. Ohō saha yere mħsa: Mħsa ye dutiyere ye dutina, ihyo ijiyegħi warore dutiyere yere mħsa. Sa yepenata Cohācjā potot tiquiro dutiye warore yerare mħsa.

²⁵ 'Mħsa judio masare buhena, fariseo masa għāħha ħnan yāħdunata mħsa. Masa ihñono dihita quehnoano iji mehona ijire mħsa. Mħsa waparire, mħsa siħniñe wajarire bui mħsa cosero saha quehnoañene ye ihnore mħsa buigħi warona. Sa yepenata Cohācjā yere queoro yerare mħsa. Apequina yere ehmana, mħsa basi dihita bixxayere ne duana ijire mħsa. Sa dihita tħhoture mħsa.

26 Caperi bajueyequina tiquina ihña masieno saha masieno ijire m̄sa fariseo masa. M̄sa jeripohnarine camesaya m̄sa. Quehnoañe perhere yeya. M̄sa sa yena masa tiquina ihñonop̄ quehnoana ijinata m̄sa.

27 'M̄sa judio masare buhena, fariseo masa ḡh̄u ñano yahdunata. Masa ihñono dihita quehnoano iji mehona ijire m̄sa. Masa cope, yehseye mehna tiquina wisōri cope yero saha ijire m̄sa. Masa ti copere tiquina ihñaḡ quehnoari cope bajure. Sa bajuepegūta, puhiap̄ ahbariquirore, tiquiro cohārine, ñañene ihñedare tiquina. **28** Sata m̄sa ḡh̄u masa ihñonop̄ quehnoañequina yero saha bajumene m̄sa. Sa quehnoañequina yero saha bajuna m̄sa ijiepegūta m̄sa tuhotuyep̄ ñañe, ni mehoñe iji yahdare ahbaye yero saha, ni yahuri Jesu.

*Judio masare buheyequina, fariseo masa ḡh̄ure
tiquiro buhiri dahreatire yahuahye Jesu*

29 Sa ni tuhasa ohō saha ni yahu nemori tiquinare:

—M̄sa judio masare buhena, fariseo masa ḡh̄u ñano yahdunata. Masa ihñono dihita quehnoano iji mehona ijire m̄sa. Cohācj̄a yere yahu mahtañequina panop̄ cjēna tiquina masa coperire quehnoano quehnomena m̄sa, tiquinare ño peoro saha yena. Sa yena quehnoano yeeyequina m̄na tiquina queoyere m̄sa yeri queoyere quehnoano quehnomena m̄sa. **30** Sa yena ohō saha niducumene m̄sa: “Panop̄a usā ñecusum̄a iji turiayequina m̄na tiquina yeriro saha usā pehe yeraboaga. Ti pjep̄

ijiyequinare Cohācjū yere yahu māhtariquinare usā wejēdaboaga”, niducumene māsa. ³¹ Sa nina māsa ñecusumāa iji turiayequina Cohācjū yere yahu māhtariquinare wejēdiquina māna tiquina yerire ihñona nine. Tiquinare wejēdiquina māna tiquina panamena iji turiana māsa ijiye gāhāre ihñona nine māsa. ³² Māsa ñecusumāa iji turiayequina māna tiquina yeriro sahata ye sohtori ticūnahñā.

³³’Añaa pero saha ña yāhdhāna ijire māsa. Māsa ñañe yerire bājhā witi duerana Cohācjū māsa ñañe buhirire pecapū māsare tiquiro cohāto pano duhti masiedare māsa. ³⁴ Sa yegū māsare nīita nīaja. Cohācjū yere yahu māhtariquinare, apequina quehnoano masiñequinare, apequina māsare buheatiquinare māsa cahapū ohoutja. Yuhū sa ohogū māsa pehe ihquēquina tiquinare wejēnata. Apequinare curusapū quē bihanata. Apequinare māsa buheye wāhhāsepū tananata. Sa yena macaripepū tiquinare ñano yena, oma nānū tānata māsa. ³⁵ Māsa sa yena ijipihiyequina ñañe marieñequinare māsa wejēdi buhiri buhiri tinata. Abe mānanore Caī wejēdi buhiri ijipihtina māsa gāhā buhiri tinata. Ijipihiyequina tiquiro bato ijiyequinare quehnoañequinare tiquina wejēdi buhiri gāhāre buhiri buhiri tinata māsa gāhā. Sa yena Cohācjū wāhhā cahapū wahiquinare māsa ohori altar cahapū Zacariare wejēahye māsa. Tiquiro pehe Berequia macāno ijiahye. Sa yena tiquiro gāhāre māsa wejēdi buhiri buhiri buhiri tinata māsa. ³⁶ Ijirota māsare yahugāta nīaja. Tiquina ijipihiyequinare tiquina wejēdi buhiri yojopū cjēna gāhā buhiri tieta, ni yahuri Jesu.

*Jerusalē cjēnare tutuaro cahīahye Jesu
(Lc 13.34-35)*

³⁷ Sa ni tuhasa ohō saha ni nemori:

—Ahyou, Jerusalē cjāna, Cohācjū yere yahu mahtariquinare wejēdina ijire m̄sa. M̄sa acaye panopu cjēna gāhu sata yeyequina m̄na ijiahye. Sa yena m̄sa cahapu tiquiro ohoriquinare utā paca mehna doque wejēdina ijire m̄sa. Canaca ticoro pohnene ticoro wāye dāp̄ri mehna ticoro moha cuñano saha peye tahari cahīducumi m̄sare. M̄sare cahmemi. M̄sa pehe yāhure ne cahmedari. ³⁸ Yojopu m̄sa ya maca cohōri maca ijirota. ³⁹ Ijirota m̄sare niita niaja. Camepu ahtautja yāhu. Sa yāhu ahtagū ihñana m̄sa yāhure “Cohācjū tutuaye mehna ahtariquiro quehnoahdo”, ninata. Yāhure m̄sa tire niato pano yāhu tojoa tato pano pari turi yāhure ihñasi m̄sa, nidi Jesu tiquinare.

24

*—Cohācjū wāhū cohāri wāhū ijirota, niahye Jesu
(Mr 13.1-2; Lc 21.5-6)*

¹ Sa ye Cohācjū wāhūpū ijiriquiro Jesu tiquiro wijia wihibū usā tiquiro buhena ti wāhure ti wāhū cahapu ijiye wāhuse gāhure ihñana,

—Quehnoa yāhdāye wāhuse ijicjoare. Ihñāña māhū gāhu, nii usā tiquirore.

² Jesu yāhtiri:

—Ahri wāhūsere yojopure ihñamene m̄sa. M̄sare yahuguta niaja. Ahri wāhūsere ijipihtiye m̄sa ihñari, ahri wāhuse cjē utā paca gāhure cohā pehoeta. Ne ihcāria utā tojoasi, nidi tiquiro usāre.

*Pihtiri deco ijiatire yahuahye Jesu
(Mr 13.3-23; Lc 21.7-24; 17.22-24)*

³ Came Olivo wame tida cunapu esa, topu dujiri Jesu. Topu dujigū usā tiquiro buhena usā sehsaro tiquiro cahapu esa.

—Yahuya usāre. ¿Duhse ijigū sa waharotari māhū nidiro saha waharo? ¿Ahri yehpapu māhū tojoa tati deco, pihtiati deco panogā ijigū duhse ti waha ducagū ihñanatari usā? ni sinituu usā.

⁴ Jesu yahitiri:

—Quehnoano yeya māsa. Sa yena māsare apequina tiquina ni mehoñene tahoeracāhñā.

⁵ Peyequina masa “Cristo ijiaja yahū”, ni mehoñequina ahtaeta. Tiquina sa ni mehogū tahoje peyequina masa Cohācū yere duhueta.

⁶ Māsa cahagāpu masa apequina tiquina cahme wejēgū tahoñata māsa. Sa yena yoaropu gāhure tiquina cahme wejēgū tahoñata māsa. Sa tahoopenata ne tire pajiro wacuedacāhñā. Sa waharota. Tiquina sa yegū pihtiati deco dūhsarīnota. ⁷ Ti pjere ihcā yehpa cjēna ape yehpa cjēna mehna cahme wejēeta. Sa ye ihcāquiro pāhtoro yequina apequiro pāhtoro yequina mehna cahme wejēeta. Sa ye peyequina masa yahū mehna yarieta. Sa yero peye yehparipu yehpa ñuhminota. ⁸ Sa wahagū ahri yehpa cjēnare tiquina ñano yahdū nemoato dūhsarota ti pjere. Ñano yahdū nemoeta.

⁹ Ti pjere apequina māsare ñehe, ñano ye dutiye ohoeta māsare apequina pāhtoopare. Tiquina sa ohogū māsare wejēeta. Yequina māsa ijiri buhiri ijipihtiyequina māsare ihñā tuhtiesta. ¹⁰ Ti pjere

peyequina yeequina ijimediquina yahure cohāeta. Sa ye tiquina mehna cjēnare tiquina ihña tuhtita. Sa ye tiquina mehna cjēna tiquina ijilepegūta tiquinare ñano yeatquinare ohoeta tiquina. ¹¹ Ti pjere peyequina “Cohācjū yere yahu mahtana iji-aja”, ni mehoñequina ijietu. Sa ye peyequina masa tiquina ni mehoñene tuhoeta. ¹² Ti pjere ña yuhduaro yeeta masa. Sa ye tiquina mehna cjēnare cahī nemosi. ¹³ Sa yena masa tutuana ijina, ahri yehpapu masa catinino puno ihcāno sahana, yuhdunata masa. ¹⁴ Sa yero ahri quehnoañe buheye ijipitiropu ahri yehpapure tiquina yahuri buheye ijirota. Cohācjū puhtoro ijiyere yahuri buheye tiquina yahu siteri buheye ijirota, ijipitiyequina ti buheyere tiquina masiato saha. Tiquina sa yahuri bato pihtiri deco ducarota.

¹⁵ 'Cohācjū yere yahu mahtariquiro Daniel manano panopu cjēno ña yuhduariquirore Cohācjū yere ñano yeriquirore yahue tiahye panopure. Ti pjere tiquiro ñariquiro pehe Cohācjū ya wuhapu tiquiro ducugu ihñanata masa. Ahri yuhu nidire quehnoano masiña masa. ¹⁶ Topu tiquiro ducugu ihñañe, Judea yehpapu ijiyequina pehe cunu cahapu oma duhtiahro. ¹⁷ Sojaro mehna oma duhtiahro. Ti pjere tiquina wuhu seribui cjē paaripu ijiyequina wuhu puhiapu ijiyere tiquina yere neñe wahaeracāhdo tiquina umuñano waharo. ¹⁸ Sa ye ti pjere apequina weseripu ijiyequina tiquina bui cjē suhti wuhapu ijiye suhtire neñe wahaeracāhdo tiquina umuñano waharo. ¹⁹ Ti pjere niji pacosānumia, tiquina pohnene apūoñe numia gūhu pejecuoro wahaeta.

20 Sa yena Cohācjāre ohō saha ni siniña: “Pohecā ijigā judio masa ʉsā soye decori ijigā gūhāre ʉsā oma duhtiatí deco ijieracāhdo”, ni siniña māsa Cohācjāre. **21** Ti decorire masa ña yʉhdʉaro wahaeta. Ahri yehpare tiquiro bajumehnedi bato masa ñano yʉhdue tiahye. Tiquina sa yʉhduepegāta ijipihtiye ti purīñe yʉhdʉoro pihtiri deco panogā ña yʉhdʉaro yʉhdʉeta masa. Sa ñano tiquina yʉhdʉri bato pari turi sata ñano yʉhdʉsi ahri yehpapu. **22** Cohācjā ti decorire meheñe decorigā ijigā yerota. Tiquiro sa yeraqā ne ihcāquiro masuno yʉhdʉeraboaga. Sa yero tiquiro beseriquina tiquina yʉhdʉatire meheñe decorigā cūnota Cohācjā.

23 Ti pjere apequina māsare “Ihñāña. Ohōpʉ ijire Cristo”, tiquina nigā tiquinare tʉhoeracāhñā. “Topʉ ijire Cristo”, tiquina nigā tiquinare tʉhoeracāhñā. **24** “Cristo ijjiaja”, ni mehoñequina, “Cohācjā yere yahu mahtarina ijjiaja”, ni mehoñequina ijieta ti pjere. Sa ye Cohācjā tiquiro beseriquinare ni mehoñe, tiquina bajumehneñene ye ihñœta. Cohācjā yequinare Cohācjāre tiquina cohāgā ye duare tiquina ni mehoñequina. **25** Ahri ijipihtiyere yahuyuaja māsare ti sa wahato pano. Sa yena tʉhoya māsa. **26** Apequina masa māsare “Ihñāña. Masa marienopʉ ijire Cristo”, tiquina nigā topare ihñana wahaeracāhñā. Sa yena “Ohōpʉ ahri tucūripʉ ijire tiquiro”, tiquina nigā tiquinare tʉhoeracāhñā. **27** Yʉhʉ masʉ Cohācjā ohorigʉ wacūeno mehna tojoa taʉtja. Upo miadoqueoro ʉhmʉsere asʉ māja taropʉ, asʉ sajānopʉ wacūeno mehna ti miadoqueoro saha wacūeno mehna tojoa taʉtja

yah. ²⁸ Masa tiquina ñañe yeducuriop top. Cohācjā tiquina ñañe buhiri buhiri dahrerota tiquinare, ni yahuri Jesu.

Cristo ahri yehpap tiquiro tojoa tatire yahuahye tiquiro

(*Mr 13.24-37; Lc 21.25-33; 17.26-30, 34-36*)

²⁹ Sa ye tiquinare yahu nemori:

—Ti ñano yahdhye decori bato as deco cjño, ñami cjño gūh buhrio duhueta. Tiquina sa wahagū ñahpicoha pacas hmu sepe ijiye pacas bora dijia taeta. Sa ye hmu sepe cjē yehpari, ñahpicoha gūh ti sa wahaducurore camesaeta. Sa ye ñuhmieta.

³⁰ Ti pjeta yah mas Cohācjā ohorigu hmu sepe yah bajumehnenore yah ihñogū ihñaeta masa. Sa ye ijipihiye cururi cjēna utieta. Sa yegu yah tutuaye mehna, yah asy siteye mehna hmuano cjē ehmeo cururi bui ahri yehpapre yah tojoa tagū ihñaeta tiquina. ³¹ Corneta bisirota. Sa yegu yeequina angelere ijipihirop ahri yehpap ohoutja yah. Sa ye ijipihirop yeequina yah beseriquinare tiquina neeta.

³² 'Yojopare higueragare tāhotuya māsa. Tu queoye mehna māsare buheitja. Tu yucug pūri tigū ihñana, cahma mehenogā dāhsagū masine māsa. ³³ Sata ahri ijipihiye yah nidire ti sa wahagū ihñana, yah tojoa tato mehenogā ti dāhsagū masinata māsa. ³⁴ Ijirota niita niaja māsare. Ti pje cjēna tiquina yariato pano ijipihiye yah nidiro sahata sa waharota. Hmu sepe, ahri yehpa gūh pihtia waharota. ³⁵ Yah yahuducuye pehe ne camesasi. Ijipihiye yah nidiro sahata sa waha sohtori tirota.

36 'Ti decore yah tojoa tati decore, ti hora gahre masiedaja yah. Angele gah tire masiedare. Masa gah masiedare. Yah Paca dihita tire masine.

37 'Noé tiquiro ijiri pje cjëna tiquina ijiriro sa-hata ahri yehpapu yuh tojoa tato panogâre sata ijieta masa. **38** Yehpa miniato pano masa ihya, sihni, yeahye. Sa yeYe uma, numia mehna omoca duhborah. Noé gah yuchsapu tiquina sajâto pano sa yee timahye masa. **39** Duita tutuaro acoro ahta, wacûeno mehna yehpa minia wahahye. Masa gah mini pihtia wahahye. Wacûeno mehna tiquina minidiro saha yah masu Cohâcju ohorigu ahri yehpapure wacûeno mehna tojoa tautja. **40** Ti pjere wesepu puaro dahrayequina ijigu ihcâquiro yahre cahmediquiro neitja. Sa yero yahre cahmeediquiro topu tojoarota. **41** Ti pjere puaro numia ihcânopu tiquina trigore ña matonequina numia ijigu ihcâcoro yahre cahmedicorore neitja. Sa yero yahre cahmeedicoro toputa tojoarota.

42 'Quehnoano wacû masi cohteya. Yah masu puhto, yah tojoa tati decore ne masiedare masu. **43** Ahrire wacûña. Yaqueriquiro wahpu tiquiro sajâ yaqueato panore wah upuro masino, ti ñami tiquiro cariedaboaga, yaqueriquirore cohtero. Sa yero yaqueriquirore tiquiro ya wahpu sajâ dutieraboaga. Yaqueriquiro tiquiro wacûeno mehna tiquiro ahtariro saha wacûeno mehna ahtatja yah. **44** Sa yena yeere sa yeducuna yahre cohteya. Yah masu Cohâcju ohorigu ahri yehpapu tojoa tagu wacûeno mehna ahtatja, nidi Jesu.

Apequiro dahra cohteriquiro tiquiro pahtorore

*ñō peo, apequiro ñō peoerare
(Lc 12.41-48)*

⁴⁵ Sa ye Jesu queoye mehna ohō saha ni buhe nemori tja:

—Dahra cohteriquiro tiquiro pāhtorore ñō peoriquiro tāho masiniquiro ijire. Tiquiro sa ijigū ihñano apequina dahra cohteyequina bui cūre tiquirore tiquiro pāhtoro pehe waharo taro. Sa tiquirore cū tuhasa wahaa wahare pāhtoro. Sa yero ihyari pje ijigū dahra cohteriquiro apequinare ihyayere itire. ⁴⁶ Came pāhtoro tiquiro ya wāhāpā tojoa wihire. Tiquiro tojoa wihiqū ihñano dahra cohteriquiro pehe tiquiro pāhtoro dutiriro sahata ye pehoriquiro ijiro, bucueriquiro ijirota. ⁴⁷ Ijirota māsare niita niaja. Tiquiro sa yegū ihñano tiquiro pāhtoro ijipihtiye tiquiro yere ihña ihboriquiro cūnota tiquirore. ⁴⁸ Sa yepegūta ñariquiro dahra cohteriquiro pehe “Yuhā pāhtoro bajuerare”, nino, ⁴⁹ apequina dahra cohteyequinare quēpe, pajiro ihyia, sihni, queheyequina mehna queherota. ⁵⁰ Came tiquiro pāhtoro wacūeno mehna tojoa tarota. Ti deco, ti hora gūhāre ne masiedare dahra cohteriquiro. ⁵¹ Pāhtoro pehe tojoa taro ñariquiro tiquiro ñano yerire tāhoro, tiquirore tutuaro buhiri dahrerota. Sa yero ni mehoñequina tiquina waharopā cohānota tiquirore. Topāre tiquiro tutuaro uti, bujua witiro mehna bahque dihorota, ni yahuri Jesu.

25

*Pāa omope nuhmia queoye mehna buheahye
Jesu*

¹ Sa ye Jesu pari turi queoye mehna ohō saha ni buhe nemori tja:

—Uhmuse cjāno pāhtoro tiquiro ijiye ahri queoye yero saha ijire: Pua omope nuhmia ijiahye. Ihcā ñami tiquina sihōñe pacá mehna omoca dāhteatiquirore piti caye wahahye.

² Tiquina mehna ihcā omope numia tāho masieñequina numia ijiahye. Apequina numia pehe ihcā omope numia tāho masiñequina numia ijiahye. ³ Tāho masieñequina numia pehe tiquina sihōñe pacare, pose tiye pacare nemahye. Apee pacare uhse pose tiye pacare ti pihtigā tiquina pioborire nedahye. ⁴ Tāho masiñequina numia pehe tiquina sihōñe pacá uhse pose tiye pacare neahye. Apee pacá tiquina pioati pacá gāhure neahye. ⁵ Sa ye omoca dāhteatiquiro tiquiro bajueragā tiquina numiare wājua purīgā carīa wahahye. ⁶ Sa yero ñami decopū sañuducugā tāhoahye. “Tāhoya. Omoca dāhteatiquiro ahtaro ca tare. Tiquirore piti cana ahtaya”, ni sañuducugā tāhoahye. ⁷ Tiquiro sa nigā tāhoye numia wahcā, tiquina ye sihōñe pacare quehnoahye. ⁸ Sa ye tāho masieñequina numia pehe apee numia tāho masiñequina numiare ohō saha niahye: “Usā sihōñe pacá yatiro nine. Sa yena mehenogā māsa ye uhsere ohoya usāre”, ni sinimahye tiquina numia. ⁹ Tiquina sa siniepegūta tāho masiñequina numia ohō saha yāhtiahye: “Usā ye uhse mari ijipihtinare esa tuhaeraboaga. Sa yena uhse cāoyequinare māsa basi dūna wahaya”, ni yāhtiahye tāho masiñequina numia pehe. ¹⁰ Sa ye tāho masieñequina numia dúye

wahahye. Tiquina sa wahari bato omoca d^uhteatiquiro wihiahye. Tiquiro wihig^ã ihñā tiquina yere quehno tuhasariquina numia t^uho masiñequina numia tiquirore piti cahye. Piti ca bose deco omoca d^uhteri decop^u tiquiro mehna ihñāñe wahahye. Sa ye bose decore tiquina yeri w^uhup^u apequina mehna numia tiquina sajāri bato, sopecahare biha cāhye. ¹¹ Camepu t^uho masieñequina numia pehe wihimahye. “P^uhito, usāre pōohñā”, nimahye tiquina numia. ¹² “Ijirota m^usare niita niaja. M^usare masiedaja y^uh^u”, niahye tiquiro tiquina numiare.

¹³ ’Sa yena t^uho masiñequina numia tiquina yere quehnoano quehno tuhasa, tiquina cohteriro saha quehnoana, ñāñe mariena iji, cohteya m^usa gāh^u. Y^uh^u tojoa tati decore ti hora gāh^ure ne masiedare m^usa, ni yahuri Jesu.

Niñeru cjoeri uru cjoeri queoyere yahuahye Jesu

¹⁴ Sa ni yahu tuhasa queoye mehna ohõ saha ni buhe nemori tja:

—Ti pjere y^uh^u tojoa tati pje ahri queoye yero saha ijirota. W^uh^u uparo ijiahye. Tiquiro ape siepu tinino waharo taro, tiquirore dahra cohteyequinare pijioahye. Sa yero tiquinare tiquiro yere cohte dutiahye.

¹⁵ ’Sa cohte dutiro tiquina ihbo masino puno tiquinare niñeru cjoerire ohoahye. Ihcāquirore ihcā omope cjoeri wapa bujuye cjoerire uru cjoerire ohoahye. Apequirore p^ua cjoе ohoahye. Apequirore ihcā cjoе ohoahye. Tiquinare oho tuhasa, wahaa wahahye. ¹⁶ Sa ye ihcā omope

cjoeri tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dûrire apequinare duahye. Tiquiro duari wapa púa omope cjoeri wapa yeahye tiquirore. Sa yero púa omope cjoeri cœoahye. ¹⁷ Sa yero púa cjoetiquiro ohoriquiro duita tiquiro wahari batota ti cjoeri mehna apee borore dúahye. Tiquiro dûrire apequinare duahye. Tiquiro duari wapa pititia cjoer wapa yeahye tiquirore. Sa yero pititia cjoer cœoahye. ¹⁸ Ihcā cjoere tiquiro ohoriquiro pehe cope sehe, ti cjoere yeahye, ti copepúa náono.

¹⁹ 'Came yoari bato tiquina pahtoro wihiayhe. Sa wihiro tiquiro niñeru cjoeri mehna tiquina ñehe nemorire queoro ahtaro tiquirore dahra cohteyequinare pijoahye. ²⁰ Sa yero ihcā omope cjoeri tiquiro ohoriquiro pahtoro cahapúa esa, púa omope cjoeri wiahye tiquirore. "Ihcā omope cjoeri yahare ohori mähä. Ihñaña. Ti cjoeri mehna apeye cjoerire ñehe nemou", niahye tiquirore. ²¹ "Quehnoano yeaya mähä. Mähä quehnoagü, yahü dutiriro saha yerigü ijire. Mehenogäre quehnoano yeaya mähä. Sa yegü yojopüre mähare pajiro mähä dahratire cütja. Sa yegü yahü mehna bucueya mähä", niahye tiquiro pahtoro. ²² Sa yero púa cjoere ñehediquiro pahtoro cahapúa esa, yahuahye tiquirore: "Púa cjoer yahare ohori mähä. Ihñaña. Ti cjoeri mehna apeye cjoeri púa cjoer ñehe nemou", niahye tiquiro. ²³ "Quehnoano yeaya mähä. Mähä quehnoagü, yahü dutiriro saha yerigü ijire. Mehenogäre quehnoano yeaya mähä. Sa yegü yojopüre pajiro mähä dahratire cütja. Sa yegü yahü mehna bucueya mähä", niahye tiquiro pahtoro.

24 'Sa zero ihcā cjoere ñehediquiro pāhtoro cahapā esa, yahuahye tiquirore: "Pāhto, māhā apequina pehere tutuaro dahra dutigā ijire. Sa tutuaro dahra dutigā ijigā māhā basi oterapegūta ti dācare nene māhā. **25** Māhā sa ijigā māhāre cuei. Sa cuegā cope sehe, ti copepā māhā niñeru cjoere nāou. Ihñaña. Ohōpā ijire māhā ya cjoе niñeru cjoе", niahye tiquiro. **26** "Māhā ñagā, cape bājāgā ijire. Yāhā basi oterapegūta ti dācare yāhā negā ijigā masine māhā. **27** Yāhā sa ijigā ihñaepegūta yāhā niñeru cjoere niñeru ihbori wāhupā ihboboaya māhā. Māhā sa ihbogā tiquina ti cjoere wiayepā apee niñeru oho nemoboaya tiquina", niahye pāhtoro tiquirore. **28** Sa nino apequina tiquiro dahra cohteyequinare dutiahye tiquiro: "Niñeru cjoere ehmaña tiquirore. Pāa omope cjoerire cāoriquiro pehere ohoya. **29** Cāoyequinare oho nemoutja. Sa ye pajiro cāoeta. Cāoyequina pehere mehenogā tiquina cāoepegūta tire ehmautja. **30** Ahriquiro dahra cohteriquiro dāhseatiquiro ijierare. Nahitianopā ñanopā cohā cāhñā tiquirore. Topā tiquiro tutuaro uti, bājāa witiro mehna bahque dihorota", niahye pāhtoro, ni yahuri Jesu.

Buhiri dahreatire yahuahye Jesu

31 Sa ye Jesu yahu nemori:

—Yāhā masā Cohācjā ohorigā ijipihiyequina angele mehna pāhto ijigā tagā, yāhā pāhtoro dujiropā yāhā asi siteye mehna dujigatja. **32** Sa yāhā dujigā, ahri yehpa cjēna ijipihiyequina yāhā cahapā cahmecoeta. Tiquina sa cahmecoari bato

pua curua tu waatja tiquinare. Ovejare ihña ihiboriquiro ovejare, cabra gähare tiquiro tu wariro saha masare tu wa docoutja. ³³ Sa tu wagü oveja yero saha ijijequinare quehnoañequinare yahü poto pehe bese docoutja. Sa yegü cabra yero saha ijijequinare ñiañequinare yahü cü pehe pehepü bese docoutja. ³⁴ Yuhü sa yeri bato yahü ijipihiyequina pühto pehe yahü poto pehepü yahü bese docoriquinare ohö saha ni yahutja: “Yahü Pacü mäasare quehnoano yere. Ahri yehpare bajumehnenopü mäsa ye ijiatire tiquiro pühtoro ijirore quehnoyu tuhasari Cohäcjü. Sa yena yojopüre tiquiro quehnoriropüre ijina ahtaya. ³⁵ Yuhü ajua ahbagü mäsa pehe yahüre ihyayere ohori. Yuhü aco wüogü yahüre mäsa sihöri. Mäsa cahapü yahü tinigü yahüre ihña masiedapenata yahüre quehnoano piti cari mäsa. ³⁶ Suhti mariegü yahü ijigü ihñana mäsa pehe yahüre suhti sääri. Dohatigü yahü ijigü mäsa yahüre ihñana ahtari. Peresupü yahü ijigü gähare yahüre ihñana ahtari mäsa”, niitja quehnoañequinare. ³⁷ Yuhü sa nigü tehoye tiquina yahüre sinitueta: “¿Pühto, dähse ijigü mähu ajua ahbagü mähüre ihyayere ohori usä? ¿Dähse ijigü mähu aco wüogü mähüre sihöri usä? ³⁸ ¿Dähse ijigü mähüre ihña masiedapenata mähüre quehnoano piti cari usä? ¿Dähse ijigü suhti mariegü mähu ijigü mähüre suhti sääri usä? ³⁹ ¿Dähse ijigü mähu dohatigü o peresupü mähu ijigü gähüre mähüre ihñana esari usä?” nieta yahüre. ⁴⁰ Tiquina sa ni sinitugü tuhogü yahü pühto tiquinare yahutja. “Ijirota mäasare niita niaja. Ahriquina yeequina mehna cjäno ihyo ijiriquiro tiquiro ijiepegüta, tiquirore mäsa sata yeri. Sa

ijiriquirore sa yena, yuhre yero saha yena nidi musa tiquinare”, ni yahutja.

41 'Quehnoañequinare yuh sa ni yahuri bato yuh cū pehe pehepu ducuyequinare yuh ijipi-
htienequina puhto ohō saha ni yahutja: “Cohācjā
tiquiro buhiri dahreatina ijire musa. Yuh mehna
tojoeracāhñā. Pecapu wahaya musa. Ti pecu ne
yatierare. Watīno, tiquiro yequina angele gāhu
tiquina ijiatire ti pecare yeri Cohācjā. **42** Yuh
ujua ahbagu musa pehe yuhre ihyayere ohoerari.
Yuh aco wuogu musa yuhre sihōedari. **43** Yuhre
masiedana musa yuhre piti caerari. Sa ihñā
cāri. Suhti mariegu yuh ijipeguta, yuhre suhti
sāaedari musa. Dohatigu yuh ijigu peresupu yuh
ijigu gūhure sa ihñā cāri musa yuhre”, ni yahutja
tiquinare ñañequinare. **44** Yuh sa nigu tuhoye
tiquina yuhre sinitueta: “¿Puhto, muh ujua ah-
bagu, muh aco wuogu, usā masiedigu muh ijigu,
suhti mariegu muh ijigu, dohatigu muh ijigu,
peresupu muh ijigu duhse ijigu usā pehe muhre
yedohoerari?” ni sinitueta yuhre. **45** Tiquina sa
ni sinitugu yuh tiquinare ohō saha ni yahutja:
“Ijirota musare niita niaja. Ahriquina yeequina
mehna cjāno ihyo ijiriquirore musa ne yedohoer-
ari. Sa ijiriquirore musa yedohoerana, yuhreta
sa yena nidi musa”, ni yahutja tiquinare. **46** Sa yero
tiquinare sa buhiri dahreducurota Cohācjā. Ti
buhiri dahreye ne pihtisi. Sa ye, quehnoañequina
pehe ijipihiye decori quehnoano ijieta, ni yahuri
Jesu.

*Pahia puhtoa, judio masa bucuna mehna Jesure
wejē duahye*

(*Mr 14.1-2; Lc 22.1-2; Jn 11.45-53*)

¹ Ti ijipihiyere tiquiro buheri bato Jesu usāre tiquiro buhenare yahuri:

² —Pua deco bato pascua ijirota. Tire musa masine. Ti pjere yuhu masure Cohācju ohorigure ñeheeta. Ñeheñe, yuhure curusapu wejēeta, nidi tiquiro usāre.

³ Sa ye pahia puhtoa, judio masa bucuna guhu cahmecoahye. Caifa pahia puhtoro ya wuhupu cahmecoahye tiquina. ⁴ Topu cahmecoa, tiquina ni mehoñe mehna Jesure ñehe tiquina wejēatire cahme yahuye niahye.

⁵ —Bose deco ijigu tiquirore ñehedachna, “Masa usuari”, nina, niahye tiquina basi.

Numino ehme sitiye use mehna Jesure pio peoahye

(*Mr 14.3-9; Jn 12.1-8*)

⁶ Ti pjere Simo cami bucu muna wihiro ijimediquiro ya wuhupu ijiri Jesu. Tiquiro ijiri maca Betania wame tiri maca ijiri. ⁷ Ti wuhupu tiquiro ihyari watoa ihcācoro numino ehme sitiyyere ne cāhta, Jesu dapu bui pio peori. Ti ehme sitiye alabastro wame tiriapu pose tiri. Wapa bujuye co ijiri. ⁸ Ticoro sa pio peogu ihñana usā Jesu buhena usuau.

—¿Duhsero ahricoro ahri core wapa bujuyere sa ye siteajari? ⁹ Ti ehme sitiyyere duaboaya. Sa duaro pajiro wapa ñeheboaya. Sa ñeheno ti niñerure pejecuoyequinare ohoboaya ahricoro, nii usā tiquiro buhena.

10 Usā sa ni usuagā ihñano, Jesu yahuri usāre:

—Sa niedacāhñā ticorore. Yuhare quehnoano yero nine. **11** Pejecoyequina pehe māsa mehna sa ijiducueta. Sa yena tiquina pehere māsa oho masine. Yuhar pehe ahri yehpapure māsa mehna sa ijiducusi. **12** Yuhare tiquina yato pano yuhu pagure quehnoyuro, ticoro yuhare pio peori. **13** Ijirota māsare niita niaja. Ijipihtiro ahri yehpapu quehnoañe buheyere tiquina yahuropu ahricoro yojopure ticoro yerire yahueta. Tiquina sa yahugā tāhoye ticorore masa peyequina wacūeta, ni yahuri Jesu usāre.

Juda Iscariote Jesure ihñā tuhtiyequinare ihñoahye

(*Mr 14.10-11; Lc 22.3-6*)

14 Ti pjere ihcāquiro usā mehna cjāno Juda Iscariote pahia pāhtoa cahapu esahye. **15** Esa, tiquinare sinituahye.

—¿Jesure māsare yuhu ihñogā noho puno wapa yenatari māsa? ni sinituahye tiquinare.

Tiquiro sa nigā tiquina tiquiro treinta cjoeri plata cjoerire ohoahye.

16 Tiquina sa ohogā Juda pehe Jesure tiquiro ihñōati ñamine cohtero niahye.

Jesu tiquiro buheyequina mehna tiquiro ihyabato tiri deco ijiahye

(*Mr 14.12-25; Lc 22.7-23; Jn 13.21-30; 1 Co 11.23-26*)

17 Sa ye pugā yeye moremehneñe pāre tiquina ihyati deco bose deco iji ducari deco usā tiquiro buhena Jesu cahapu waha, sinituu tiquiro:

—¿Noho boropu bose deco ijigu mari ihyatire quehnouy uutigu ohoutjari muhu usure? nii tiquirore.

18 Usus a nigu tiquiro yuhtiri:

—Jerusalupu wahaya. Topu ijiri quirore oho saha ni yahuya: “Marine buheriquiro tiquiro ñano yuhduati deco mehenogu duhsatjiñuhti. Pascua ijigu muhu ya wuhupu Jesu usure tiquiro buhenare siho ihyati ijiñuhti”, ni yahuya ti wuhu upurore, ni ohori Jesu usure.

19 Sa yena usure tiquiro dutiriro sahata yena, pascua ijigu usus ihyatire quehnou usus.

20 Sa ye ti ñamine usus mehna doce tiquiro buhena mehna ihyaro nidi Jesu. **21** Usus ihyari watoa tiquiro usure yahuri:

—Ijirota musare niita niaja. Ihcuquiro musa mehna cjuno yuhure ihñua tuhtiyequinare ihñonota yuhure, ni yahuri tiquiro usure.

22 Tiquiro sa nigu tuhona tutuaro bujua witina, tiquirore sinitu ducau usus ijipihtina:

—¿Puhto, yuhuta ijiajari muhure ihñuacju? ni sinituu.

23 Usus a ni sinitugu tiquiro yuhtiri:

—Yuhu ihyari papu yuhu mehna soha ihyari quirore ijire yuhure ihñua tuhtiyequinare ihñuatiquiro. **24** Panopu yuhure tiquina ojoariro sahata yuhu masu Cohuçju ohorigu yariagutja. Sa yero yuhure ihñua tuhtiyequinare ihñuatiquiro ñano yuhdurota. Tiquiro pehe masa bajueraro quehnoa yuhduaboaya. Ñano yuhdueraboaya, nidi Jesu.

25 Tiquiro sa niguta tiquirore ihñuatiquiro Juda sinituri:

—¿Buhegu, məħare ihñocja ijjajari yuhu? ni sinituri tiquiro.

Jesu yuhu:

—Uhu. Məħata ijire, nidi.

26 Sa ni yahu tuhasa usā tiquiro buhena mehna ihyaro taro nidi. Sa yero Jesu pāre ne, Cohācjūre “Quehnoare”, nidi. Sa ni tuhasa tire nuha, usāre tiquiro buhenare itiri.

—Ahrire ne, ihyaya. Ahri yuhu pagu ijire, nidi tiquiro.

27 Sa ni tuhasa tiquiro sihnidi pare ne, Cohācjūre “Quehnoare”, ni, usāre ohori.

—Musa ijipihtina ahrire sihniña. **28** Ahri yuhu dii ijire. Peyequina masa tiquina īañe yerire cohāgū tagu yariutja. Sa yegu yuhu diire cohāutja. Cohācjū “Musare yuhdoutja”, tiquiro nidiro esagū yuhu yariaro mehna tiquiro nidiro sohtori tirota.

29 Musare niita niaja. Yuhu Paca tiquiro pħotoro ijiropu uhmusepupu musa mehna wahma core uħse core sihniitja. Mari sa sihniato pano ahri core sihni nemosi yuhu, nidi Jesu usāre.

30 Sa yena Cohācjū yere basa tuhasana cunupu Olivo wame tidupu wahaus usā.

*Pedro Jesure tiquiro cohātire yahuahye Jesu
(Mr 14.26-31; Lc 22.31-34; Jn 13.36-38)*

31 Topu usā esagū Jesu pehe usāre yahuri:

—Mia īami yuhare cohā cānata musa. Ohō sa-hata nine Cohācjū tiquiro yere tiquina ojoari pūpu yuhare yahuro: “Ovejare ihña īħboriquiro yero saha ijiriquire yuhu Cohācjū cohāgħutja. Yuhu sa cohāgū tiquiro yequina oveja yero saha ijiyequina duhti site cāa wahaeta”, nine Cohācjū tiquiro yere

tiquina ojoari pūpū. ³² Sa yegħu Cohācjū yahhare tiquiro masori bato mħsa pano Galileapū wa-hayutja yahħu, nidi tiquiro.

³³ Tiquiro sa nigħu tħoroh ohō saha nimedi Pedro:

—Yahħu meħna cjēna ijipihtyequina mħħare tiquina cohāepegħta yahħu pehe mħħare ne cohāsi, nimedi Pedro tiquirore.

³⁴ Jesu yahħi:

—Ijirota niita niija mħħare. Mia ħamra canaca tiquiro yahuato pano “Yahħu Jesure masiedaga”, niita mħħu. Iħtia taha sa niita mħħu, nidi tiquiro Pedrone.

³⁵ Tiquiro sa niepegħta Pedro ohō saha ni yahħi:

—Mħħu meħna yahħare tiquina wej̫e duepegħta “Jesure masiedaga”, ne nisi yahħu, ni yahħimedi Pedro.

Sa yena u sā għiex apequna tiquiro buhena Pedro tiquiro nidiro saħata nimi u sā Jesure.

Getsemaní wame tiri wesepū Cohācjūre siniahye Jesu

(*Mr 14:32-42; Lc 22:39-46*)

³⁶ Sa ye Getsemaní wame tiri wesepū Jesu u sā tiquiro buhena meħna waha, topū esa, u sāre nidi:

—Ohō dujiyu. Mħsa ohō dujiri watoa soħo cjūnogāpū Cohācjūre sinigħu wahagħu niija, nidi tiquiro u sāre.

³⁷ Sa ni tuħasa, Pedrone, pħaror Zebedeo pohnene tiquina iħtiarore piji cāri. Sa yero tiquiro tutuaro bujha witi, ħanno jeripohna tiahye. ³⁸ Sa bujha witiro tiquiro meħna cjēnare tiquiro piji cāriquinare ohō saha niahye:

—Tutuaro ñano jeripohna tiaja yahue. Yuhue tutuaro purino saha tahotugue niaja. Soho cjunogah wahague niaja. Ohopue tojoaya. Sa yena yahue mehnata cariedacahná musa gahue, niahye tiquiro tiquinare.

39 Sa ni tuhasa mehenogah waha nemo, yehpapue quehe sa, Cohacjare niahye:

—Mai, yahue ñano yuhduatire ye dueragu yeracahná. Yuhue sa niepeguta yahue cahmeno saha yeracahná. Muhue pehe masine. Muhue cahmeno saha yeya yuhue, ni siniahye tiquiro Cohacjare.

40 Sa ni tuhasa, ihtiaro tiquiro buheyequina cahapue wihiro, carinquequinare ihñahye. Tiquinare ihñano, Pedrore ohó saha niahye:

—¿Ihcá hora waro yahue mehna carilegu iji masiedajari muhue? **41** Quehnoano yeya musa. Sa yena Cohacjare siniducuya musa, “Ñano yeari”, nina. Musa tahotuye mehna quehnoañene ye duamene musa. Musa sehsaro sa ye duepenata tire ye masiedare musa, ni yahuahye Jesu.

42 Sa ni yahu tuhasa, pari turi waha, Cohacjare siniahye:

—Mai, yahue ñano yuhduatire ye duagu yeya yuhue. Muhue cahmeno saha yeya, ni siniahye tiquiro.

43 Ni, tiquiro buheyequina ihtiaro buheyequina cahapue pari turi wihiyahye tja. Sa wihiro carinquequinareta ihñahye tja. Wuhua purí yuhduahye tiquinare. **44** Sa yero tiquinare cū cā, pari turi waha, Cohacjare siniahye. To pano tiquiro nidiro sahata niahye tja. **45** Sa ni tuhasa tiquiro buheyequina cahapue wihi, tiquinare ohó saha niahye:

—¿Yojopu pūritare carīnina niajari musa? ¿Sorīna niajari musa? niahye tiquiro.

Sa ni tuhasa, masa tiquina ahtagu ihñano, ohō saha niahye.

—Tuhoya. Mianogāta yuhu masure Cohācju ohorigre ñañequinare ohoeta yuhure. ⁴⁶ Wahcāñña. Isa wahana. Ihñaña. Yuhure ihñña tuhtiyequinare ihñroatiquiro ohōpu ahtare, niahye tiquiro.

Jesure ihñña tuhtiyequina tiquirore peresu yeahye

(*Mr 14.43-50; Lc 22.47-53; Jn 18.2-11*)

⁴⁷ Tiquiro sa nino watoa usā mehna cjāno ijimediquiro Juda pehe wihiri. Masa peyequina ahtari tiquiro mehna. Tiquina pahia puhtoa, judio masa buchana gūhu tiquina ohoriquina ijiri. Ñoseñne pjñine, yucu tiāri gūhure coori. ⁴⁸ Coā warore Jesure ihñña tuhtiyequinare ihñroatiquiro masare ohō saha ni yahuyu tuhasahye:

—Yuhu wahsupu ihmidiquirota ijirota musa ñeheatiquiro. Tiquirore yuhu ihmidi bato ñeheñña tiquirore, niahye Juda tiquinare.

⁴⁹ Sa ye wihiro Jesu cahapu duita wahari.

—¿Buhegu, ijiajari muhu? ni, tiquirore wahsupu ihmidi.

⁵⁰ Tiquiro sa ihmigu Jesu ohō saha nidi:

—Yuhu acayu, ohōpure muhu yei tuu ahtarire yeya muhu, nidi tiquiro.

Sa ye tiquina Jesure ñehedi.

⁵¹ Tiquina sa yegu ihñano Jesu mehna cjāno tiquiro ñoseni pjñine tua we ne, pahia puhtoro cahacjānore cahmonore date pahrē cāri. ⁵² Tiquiro sa yegu ihñano Jesu tiquirore yahuri.

—Muhu ñoseni pjine ihboya. Apequinare muhu ñosegū tiquina ñose cahmegū yariagata muhu.
53 Yuhu Pacare yuhure yuhu yedoho dutigū tiquiro pehe peyequina angelere doce cururire yuhu cahapu ohoboaya tiquiro. ¿Tire masiedajari muhu?
54 Sa yedohoboriquiro tiquiro ijiepegūta tiquirore yuhure yedoho dutisi yuhu. Yuhu sa dutieragū Cohācjū yere tiquina ojoari pū ti nidiro sahata sa waharota, nidi tiquiro.

55 Sa ni tuhasa masare yahuri tiquiro:

—¿Duhse ijiro boro musa ñoseñe pjini mehna, yucu tiāri mehna yaque bucharore yero saha musa yuhure ñehena ahtajari? Decoripe Cohācjū wuhupu māsare yuhu buhe dujigū, māsa yuhure ne ñehedari. **56** Sa ijiepegūta ahri ijipihiye sa waharo nine Cohācjū yere yahu muhtariquina tiquina ni ojoariro sahata, nidi Jesu.

Tiquirore tiquina sa ñehegū ihñana usā tiquiro buhena tiquirore cohā oma cāa wahausā.

Judio masa phtoa Jesure sinituahye
(Mr 14.53-65; Lc 22.54-55, 63-71; Jn 18.12-14, 19-24)

57 Sa ye tiquirore ñehediquina pahia phtoro Caifa wame tiriquiro ya wuhupu ne sahye tiquirore. Ti wuhupata marine judio masare buheyequina, buchana gāhu cahmecoahye. **58** Topu Jesure tiquina neagū Pedro yoaropu tiquinare ihña nānā tāhye. Sa nānā tāno Caifa ya wuhure cahmotari sahrīnore esa, ti sahrīno puhiapu sajāa wahahye. Sajā sa, ti wuhure cohteyequina surara mehna dujiahye. Jesure tiquina dūhse yegū ihñano taro niahye.

59 Sa ye pahia pahtoa, apequina pahtoa mehna Jesure wej  duti duaye, ni meho ne mehna tiquirore tiquina  nano buhiri dahreatire wac  macamahye. **60** Tiquina yahus tire wac  bocaerahye. Sa wac  bocaerapeta peyequina masa tiquirore sa ni meho yahus  maca c hye. Sa ye paharo tiquina bato wihiyequina tiquirore yahus hye tja.

61 —Ahriquiro oh  saha nidi: “Coh cj  w hure coh  masiaja. Sa coh g  ihtia deco wahaboro ti w hure pari turi yeitja”, tiquiro nig  t hou  s , ni yahus  maca c hye Jesure.

62 Tiquina sa nidi bato pahia pahtoro wahc d ca sa, Jesure sinituahye:

—¿Ahriquina m h re tiquina yahus epeg ta tiquinare y hti cahmedajari m h ? niahye pahtoro.

63 Tiquiro sa nig  t hooperota Jesu sata t hotu c hye. Tiquiro sa y htierag  ih nano pahia pahtoro pari turi sinituahye tja:

—Coh cj  catiriquiro wame mehna poto ni n  m h . M h  sa niedag  tiquiro m h re buhiri dahrerota. Yahuya  s re. ¿Cristo Coh cj  mac ta ijiajari m h ? ni sinituahye tja.

64 Tiquiro sa nig p ta Jesu y htiahye:

—Tiquirota ijiaja. M sare poto yahug ta niaja. Came y h  mas  Coh cj  ohorig  y h  Pac  tu-tuariquiro cahap  tiquiro poto pehepa y h  du-jig  ih nanata m sa. Sa yena  hm se cj  ehmeo cururi bui y h  ahtag  g h re ih nanata m sa, ni y htiahye Jesu.

⁶⁵ Tiquiro sa nigã tãhorõ pahia pãhtoro tiquiro sañari suhtirore tãhrẽ cãhye apequinare “Usua yãhdãare”, ni ihñã masi dutiro.

—Cohãcjûre pajiro ñano yahuducuro nine ahriquiro. Sa ye tiquiro ñano yahuducuyere tãho tuhasaja mari. Sa ye topequinata yahusãahdo ahriquirore. Ohõpûta tiquiro ñano yahuducugã tãhoaja mari basita. ⁶⁶ ¿Dãhse yenatari mari yojopãre ahriquirore? ni sinituahye tiquiro apequina pãhtoare.

—Tiquiro ñari buhiri wejë cãno cahmene tiquirore, ni yãhtiahye tiquina.

⁶⁷ Tiquina sa nidi bato tiquiro wãhdoare sihco puti ohõ, tiquirore quẽpeahye tiquina. ⁶⁸ Tiquirore quẽpe tuhasa, ohõ saha niahye tiquirore:

—¿Noa pehe mãhãre quẽajari? Cristo ijigã ihñedapegûta yahuya usãre, ni bujapeahye tiquina.

—*Tiquirore masiedaga, niahye Pedro Jesure (Mr 14.66-72; Lc 22.56-62; Jn 18.15-18, 25-27)*

⁶⁹ Sa ye ti wãhã cahapã ijiri paapã quehnoari paapã Pedro pehe dujiahye. Tiquiro sa dujigã ihñano pahia pãhtoro cahacjõno tiquiro cahapã esaro, ohõ saha niahye:

—Mãhã gãhã Jesu Galilea cjãno mehna ijiri, niahye ticoro.

⁷⁰ Ticoro sa nigã tãhorõ, Pedro ohõ saha niahye:

—¿Dãhse ni maca cõo niajari mãhã? Mãhã nidiquirore ne masiedaga yãhã, niahye Pedro ticorore ijipihiyequina tiquina tãhoropu.

⁷¹ Tiquiro sa nidi bato ti paa cjã sahrõ sopecaha cahapã wahahye Pedro. Topã tiquiro ijigã

apecoro cahacjōno tiquirore ihñano, topa ijiye-quinare ohõ saha niahye:

—Jesu Nazare cjāno mehna ijiri ahriquiro, niahye ticoro Pedrore tja.

⁷² Ticoro sa nigā təhorō Pedro yəhtiahye:

—Cohācjū mehna poto nii niaja. Tiquiro məhə nidiquirore ne masiedaga yəhə, ni yəhtiahye Pedro.

⁷³ Sa ye came cjūno topa ducuyequina Pedro cahapə waha, tiquirore ohõ saha niahye tja:

—Poto tjire. Jesu yequina mehna cjā ijire məhə gāhə. Tiquina yero saha yahuducure məhə, niahye tiquina Pedrore.

⁷⁴ Tiquina sa nigā Pedro yəhtiahye:

—Poto Cohācjū mehna nii niaja məsare. Yəhə poto yəhə niedagā Cohācjū yəhure buhiri dahreahro. Tiquirore məsa nidiquirore ne masiedaga yəhə, ni yəhtiahye tiquiro tiquinare.

Tiquiro sa nigātā canaca yahuahye. ⁷⁵ Tiquiro yahugā təhorō Jesu tiquirore nidire wacūahye. “Canaca tiquiro yahuato pano ‘Jesure masiedaga’, niita məhə. Ihtia taha waro sa niita məhə”, Jesu tiquirore nidire wacūahye Pedro. Sa wacūno, ti sahrīnore wijia, tutuaro utiahye.

27

*Pilato cahapə Jesure neahye
(Mr 15.1; Lc 23.1-2; Jn 18.28-32)*

¹ Sa ye bohrea quehagūpə pahia pəhtoa mari judio masa bəcəna gāhə Jesure tiquina wejē dutiatire cahme yahudcuahye. ² Tiquina sa yeri bato tiquirore dahte, Pilato cahapə nea, tiquirore

ohoahye Pilatore. Pilato pehe ti yehpa cjēna pāhtoro ijiri.

Juda Iscariote yariaa wahahye

³ Sa yero Jesure tiquina wejē dutigā ihñano Juda pehe Jesure ihñoriquiro tiquirore tiquiro ihñorire tutuaro wacū bęjua witiahye. Sa bęjua witiro treinta cjoeri tiquiro ñehedi niñeru cjoerire wiaro waharo, pahia cahapu, bęcuna cahapu esa, ohō saha niahye:

⁴ —Jesu m̄asare yuhu ihñoriquiro ñañe marieniquiro tiquiro ijiepegūta tiquina wejē dutiri tiquirore. Sa yegu m̄asare tiquirore ihñogu ñano yegu niaya yuhu, ni yahuahye Juda tquinare.

Tiquiro sa ni yahuri bato tiquina yahthiahye:

—Sata yecūnahdo. Usāre dūhseati ijierare ti māhu sa niñe. Māhu dihita sa ni t̄hoture tire, ni yahthiahye tiquina tiquirore.

⁵ Tiquina sa ni yahthiri bato Cohācjū ya wuhapu Juda tiquiro ye niñeru cjoerire doque site cūahye. Doque site cū, wahaa wahahye. Waha, yuta dare dūhte ohō, tiquiro basi wamhāre tu suha, uhpu cjū sa, yariaa wahahye.

⁶ Sa ye pahia pāhtoa niñeru cjoerire ne, ohō saha niahye:

—Ahri niñerure Cohācjū wuhu cjā acaropu niñeru ihbori acaropu mari cū masiedaja. Ahri niñeru mehnata masunore wejē dutiri. Sa ye mari ye dutiye marine sa ijiye niñerure ihbo dutierare, niahye tiquina basi.

⁷ Tiquina sa nidi bato “Ohō saha yeihna”, tiquina ni yahuri bato dihi suturire yeriquiro ya yehpare dūahye. Ti cjoeri mehna dūahye. Ape

sie cjēna tiquina wihi tiquina yariagā tiquina yati yehpa ijiatore ti yehpare dūahye.⁸ Sa ye ti yehpare “Dii yehpa”, wame yeri masa. Yojopu gāhure sata wame tire.⁹ Ahri ijipihtiye sa wahahye Jeremia panopu “Sa waharota”, tiquiro ni ojoariro sahata. Tiquiro Cohācjā yere yahu māhtariquiro ijiahye. Ohō saha ni ojoahye tiquiro: “Treinta niñeru cjoerire plata cjoerire ‘To punota wapa yenata tiquirore usā ñeheatire’, nieta Israe masa.¹⁰ Sa ye ti cjoeri mehna dihi suturire yeriquiro ya yehpare dūeta tiquina. Ohō sahata yuhare ye dutiri Cohācjā”, ni ojoahye Jeremia panopu.

Pilato Jesure sinituahye

(*Mr 15.2-5; Lc 23.3-5; Jn 18.33-38*)

¹¹ Sa ye Pilatore tiquina ohori bato tiquiro pehe Jesure sinituahye:

—¿Potota judio masa pāhtota ijiajari māhu? ni sinituahye Jesure.

—Māhu nino sahata ijiaja, ni yāhtiahye Jesu.

¹² Sa ni yāhtieperota, pahia pāhtoa, bācuna gāhū tiquina tiquirore yahusāgā yāhtierahye Jesu.

¹³ Tiquiro sa yāhtieragā ihñano Pilato sinituahye:

—¿Ahri ijipihtiye māhure tiquina yahusārire tāhoerajari māhu? ni sinituahye tiquiro Jesure.

¹⁴ Tiquiro sa ni sinituepegāta Jesu ne mehenogā yāhtierahye. Tiquiro sa yāhtieragā ihñano Pilato ne dāhse ni masiedahye.

Jesure wejē dutiahye

(*Mr 15.6-20; Lc 23.13-25; Jn 18.38-19.16*)

¹⁵ Cuhmaripe pascua ijigā masa yaquiro ijia-tiquirore ihcāquiro peresupu ijiriquirore Pilato sa wio basaducue tiahye. ¹⁶ Ti pjere Barrabá wame

tiriquiro peresupu ijiahye. Tiquirore masiahye masa. ¹⁷ Sa yero tiquina cahmecoagu Pilato pehe sinituahye tiquinare:

—¿Diquiro pehere masare wio basaboagari yahu? ¿O Barrabá pehere o Jesure Cristo tiquina nidiapirore wio basaboagari yahu? ni sinituahye tiquiro.

¹⁸ Jesure masa cahīgu ihñañe judio masa mari pahtoa tiquirore ihña tuhtiahye. Sa ihña tuhtiye tiquirore ohoahye Pilatore. Sa yero masa tiquina cahīdi buhiri tiquina ihña tuhtirire masino Pilato Jesure wio duamahye.

¹⁹ Sa ye Pilato masare ñañe yeyequinare tiquiro beseri pahtapu dujigu tiquiro namono tiquirore quiti ohoahye: “Mia ñamine Jesure quehēgo, tutuaro ñano yahdu. Sa yegu tiquirore ñañe marieniquirore ne sijoro saha yeracāhña muhu”, ni yahudoqueoahye tiquiro namono Pilatore.

²⁰ Sa ye coã waropure pahia pahtoa, bucuna guhu masare ohō saha ni duti tuhasahye. “Barrabá pehere wio duti, Jesu pehere wejē dutiya”, ni dutiahye masare. ²¹ Sa yero Pilato masare sinituahye:

—¿Ahriquina puarore diquiro pehere masare wio basaboagari yahu? ni sinituahye.

—Barrabá pehere wio basaya usare, ni yahtiahye.

²² —¿Ahriquiro Jesu Cristo tiquina nidiapirore pehere duhse yeitari yahu, musa sa ni sañuducugu? ni sinituahye tiquiro.

—Curusapu quē biha wejēñä tiquirore, ni yahtiahye masa ijipihiyequina.

23 —¿Yabe borore ñañene yeari ahriquiro, m̄usa sa nigã? niahye tiquiro.

Tiquiro sa nigã t̄ahoye tiquina tutuaro mehna sañuducuahye:

—Curusapã quẽ biha wejẽña tiquirore, ni sañuducuahye masa tiquirore.

24 Tiquina sa ni sañuducugã t̄ahoro, tiquirore tiquina t̄aho dueragã ihñano “Masa usua, cahme-queboaga”, nino, yahtiro ohõ saha yeahye Pilato. Masa tiquina ihñonopã tiquiro omo coseahye. Sa omo cosero ohõ saha niahye.

—Ahriquirore wejëdi buhiri yee buhiri ijierare. M̄usa ye buhiri ijire, nino omo coseahye.

25 Tiquiro sa nigã t̄ahoye ijipihiyequina masa ohõ saha niahye.

—Ahriquirore wejëdi buhiri usã, usã pohna gãhã usã ye buhiri ijiahro, niahye masa.

26 Tiquina sa nigã t̄ahoro Pilato Barrabáre pere-supã ijiriquire wio dutiahye masa tiquina cahmeniquirore. Sa ye tuhasa Jesu pehere yuta dari mehna tana duti, tiquirore curusapã wejë dutiro ohoahye surarare.

27 Tiquiro sa ohogã Pilato ya wãhãpã tiquiro yequina surara Jesure neñe esahye. Sa ye tiquina surara ijipihiyequina Jesu cahapã cahmecoahye.

28 Sa ye tiquiro suhtire tu we ne, pãhtoro ya suhtiro saha bajuri suhtirore tiquirore sãahye.

29 Sa sãa tuhasa, pota behtore ye tuhasa, tiquiro dapu bui duhu peoahye. Sa duhu peo tuhasa, yucãgare poto pehe dahra suhahye. Dahra suha tuhasa, dãsepe curi mehna quehe sa, bãjãpeahye tiquirore.

—Quehnoano ahtaya. Judio masa puhito, quehnoano ahtaya, ni bujupeahye tiquirore.

³⁰ Sa nieta tiquirore sihco puti ohõ, tiquina dahra suhadure tiquirore tuã we ne, tiquiro da-pure queahye tu mehnata. ³¹ Tiquina sa bujuperi bato tiquina sãari suhtirore tu we ne, tiquiro ye suhti pehere sãahye tja. Sãa tuhasa, curusapu wejene tehe, tiquirore ne wijiahye.

*Tiquina Jesure curusapu que biha, wejeahye
(Mr 15.21-32; Lc 23.26-43; Jn 19.17-27)*

³² Tiquirore ne cã, Simo wame tiriquirore Cirene cjãnore piti ca, tiquirore Jesu wuari curusare wua cã dutiri.

³³ Wua cã Gólgota wame tiropu esari. “Gólgota”, nino “Dapu pehtoro”, nino nine. ³⁴ Sa ye vimore suñene co mehna tiquina moreñe core Jesure ohomedi. Ti acore sihni tuhu, sihniedari tiquiro.

³⁵ Sa ye Jesu ye suhtire tiquina tu we nedibato tiquirore curusapu que bihari tiquina. Sa que biha tuhasa, tiquiro ye suhtire “¿Noa yaro ijirotari ohõ?” ni, cahme doqueperi, ni ojoahye panopu. ³⁶ Doquepe tuhasa tiquirore ihña dujiducuri tiquina. ³⁷ Tiquiro dapu bui curusapu ohõ saha ni ojoari pjine duhu ohõri tiquina tiquiro ñañe buhirire yahu duaye. “AHRIQUIRO JESU JUDIO MASA PUHTORO IJIRE”, ni ojoari tiquina tipjine.

³⁸ Came puaro yaque bucunare Jesu cahapu apeye curusaripu que biha docori tiquina. Ihcãquiro tiquiro poto pehe, apequiro tiquiro cu pehe pehe que biha docori tiquina. ³⁹ Curusari cahapu yuhdu

cāñequina Jesure ihña, tiquina dapu pacare yure, tiquirore ñano yahuducuri:

40 —¿Cohācjū wāhāre cohā, ihtia deco wahaboro pari turi ti wāhāre dahreborigū ijiajari māhā? Cohācjū macū ijigū māhā basi dijia taya. Sa yegū māhā basi yedohoya, nidi masa.

41 Sata ni bājāperi tiquirore. Pahia pāhtoa gāhā, marine judio masare buheyequina gāhā, bācuna gāhā tiquirore sa ni bājāperi.

42 —Tiquiro apequinare yāhdāoriquiro ijiro tiquiro basi gāhā yāhdāoahro. “Israe masa pāhto ijiaja”, nimene tiquiro. Sa yena tiquiro basi dijia tagū ihñana tiquirore wacū tutuanata. **43** Tiquiro pehe Cohācjāre wacū tutuamene. Sa yero “Cohācjū macū ijiaja”, nimene tiquiro. Tiquiro sa ijigū Cohācjū pehe tiquirore yedohoahro, ni bājāperi tiquina.

44 Yaque bācuna tiquiro cahapū tiquina quē bihanohriquina sata tiquirore bājāpe, ñano yahuducuri tiquina gāhā.

Jesuyariaa wahahye

(*Mr 15.33-41; Lc 23.44-49; Jn 19.28-30; He 6.19-20; 10.19-20*)

45 Sa ye coheri pje ijigū ihtia hora waro ijipi-htiropū nahitiano ijiri. **46** Sa yero ti pjere nahitia yāhdāgū waro Jesu tutuaro sañuducuri:

—¿Elí, Elí lema sabactani? nidi tiquiro. Sa nino ohō saha nino niahye: “¿Yāhā Pacū, yāhā Pacū, dāhsegū yāhāre cohājari māhā?” nino nidi.

47 Tiquiro sa nigā tāhoye ihquēquina topū ducuyequina ohō saha nimedi:

—Cohācjū yere yahu muhtariquirore Eliare pijioro niboaga, nimedi tiquina.

⁴⁸ Sa yero ihcāquiro tiquina mehna cjūno oma cā, aco ihmini sūhte mehna vino sūēñe core soha tuhasa, yucugū sohtoapū dūhte ohō, Jesu cahapū esa, tiquirore sihōmedi. ⁴⁹ Tiquiro sa yegū ihñāñe apequina sihōriquirore ohō saha nidi:

—Cohteniña. Elia ahriquirore tiquiro yahdūogū ihñāuhna mari, nidi apequina.

⁵⁰ Tiquina sa nidi bato pari turi sañuducu, Jesu pehe yariaa wahari. ⁵¹ Tiquiro yariagāta Cohācjū wāhū cjā suhtiro cahsero, topū tiquina cahmotari cahsero deco tāhnū maa dijia, cjū saa wahahye. Sa yero yehpa gāhū ñuhmidi. Sa ñuhmigū utā paca bājāye paca wahtia wahari. ⁵² Sa ye masa coperi parīgū, peyequina Cohācjū yequina māna panopū yariariquina māna masa wijahye. ⁵³ Masa wijia, Jesu masa wijari bato ti coperire cohā cā, quehnoari macapū Jerusalēpū wahari tiquina. Topū tiquina wahagū peyequina masa ihñahye tquinare.

⁵⁴ Sa ye ti ijipihiyere ihñāñe, yehpa ñuhmigū ihñāñe, surara pāhtoro tiquiro yequina surara mehna ihñā maria wahari. Tiquina Jesure curusapū ijiri quirore cohteyequina ijiri. Ihñā maria waha, ohō saha nidi:

—Ijirota ijire. Ahriquiro Cohācjū macənota ijimeya, nidi tiquina.

⁵⁵ Sa ye Galileapū Jesu mehna ahtariquina numia tiquirore yedohoriquina numia yoaropū tiquirore curusapū ijiri quirore ihñaducuye nidi. ⁵⁶ Tiquina numia mehna María Magdalena ijiri. Apecoro María wame tircoro gāhū ijiri. Ticoro

pehe Santiago, José gāhʉ pacoro ijiri. Apecoro Zebedeo namono ijiri.

*Jesu pagure masa copepʉ cūahye José
(Mr 15.42-47; Lc 23.50-56; Jn 19.38-42)*

⁵⁷ Sa ye ñamicahapʉ José Arimatea cjāno doeri cjē upāro topʉ wihiahye. Tiquiro Jesu buheriquiro ijiri. ⁵⁸ Wihi, Pilato cahapʉ esa, Jesu pagure siniahye. Tiquiro sa sinigū tāhoro Jesu pagure tiquirore oho dutiahye Pilato. ⁵⁹ Tiquiro sa dutiri bato José pehe tiquiro pagure ne dijio, quehnoari suhtiro wete marieni suhtiro mehna tiquiro pagure wahmeahye. ⁶⁰ Wahme tuhasa, José tiquiro ya masa copepʉ cūahye Jesu pagure. Ti cope tiquina ʉtāpʉ seheri cope wahma cope ijiri. Ti copepʉ ne sajā duhu cū tuhasa, pajiria ʉtāre tu torē cāhye tia mehna biharo taro. Biḥa tuhasa, wa-haa wahahye. ⁶¹ Sa ye María Magdalena, apecoro María mehna ti copere ihñā dujiducuahye.

Jesure tiquina cūri copere surara cotheahye

⁶² Sa ye ape deco, pascua ijiatire tiquina quehnori deco bato, saurú ijigū pahia pāhtoa, fariseo masa gāhʉ Pilato cahapʉ cahmecoahye.

⁶³ Cahmecoa tuhasa ohō saha niahye tiquina Pilatore:

—Pāhto, tiquiro ni mehoriquiro Jesu catiro ohō saha niahye: “Ihtia deco wahaboro masa wi-jiaqʉtja yahʉ”, niahye tiquiro. ⁶⁴ Tiquiro sa nidi quiro ijigū tiquiro buheyequina pehe tiquiro pagure yaqueboaga. Sa yaqueye masare ohō saha niboaga: “Jesu masa wijiari”, niboaga tiquina. Tiquiro Jesu pehe masare ni mehono nidi. Sa ijiepegāta tiquiro buheyequina pehe “Tiquiro

masa wijari”, niñe, ni mehoñe nieta. Sa yero Jesu tiquiro ni mehoriro yahdoro tiquina ye ni mehoñe pehe ña yahdarota. “Sa yaqueari”, nigü ihtia deco waro tiquiro masa copere mähü yequina surarare cohte dutiya, niahye tiquina Pilatore.

65 Pilato yahthiayhe:

—Au. Ti copere cohteahro. Sa yena mäsa gähü mäsa ye masino puno ti copere quehnoano cohteya, niahye tiquiro tiquinare.

66 Tiquiro sa nigü tiquina waha, ti copere biharia utã mehnapha ñehoghpata wihtã ñeheahye masa tiquina sajagü ihña masiñe tehe. Sa ye surarare ti copere cohte dutiahye.

28

Jesu masa wijiahye

(*Mr 16.1-8; Lc 24.1-12; Jn 20.1-10*)

1 Sa ye judio masa mari sori deco saurú pehe yahdagü domingo ijigü ñami cjünogä ijigü María Magdalena apecoro María mehna Jesu masa copere ihñañe wahahye. **2** Sa yero duita yehpa tutuaro ñuhmiahye. Sa ñuhmigü mari pahtoro tiquiro yaquiro angel ahmasepü ijiriquiro dijita, masa copere biharia utare tu torë cã, tia bui dujiahye. **3** Upo miadoqueoro yero saha quehnoano asi siteahye tiquiro. Sa ye tiquiro suhti ehmeo curua yero saha quehnoano yehseye suhti ijiahye. **4** Tiquiro sa bajuagü ti copere cohteyequina surara cue yahdaye, nanare yahdua waha, buigä warona yaria yahdua wahahye. **5** Sa yero angel pehe tiquina numiare ohõ saha niahye:

—Yuhure cueracähña. Curusapu tiquina quë bihariquiro, Jesure mësa macagë masiaja yuhu. ⁶ Tiquiro yojopure ohore mariedare. Tiquiro nidiro sahata masa wijiaa wahari. Tiquiro pagure tiquina cûriore ihñana ahtaya. ⁷ Sa yena tiquiro buheyequina cahapu umeniano waha, ohõ saha ni yahuna wahaya: “Jesu masa wijiari. Sa yero mësa pano Galileapu tiquiro wahayurota. Topu tiquirore ihñanata mësa”, ni yahuna wahaya mësa. Ahrita ijire mësare yuhu yahuri quiti, niahye angel tiquina numiare.

⁸ Tiquiro sa nidi bato tiquina numia masa copepu ijiye numia sojaro mehna wijia, tiquirore cuepeta bucue yuhdye mehna Jesu buheyequinare yahuye oma cää wahahye. ⁹ Sa wahayequina numiare Jesu piti ca, ohõ saha niahye:

—¿Quehnoano ijiajari mësa? niahye tiquiro.

Tiquiro sa nidi bato, tiquina pehe tiquiro cahapu esa, dahpocärine ñehe, tiquirore ño peoahye.

¹⁰ —Cueracähña mësa. Yuhu bahanare “Galileapu wahaya”, ni yahuna wahaya. Topu yuhure ihñeta tiquina, niahye Jesu tiquinare.

Masa copere cohteyequina surara tiquina ihñarire yahuahye

¹¹ Tiquiro sa nidi bato numia wahari watoa ihquëquina masa copere cohteyequina mehna cjëna surara, Jerusalëpu pahia pahtoare ijipithiyere yahu pehoye wahahye. Jesu tiquiro masa copepu wijiari yahu peho cähye. ¹² Tiquina sa ni yahugë pahia pahtoa, judio masa mari bucuna mehna cahmecoahye. Cahmecoa, yahuducuahye.

Sa ye ye surarare ni meho dutiye niñerure wapa yeahye.

¹³ —Ohō saha niña m̄usa masare: “Ñami usā carīdi bato tiquiro buheyequina pehe masa copep̄u wihi, tiquiro paḡure ne cāri jiri”, ni yahuya masare. ¹⁴ M̄asa sa ni yahugā Pilato pehe m̄usa carī yuhduarire t̄uhoboaga. Tiquiro sa t̄uhogā, “M̄asare tuhtiari”, nina, m̄asare yahu basanata usā tiquirore, niahye tiquina surarare.

¹⁵ Tiquina sa nidi bato surara pehe niñerure ñehe, tquinare tiquina ni meho dutiriro sahata masare yahuye wahahye. Sa ye tiquina ni mehoriro sahata Jesu tiquiro masa copere wi-jiarire yahuducuriudio masa. Yojop̄u gūhure sata nine tiquina.

*Jesu tiquiro yere buhe dutiro ohoahye tiquiro
buheyequinare*

(Mr 16.14-18; Lc 24.36-49; Jn 20.19-23)

¹⁶ Sa ye usā Jesu buhena once buhena c̄unap̄u Galileap̄u ijidap̄u Jesu tiquiro waha dutidap̄u wahau usā. ¹⁷ Top̄u esa, Jesure ihñana, ño peou usā tiquirore. Sa ño peopenata, usā ihquēquina “Ahriquiro Cohācjū macuno ijieraboaga”, ni t̄hotumi. ¹⁸ Usā sa ño peogā tiquiro pehe usā cahap̄u wihi, ohō saha nidi:

—Ahri yehpap̄ure, uhm̄sep̄u gūhure Cohācjū ijipihtiyequina bui tutuayere ohori yuhure. ¹⁹ Tiquiro sa ohogā ohō saha dutiaja m̄asare: Ijipihtiro cjēnare yeere buhena wahaya. Yeequina tiquina wahatire buhena wahaya. Sa yena mari Pac̄u wame mehna, yuh̄u wame mehna, Espíritu Santo wame mehna tquinare wame yeya. ²⁰ Sa

yena masare yahu dutirire tiquina ye pehoatire buheya tiquinare masa. Sa yena ahrire yahu niatire wacuña: Ijipihtiye decori ahri yehpa ijiro puno masa mehna sa ijiducugutja. Masa mehna yahu sa ijiducuatire wacuña masa, ni yahuri usare Jesu.

**Cohācjū Yere Yahuducuri Tju
New Testament in Piratapuyo (CO:pir:Piratapuyo)**

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

ad83cef1-6eb5-5233-a8f3-356e47bbda0d